

ლიტერატურული გაზეთი

№17 (249) 20 სექტემბერი - 3 ოქტომბერი 2019 ბამოდის ორ კვირაში ერთხელ, პარასკევით ფასი 80 თეთრი

ლია სტურუა

ე.ი. როგორ მენდობოდა!
ჩემს თავში გახსნა
თავისი ბოლო გამოფენა.
ზამთარი იყო, მდულარე ჭიქით
განწყობილებას ვიკეთებდი, ვუყურებდი,
რა ძნელად ეგუება ტვინი
ამ ეგზისტენციურ უმსგავსობას.
გული რა? გულს მაჯებში გადაიტან,
დაითვლი, იქვე, კორვალოლის ფლაკონს
ჩაიკერებ და გამოფენაც შედგება.
მნახველები მძიმე, არაანგელოზური ნაბიჯებით
ივლიან, ბრინჯაოზე წაიფორხილებენ,
რომელიც მკაცრია, მინაში დაბრუნებაც
უჭირთ, ცივა. მდულარე ჭიქა
რომ შუბლში ავიტანო? მეტკინება
— შაკიკიაო, მამშვიდებენ
და გუშინ არ დავეყარე მინაზე
მიხაკები? ბანალური, მაგრამ
სასწრაფოდ წითელი. გუშინ არ ვთხოვე
ათი წლის მკვდარს: — მიშველე-მეთქი?!

IV

კატო ჯავახიშვილი

მან უთხრას ქარაბს

შენ უნდა იყო ლალი და მშვიდი.
ხელისგულებით მოტანილ დარდის
გამონვა უნდა შეგეძლოს, ფშვნიდე
თითქოს სიზმარში ფშატსა და სიმინდს.
და მერე უკვე ლვიძილში ადგილს
ვერ პოულობდე და მხოლოდ ქროდე
და მან, ვინც შენი მინა გამარგლა,
მან უთხრას ქარებს,
რომ უფრო ახლოს მოვიდნენ, შენ კი
კაბიდან მინდვრებს ირღვევდე ფერადს
და იწვე ისე ლალი და მშვიდი,
როგორც ვარსკვლავი, შენ რომ დაგფარა.

V



იარა უპირატესთა ასერთი პაატაური

VIII-X





ცრემლი ბოჩია

მოწოდებულია ცრემლი ბოჩიას საფლავს მივადექი. ერთადგილიანი იყო, თუჯის სხმულებით შემოღობილი ერთი მტკაველი მიწა. სურათი არ ჰქონდა, ალბათ ამიტომ ვერ შევნიშნე აქამდე. გათლილი თეთრი ქვა ედო გულზე. წარწერა საკმაოდ გაცვეთილი იყო, თუმცა იკითხებოდა:

„აქ განისვენებს ცრემლი ბოჩია 1925“

გარდაცვალების თარიღი აკლდა. წამული კი არ იყო, არ ეწერა.

ზაფხულის არდადეგებზე უთენია მივდენიდი საქონელს. რკინიგზის სადგურის უკან, ასე ათ მეტრში, სოფლის მალაზია იდგა. შენობაში ვერ შეხვიდოდი, ჯიხურის ტიპის იყო, ღია ფანჯრიდან ვაჭრობდა. გარეთ, ფანჯრის სიმაღლეზე, ხის თარო გასდევდა. ექვს საათზე იღებოდა მალაზია. სწორედ აქ მხვდებოდა ყოველ დღით ცრემლი ბოჩია. თაროზე ჩაის ჭიქა და ქარხნული არაყი „ექსტრა“ ედგა. ჩავატარებდი ძროხებს მალაზიის წინ და ხელს დამიქნევდა, აქ მოდიო. მიეცი ამ ბაღანას პეჩენიო, ეტყოდა გამყიდველს.

— არ გეძინება ამ დღით, ბავშვო?

და თავზე ხელს გადამისვამდა.

შვიდს რომ თხუთმეტი დააკლდებოდა „ფოთი-ქუთაისი“ კვილით გადმოვივლიდა ტენურს და სადგურს მიადგებოდა. გადაჰყრავდა ცრემლი ბოჩია ერთ ჩაის ჭიქა არაყს და ბაქანზე გავიდოდა...

— ზამთარ-ზაფხულ, თითქმის ყოველდღე, უთენია მოდიოდა, — მიყვება მაშინდელი ნოქარი, ბატონი ათანასე ზარქუა, — გახსნიდა პოლიტიკას და ერთ ჭიქას გადაჰყრავდა, დანარჩენს მე მიტოვებდა. ყოველდღე ახალს მახსნივინებდა, ძველი არასოდეს მოუკითხავს. თვის ბოლოს, რამდენია ხარჯიო, მეტყობდა და თუმნიანებს ჩამითვლიდა. არაყისთვის არასოდეს არაფერი მიუყოლებია, ნყალივით სვამდა... სამტრედიის რაღაც ტრესტის მმართველად მუშაობდა, ხან სამგზავრო ფულიც არ ჰქონდა, მე მართმევდა მანეთიანს... ისეთი გადამხდელი იყო, მალაზიას ვანდობდი, აცხონოს ღმერთმა!

— ცოლ-შვილი არ ჰყავდა?

— არა, ცოლს გამოტოვებული იყო, ახლგაზრდობაში გამოტოვებია, მე ის არ მახსოვს, ისე ქალს კი აქედნენ, მაგრამ ყოველდღე მთვრალი კაცი ვერ აიტანაო... ჩემი და რომ გათხოვდა, იღიმება პიმენ ბალათურია, ქორწილში ცრემლი ბოჩია გვყავდა თამადაო...

— მაინცდამაინც იმ დღეს იმდენი მოთოვა, გზები ჩაიკეტა, მატარებელიც არ მოძრაობდა. ჩემი სიძე ქუთაისელი რუსია, ნათესავეები რიაზანში ჰყავს. სწორედ რიაზანელ მოყვრებს და ქუთაისელ სტუმრებს ველოდით იმ დღეს, მაგრამ ჩამოიქცა ცა და ვერ მოვიდნენ. მაშინ ქორწილი ღამით იმართებოდა. ველოდეთ სიძეს შუალამემდე და რა გზა იყო, დავსვით ხალხი. უსიძო სუფრას დილაძე უთამადა ბოჩიამ. დილით, კარგა გათენებულზე, როცა სეფაში თამაღის გარდა არავინ იყო, სამხიდიანი „ურალი“ მოადგა ჭიშკარს ტენტიან ძარაზე მსხდომ სტუმრებიანად. ახლა ამ ხალხთან უბერა ბოჩიამ. რა რუსულად და რა ქართულად უკითხა ესენინი რიაზანელებს, მიანვინა სიძისიანებიც და მოსალამობებულზე სახლში წავიდა. ახლაც თვალწინ მიდგას, როგორ მიდარავდა რეზინის ჩექმებით გაუკვალავ თოვლს... ძლიერი კაცი იყო ცრემლი ბოჩია, რაც თავი მახსოვს, სულ თამაღობდა, მთვრალი და ფეხარული არ მინახავს.

— „ცრემლი ბოჩია“ რატომ ერქვა, ხომ არ იცი?

— რას ქვია არ ვიცი, სოფელმა დაარქვა. სიყვარულის სადღეგრძელოს როცა სვამდა, ცრემლად იღვრებოდა. იმნიანს იტყობდა, მსმენელსაც ატირებდა. შეყვარებული ჰყოლია, კლასელი, აქაური გოგო, ფარულავას ქალი, სახელი დამაზინცადა, მთელი ცხოვრება იმას ახსენებდა და სითვრალეში ლექსებს უკითხავდა. მერე ის გოგო გათხოვდა თუ ამას მოუყვანია ცოლი, ამდენი ნამდვილად არ ვიცი... ღმერთმა აცხონოს, ახლა სანთლით საძებარია თამადა, ლაზათი დაეკარგა ქორწილს! საინტერესოდ მომეჩვენა პიმენ ბალათურის მონათხრობი. კითხვა-კითხვით გავარკვიე, ვინ იყო ის ფარულავა, რომელ-

მაც ცრემლად აქცია ეს აზავერივით კაცი. ხორგამია გათხოვილი, ისე აქაურიოაო, მითხრეს. ახლა ას ნელს იქნება მიტანებული, ნიუ ქვიაო, ცოცხალი უნდა იყოს, სიკვდილი არ გაგვივია, შვილი ჰყავს ძალიან ცნობილი მეთუნეუქე, სახლებს ხურავს, რიგი უდგას, ინალიშვილია გვარად, სამეგრელოში ყველა იცნობსო...

კარგახანს ვყოყმანობდი, წავსულიყავი თუ არა ხორგამი. იმდენად დიდი იყო ცდუნება, მაინც წასვლა ვამჯობინე, თუ საუბარი არ ამეწყობოდა, სახლის დახურვას მოვიმიზეზებდი.

ჩემდა გასაკვირად, სწორედ ნიუმ გამოშველია „კუხნი“ ღია კარიდან და შინ შემეპატიჟა.

— თქვენ ალბათ ბადრი გნებავთ, შვილო, სახლი გაქვთ დასახური? სამი დღე არ მოვა ბადრი, ურეკი აქვს საქმე ადგილობრივ, იქა ბიჭებიანად. ჩაის დაგისხამთ, თუ ყავა გირჩევნიათ?

ძალზე მოძრაი და ენაწლიანი ქალბატონი იყო. პენიანი. სილამაზე მაინც შემორჩენოდა დამჭანარ სახეს. ცოცხალი თვალები მწვანე შუქს ასხივებდა...



ვასილ ბესელია

— არა, გამაღობთ, ქალბატონო ნიუ, მე უფრო თქვენთან მსურდა საუბარი.

— უი, ჩემი სახელიც იცით, მიცნობთ, ბატონო?

— კი, გიცნობთ, მე ნოსირელი ვარ, მწერალი ვახლავარ. ცრემლი ბოჩიაზე ვაპირებ დანერას.

ნიუ შეცბა, მომეჩვენა, რომ წამოწითლდა...

— და რა გსურთ ჩემგან? ვიცნობდი ბოჩიას, კლასელი იყო, სულ ეგაა.

— ქალბატონო ნიუ, ბოჩია მთელი ცხოვრება თვალცრემლიანი გახსენებდათ...

— მერე დანერეთ, გცოდნიათ და სხვა რაღა გინდათ?

ეს ისე რბილად მითხრა, შევატყვე, შევძლებდი საუბარში შეყოლივხას.

— ქალბატონო ნიუ, თქვენ უყვარდით ბოჩიას?

ნიუ გაჩუმდა. „კის“ ველოდი და დავიძაბე.

— მეც მიყვარდა, მეხუთე კლასიდან მიყვარდა, ინტიტიტი რომ დავამთვრეთ, დაქორწინებას ვაპირებდით, — ნერვიულობდა დეიტყო ნიუს, — რა გნებავთ, რა გინდათ, რომ დამტყუოთ, ოთხმოცდათერთმეტი წლის ქალი ვარ, რა დაიჯერებ ჩემი, სად გამოაჩენთ ჩემს ნათქვამს, ძლივს ვუყრი თავს სიტყვებს, — წამოდგა და ელექტროჩაიდან ჩართო. განჯინიდან ფინჯნები და ხსნადი ყავის კოლოფი გამოიღო, — მე ხსნადს ვსვამ, ნაღმუქიანი მაინც არ მაქვს... — თითქოს თავისთვის ჩაილაპარაკა და ფინჯანი მომიჩოჩა.

გაჩუმდი. ვგრძობი, საუბარს გააგრძელებდა და არ მივძალებვივარ.

— ერთ დღეს ქორწილში დათვრა ბოჩია და პატარძლის მეჯვარე ჩაუგორდა ლოგინში... მერე იძულებული გახდა, ხელი მოეწერა იმ კახასთან. ერთ კვირაში ბოჩიას ჯინაზე მეც გავთხოვდი. აქაური კაცი გამირიგვს და ჩაგრჩი ხორგამი, ფეხი არ მომიცვლია აქედან. ესაა სულ, ბატონო მწერლო, რა დასანერია ახლა ეს... დანერეთ, თუ გინდათ. რა ვიციო...

— და ასე გაქრა თქვენი სიყვარული? ბოჩიას მთელი ცხოვრება უყვარდით თურმე.

— არა, კი არ გაქრა, დამთავრდა! ბოჩოს ის ქალი თბილისიდან არ ჩამოჰყოლია, მაგრამ მე მისკენ არასოდეს გამიხედავს, მთელი ცხოვრება მარტო იყო. ბედს შევეგუე, მერე ნოსირში არასოდეს ვყოფილვარ.

მსგავსი ამბები ათასჯერ მექონდა განაგონი და თავი განზილებულად ვიგრძენი. ავედექი და ნიუს გამოვემშვიდობე.

— დიდი მაღლობა, ქალბატონო, ბოდიშს გიხდით, დაგალაღებთ, ძალიან საინტერესო მოსაუბრე ბრძანებულხართ.

რას ამბობთო, რა მოსაუბრე მე ვარ, გამომპარუტუნა წლებმაო.

გამოვედი სახლიდან და ნუ გამომაცილებთ-მეთქი, შევბრუნდი. ნიუ გაფითრებული იდგა. კანკალებდა.

— ცუდად ხომ არ ხართ, ქალბატონო?

— არა, არა, ნუ ნახვალთ, დაბრძანდით, კიდევ მაქვს სათქმელი. ოღონდ ახლა ნუ დანერეთ, ორი პარასკევი დამრჩა და სიკვდილი მაცალეთ. სამოცი წლის იყო

სიყვარულით ატირებული ქალბატონები, მაგრამ მინავლული მშვენიერების ზუზუს პირველად ვესწრებოდი.

— ბადრი მართლა ბოჩიას შვილია? — მორიდებულად ვკითხე.

— კი, მე ის არ მომიტყუებია, როცა გავთხოვდი, ორსულად ვიყავი. ბადრი თქვენ არ გინახავთ, თორემ მამის ალიკვალია... არ ვარ მართალი ქმართან... მეც კი ცოდვილი ვარ, შვილო, რომ მიყურებ!..

თითქმის სამი წელია, ეს ამბავი გულით დამაქვს. ვერ დაგვქევი და ვერ დაგვწერე. გამიძალიანდა სათქმელი.

წელს, აღდგომის კვირას, ისევ ჩამოვუარე საყვარელ საფლავებს. ბოჩიას სამარეზე პასკა და ნითელი კვერცხი დამხვდა. ქვაზე სანთლის ნაღვენი იყო შერჩენილი.

გარდაცვალების თარიღიც ამოეკვეთათ — 2019...

სვანი

ჩვენი მეთხე სახლში ცხოვრობდა. სვანური გვარი აქვს, თორემ ისე მეგრელიაო, ამბობდნენ... და მაინც „სვანი ექიმოს“ ეძახდა მთელი სოფელი. ექიმი არა, ფერშალი იყო. ომგამოვლილი, ათასი უბედურების მწახველი. მუდამ ბიქსს დააკონიალებდა და ისე დადიოდა. მე თვალს არ ვამორებდი ბიქსს, ოღონდ საფულე მეგონა და სულ მიკვირდა, ფულს ჯიბეში რატომ არ იდებდა.

ბავშვი გაუხდებოდათ ავად თუ დიდი, სვანი იყო მათი ექიმი. ქირურგიც იყო, თერაპევტიც, პედიატრიც, ენდოკრინოლოგიც და რა ვიცი, კიდევ ვინ იყო...

რაიონიდან დადიოდნენო სვანთან. არ ყოფილა შემთხვევა, მისი დიაგნოზი არ გამართლებულიყო.

— სვანმა დასვა? აბა, ანი თუ გინდა, მოსკოვში წაი, იმავეს გეტყვიან!

პატარა ვიყავი, ბაბუა ავად რომ გახდა. ძალიან ცუდად იყო. ახლა მოინდომა სიკვდილი მაინცდამაინცო, თან წუხდა და თან ბრაზობდა ბებია. წაი, შვილო, სვანი მოიყვანეო.

— სვანი ბაბუა, ბებია შემოგითვალა მოვიდესო! — გულხეთქებით მივვარდი სვანს.

ხომ მშვიდობააო, სვანმა.

— ბაბუამ ახლა მოინდომა სიკვდილი! — გადავეცი ბებიას ნათქვამი.

დაავლო ხელი ბიქსს და სინდიყინა ნენევის საზომს. გადაიკიდა ფონენდოსკოპი. აბა, ჩქარაო და გამოქანდა. ბიქსს მე წამოგიღებ-მეთქი, გამოვართვი დიდი ამბით.

წამოავინა ბაბუა. დაადო ზურგზე მარცხენა ხელის მტევანი და უკაკუნა მარჯვენა ხელის თითებით. გაშანშალბული ანთება აქვსო. მერე ფილტვებს ფონენდოსკოპით მოუვლინა.

აბა, ჩაახველეთ, სისოევიჩო, აბა, სუნთქვა გააჩერეთ...

ბანკები უნდა დავაყაროთო. თორმეტი მაინც დაჭირდებო.

გამოიტანა ბებია პატარა, მოლურჯო „ბანკები“. გამოუსვა სვანმა ცეცხლოვიდებული სპირტიანი ბამბა და სათითაოდ დაამხო ზურგზე ბაბუას. აგი გამოიტანს სიცხესო. კიდევ კი, მოვასნართო, თორემ ჩიხოტკაში გადაუვიდოდაო.

ამ დღიდან ხშირად დადიოდა სვანი ჩვენს სახლში. ახლაც თვალწინ მიდგას „კერასინკაზე“ შემოდგმული ბიქსი, სვანის თეთრი ცილინდრი და ჩესუნჩის გაქეილი კიტელი. განიერი, შავი, აფშაგაიანი შარვალი

და ტილოს ყავისფერი ტუფლები, რომელზეც წვიმიანში კალოებს შემოიცვამდა ხოლმე.

კაპიკს არ იღებდა არავისგან. არც არავინ სთავაზობდა, მაგრამ, მაინც, ყოფილა — ყოველ ოთხ საათში, დღე და ღამე, მოდიოდა ჩვენთან და პენიცილინსა და სტრეპტომიცინს უკეთებდა ბაბუას. მაშინ მხოლოდ ის მიკვირდა, ამ ერთი ციქსა შუშუბში ერთი მილიონი წამალი რაფერ ეტეოდა.

ხმა გავარდა, სვანი თბილისში განერესო. არ ყოფილა კარგადო. შეიცხადა შემინებულმა სოფელმა.

ერთ კვირაში ჩამოვიდა და ჩვენთან მოვიდა.

ფერი არ ედო!

რავა ხარ, სისოევიჩო, მიუჯდა ბაბუას.



ბიქსი ტაბურეტზე დადო. ახალი წამალი გამოუშვიათ, აგერაა რეცეპტი, აგი 12 საათში ერთხელ გეძენება გასაკეთებელი, ან თუ დაგჭირდესო. ბებიას მიუბრუნდა სვანი — ამ წამალთან ბანკები არ დასჭირდებაო, თვეში ერთხელ ნურბელები მიუჯინე კისერზე, ფეხები თუ დაუსივდეს, ნიახურის ნახარში მიეცეო.

მოკლედ, წავედი ახლაო. ერთი ჩაის ჭიქა არაყი გადაჰკრა. ერთი ნაჭერი შაში და ცივი ღომის ლუქა აიღო და ჭამა-ჭამით წავიდა. ხოვო, ჭიშკრიდან დაიძახა, მაგ წამალს კულაში იშოვოთ, ურიებშიო. ბიქსი დაგრჩაო, სიტყვა დაადვენა ბებია. ბიქსი მაგ ბალანს მოსწონს და ჰქონდეს ჩემგანო!

წავიდა და წავიდა. ორ დღეში მოკვდა! მაგან იცოდა, რომ მოკვდებოდაო, თქვა ბებია.

გამოიკეტა სვანის სახლის კარი. დასაფლავების მეორე დღეს ჭიშკარს უცხო „პობდა“ მოადგა. შევნიშნე, მანქანაში ვარდების გვირგვინი იდო. ცოლქმარი იყვნენ. თბილისელები. საფლავზე გაგვაცოლო ბავშვი, ბებიას თხოვეს.

ერთ პალატაში ვინქით თბილისში, — ჰყვება კაცი, — რძალი მოვიდა სანახავად, თან ერთი წლის შვილიშვილი მომიყვანა, გაუჩერებლად ტიროდა ბავშვი და პალატაში არ შემოსულა, მე გავედი დერეფანში. ყვირილით გამოვარდა ის ცხოხეული, რასაა, რომ უყურებთ, ვერ ხედავთ, რა ხმაზე ტირის ბავშვი, დიდგურიანა მაგი... ჩქარა, ინფექციურში! დროზე, ეგებ უშველოთო!.. ნახევარი საათი უნდოდა და დაგელუებოდათ ბალანო, ასე გვითხრეს ინფექციურის პროფესორებმა... საავადმყოფოში რომ მივბრუნდი, წასული დამხვდა, მადლობაც კი ვერ ვუთხარი... გუშინ საბჭოში დავრეკეთ და ეს ამბავი გვითხრეს... დღეს წამოვედი...
გავყვივი სასაფლაოზე... ბებიაც წამოვიდა, ნაკურთხი მინა წამოიღო.

ყვავილებით მოზვინულ სამარეზე გვირგვინს რომ დებდნენ, შევნიშნე, იმ კაცს ცრემლი უბრწყინავდა.

სახლში მობრუნებულმა ბამბუქის „ატაჟერკიდან“ ბიქსი ჩამოვიღე და გულში ჩავიხუტე...

თითქმის 60 წელია გასული ამ ამბების მერე...
6-7 წლისა ვიქნებოდი მაშინ.

სექტემბრის დასაწყისში კლასელი მესტუმრა, კაი ხნის უნახავი ძველი მეგობარი. მოსვლისთანავე პირდაპირ მომახალა, უნდა მიშველო, ცოლს სიმსივნე აღმოაჩნდა, აქაური ექიმები ოპერაციას ვერ რისკავენ, ევროპის კლინიკებზე უარი თქვეს, ერთადერთი კიოლნის კლინიკა დაგვთანხმდა ოპერაციაზე, ქირურგი გასამრჯელოს არ ითხოვს, ეტყობა, არა აქვს იმედი, მაგრამ რა ვქნათ, უნდა გავრისკოთ... ისე, ის ქირურგი ქართველიაო...

მერით გიშველო-მეთქი, ვკითხე შენუხეულმა და დაბნეულმა. უნდა გამოყვე გერმანიაში, მე არც გერმანული ვიცი და არც რუსული... არ მითხრა უარი, თუ კაცი ხარ, მარტო არ გამიშვაო!..
ოპერაცია ექვს საათს გაგრძელდა.

ჩამოვწყდით ნერვიულობით. როგორც იქნა, გამოვიდა ჩვენს ქართველი ექიმი, საშუალო სიმაღლის, ჭალარა, სანდომიანი კაცი. ახლა უფრო ხნიერი მეჩვენა, ვიდრე პირველი ნახვისას. გადავჩრითო, გვითხრა სუფთა ქართულით, მეტასტაზის ნახსი არ დამიტოვებია მუცლის ღრუშიო. რამე თუ არ გართულდა, ეს ქალბატონი ამ სატკივრით არ მოკვდება. ეს იყო ყველაზე მძიმე ოპერაცია, რაც კი გამიკეთებიაო. გვითხრა და სწრაფად შებრუნდა.

მეოთხე დღეს, საღამოს, მომილოცავსო, გვითხრა, ან საშიში არაფერია, ანალიზები კარგია, შეხორცება კარგად მიდის, პალატაში გადავიყვანეთ, ქიმიოთერაპია შეიძლება ქუთაისშიც ჩაიტაროსო... ახლა შეგიძლია ცოტა დავლიოთ, ბარში გეპატიჟებითო...
უშვარი კაცი გვეკონა და გაგიკვირდა!

კარგად შეზარხობებულნი ვართ და ექიმი გვიყვება:
— თქვენი ავადმყოფის ისტორია და დისკები რომ გადმოგიგზავნებს, უკვე ვიცოდით, რომ გერმანიის კლინიკებმა

უარი თქვეს ოპერაციაზე. ჩვენც უარს ვაპირებდით, მაგრამ პაციენტის ანკეტაში საცხოვრებელი ადგილი ნოსირი რომ ვნახე, გადავწყვიტე გამერისკა, იყო გადარჩენის იოტისოდენა იმედი... კი მქონდა წინააღმდეგობა კონსილიუმიდან, მაგრამ ჩემმა ავტორიტეტმა გაჭრა და გამიმართლა... უზომოდ ვარ გახარებული და მოდი, ბიჭებო, თქვენს ნოსირს გაუმარჯოსო!

პირდაღებული მივამტერდით ერთმანეთს მე და ჩემი მეგობარი!

— ნოსირი რა შუაშია, ჩემო ბატონო, იცნობი ამ სოფელს, გყავთ იქ ვინმე ნათესავი?

— ძალიან დიდი ხნის წინათ ბაბუაჩემის სანახავად დედაჩემს მიუყვანივარ არამიანცში... ვტიროდი თურმე, ვერ მარერებდნენ. გამოვარდნილა ბაბუას პალატადან ვიღაც კაცი, უშველეთ ბავშვს, დიდგურიანა აქვსო, უყვირია... ასე გადავრჩი, თორემ ვიქნებოდი ახლა 60 წლის მკვ-



დარი... ის კაცი ნოსირელი ყოფილა, ბაბუას ნამბობიდან სხვა არაფერი მახსოვს!..

— სვანი, სვანი იყო ის კაცი! — შემლიღვით ვიყვირე...

ლაპალუპით წამომივიდა ცრემლები... თვალწინ დამიდგა ჩესუნჩის გაქეცილი კიტლეში და ტილოს ფეხსაცმელებში გამონყობილი სვანი ბაბუა თავისი განუყრელი ბიქსით, სვანი ბაბუა, რომელმაც გარდაცვალებიდან 60 წლის მერე, აქ, გერმანიის ერთ პრესტიჟულ კლინიკაში, უნიკალური ოპერაცია ჩაატარა...

პარმენა ფოსტალიონი

სამსახურში ცხენით დადიოდა. ფოსტალიონის დიდი ჩანთა უნაგირის კეხზე ედო. მოადგებოდა ჭიშკარს, გადმოიხრებოდა ცხენიდან და გაარჭობდა ჭიშკარის გისოსებს შორის გაზეთებს.

სოფელში საფოსტო ყუთი არავის ჰქონდა. წვიმიან ამინდში, თუ ჭიშკართან არ დახვდებოდი, ეზოში ცხენთანადა შემოდოდა და აივანზე შემოყრიდა პრესას. ერთი მოკლე, შავი, თეთრსატურჩიანი საყვირი ჰქონდა. შემოვიდოდა ჩვენს ქუჩაზე და ჩაბერავდა:

ტუ, ტუტუტუტუტუ!
ე, მოდის პარმენაო!
ამ საყვირს ყველა „პარმენას რაჟოკს“ ეძახდა.

რას ჰყვირი პარმენას რაჟოკითო, არაერთხელ გამიგონია.

ერთი ძალი ჰყავდა, პამპარა ერქვა, მუდამ თან დასდევდა პატრონს. სანამ პარ-

მენა ჭიშკარს მოადგებოდა, მანამ პამპარა მოასკდებოდა ეზოს, უკანა თათებზე შედგებოდა და კუდის ქიციინით სამჯერ დაჰყევდა.

პატარა ტანის იყო. შავ-თეთრი შეფერილობის, უჯვიშო, მაგრამ ძალიან საყვარელი. ზამთარ-ზაფხულს, ყინვასა თუ ხვატში ნინ მიუძღოდა ცხენიან პატრონს და უშეცდომოდ მიჰყვებოდა წინასწარ დადგენილ მარშრუტს. ცხენიც ისეთი ჰყავდა პარმენას, ისეთი მშვიდი, რომ სადაც დატოვებდა, ქვეყანა რომ დანგრეულიყო, ფეხს არ მოიცვლიდა.

ჩემს უბანს რკინიგზა შუაზე ჰყოფდა. ორივე მხარეს საკმაოდ მჭიდროდ დასახლებული ქუჩები მიუყვებოდა. გაზეთები მაშინ ყველას ჰქონდა გამოწერილი. „კომუნისტი“ და „სოფლის ცხოვრება“ საველდებულო იყო. ბაბუას ქვეყნის ამბები აინტერესებდა და „პრავდასა“ და „იზევსტიასაც“ კითხულობდა. ჩვენს რაიონულ გაზეთს „ავანგარდი“ ერქვა და ისიც მოგვდიოდა.



მოადგებოდა პარმენა მარჯვენა მეზობლის ჭიშკარს.

ტუ-ტუტუტუ!
და დაუტოვებდა გაზეთს.
მერე, პირდაპირ გადავიდოდა რკინიგზის გაღმა და ახლა იქ ჩაპბერავდა. იქიდან ჩვენთან გადმოდიოდა და ასე ზიგზაგებით მიიწვევდა წინ. პამპარა მახარობელივით წინ მიუძღოდა და ფოსტალიონის მობრძანებას წინდაწინ აუწყებდა მოსახლეობას...

მთელს გზაზე მხოლოდ ერთხელ შეისვენებდა. დააყენებდა ცხენს ჩვენს ჭიშკართან. შენც დაეტიე აქო, დაარიგებდა პამპარას და შემოვიდოდა ეზოში. „პერერივეზე“ ვარო, ეტყოდა ბებიას და პირდაპირ ჭიშკარს წავიდოდა. ბებიას უკვე ეჭირა ხელში „კურრუშკა“ და მიაწვდიდა სტუმარს. სამჯერ მაინც ამოუსობდა პარმენა ალუმინის ჭიქას წყლით სავსე ვედროს. ავამუნა ღმერთმაო, იტყოდა, ამისთანა წყალი ამ სოფელში არავის აქვსო. მე მივევარდებოდი ცხენს და წამში მოვახტებოდი.

— ბაბუ, არ ჩამოგივარდეს ჩანთა, არ დამლუპო, წერილები მაქვს შიგ! — მომამახებდა პარმენა ბაბუა, არასოდეს დაუშლია ცხენის „გატაცება.“ ცხენიც ისეთი იყო, ვერაფრით ააჩქარებდი; მშვიდი, კეთილი ხასიათი ჰქონდა.

სანამ პარმენა პოლიტიკაზე და ხრუშჩოვის სიბრყივეებზე ელაპარაკებოდა ბაბუას, სანამ 100 გრამს დაარტყამდა და ცივ მჭადს და ყველს მიაყოლებდა, მე ვასწრებდი მდინარეზე ჩასვლას და ცხენის დარწყულებას.

— პარმენ ბაბუა, ცხენს დავალევივინე წყალი, პამპარამაც დალია.

— კარგი ბაბუ, გაიზარდე დიდი ბიჭი, — ისე შემაქებდა, თითქოს ფასდაუღებელი საქმე გამეკეთებინოს.

ეზოში მსხლის ხე გვედგა. აგვისტოში მწიფდებოდა. საშუალო ზომის შრგვალ ნაყოფს ისხამდა. აგვისტოში შავად ჩაღვინჯდებოდა და ნევისს გემოს იკრავდა. „ღვინჯა მსხალს“ ვეძახდით. ერთხელ ბაბუამ მითხრა, ამ მსხალს „ღვინჯას“ იმიტომ ეძახიან, რომ ადრე მისგან ღვინოს აკეთებდნენო. მოგვხსენებთ, მეგრულად ღვინოს „ღვინი“ ჰქვია, ხეს კი — „ჯა“! ბაბუს ვარაუდი სიმართლეს წააგავდა, თუმცა რამდენად გამოდგებოდა ეს მსხალი ღვინის დასაყენებლად ძნელი სათქმელია, საქმელად კი შეუდარებელი იყო...

გვიყვები ამ მსხალზე, ამბობდა პარმენა. შემოვიდოდა ეზოში ცხენით, დადგებოდა მსხლის ძირას და უზანგზე ანუული რამდენიმე ცალს მოწყევტდა. ორს აუცილებლად ჩანთაში ჩაიდებდა, სახლში წასაღებლად...

— მოკრიფე, კიდეც, პარმენა, გაავსე ჩანთა, წაულე შენს ივლიტას! — ოდის ფანჯრიდან გამოსძახებდა ბებიაჩემი.

— ეყოფა ეს ორი ცალი ივლიტას, ხვალ კიდეც წავუღებ, ამ ჩანთაში ოთხი ბათმანი ჩავა, შექალო! — უპასუხებდა და ეზოდან გადაბიჯებდა.

პენსიის დღე ჩემთვის დღესასწაული იყო.

მოვიდოდა, ჩათვლიდა ბაბუას ოცდახუთმანეთიანებს... ხურდას, როგორც წესი, ფოსტალიონს უტოვებდნენ. იმ დღეს ბებია საგანგებოდ დააცხობდა ხაჭაპურს, ტაბლაზე ცხელ მჭადს, სულგუნს, მწიწილს დადებდა და კაცებს შუშმაზანდში გამოუდგამდა. წვრილყლიანი და გაბერილმუცლიანი გრაფინით თუთის ნაყენით გაზავებულ არაყს მართმეფდა.

პენსიის დღეებში ბევრჯერ მინახავს ცხენზე ჩაძინებული პარმენა. ცხენის ჩრდილში პამპარა იწვა და კაი დედის შვილი იყო და მიკარებოდა ვინმე. პამპარას აგრესია ჩემზე არ ვრცელდებოდა. მოვიდებდი ცხენს აღვირში ხელს, შემოვიყვანდი ეზოში და დავაყენებდი ჭადრის ჩრდილში. ერთ საათში გამოშუმდებოდა ფოსტალიონი, დამალევივინე ერთი შენი ჭის წყალო... და გაუყვებოდა გზას.

— ბაბუ, მომეცი მანეთიანი, — ვეხვეწებოდი ბაბუას ყოველ პენსიაზე.
— ყველა ოცდახუთიანებია, ბიჭო, ვერ ხედავ? დავახურდავებ და მოგცემ.

შევეხვეწე პარმენას, ისეთი ფულები მიუტანე ბაბუას, მანეთიანები რომ ერიოსმეთქი. ამის მერე ერთხელაც არ გავუნბილებივარ არც ფოსტალიონს და არც ბაბუაჩემს. მეორე დღეს ჩემი იყო ათი ცალი კრემიანი პონჩიკი (კი, ბატონო, ფუნჩულა!). ამ ათიდან თითო ლუქმა გვიწვევდა მე და ჩემს კლასელებს.

მეოთხე კლასში ვსწავლობდი, ბაბუა რომ გარდაიცვალა.

ისე ვიყავი მასთან მიჩვეული, ძალიან გამიჭირდა. ჭამასაც მოვუკელი და სწავლასაც. გავხდი.

პენსიის დღეს პარმენას „რაჟოკის“ ხმა რომ გავიგონე, ჭიშკართან ვიჯექე. ბაბუას მანეთიანი გამახსენდა და მოწყენილი შევბრუნდი სახლში.

პარმენა მოადგა ჭიშკარს.

— მოდი, ბიჭო, აქ და თან წყალი გამოიყოლე, თუ კაცი ხარ! ავავსე ოქვი და გაუტანე. ესო — მითხრა — ეს მანეთიანო... სიტყვებს ეძებდა.

— ხო, ბაბუაშენს ბოლო თვის პენსია არ აუღია, შენთვის დამიტოვა და ყოველთვე მანეთიანი უნდა მოგცე, სანამ ამოიწურება... ა, ბაბუ, შენ მანეთი, ოღონდ სახლში არავის უთხრა, მარტო ჩვენ ვიცოდით!

გულწრფელი მინდა, ვიყო — მერე კი მივხვდი, მაგრამ მაშინ ფოსტალიონის ნათქვამი დავიჯერე. ისე გამიხარდა, თითქოს ბაბუა გაცივებულიყო და ეს მანეთიანი მას მოეცა!

მეექვსე კლასში გადავდიოდი, როცა პარმენა ფოსტალიონი მოულოდნელად გარდაიცვალა. აგვისტო იყო და სკოლაში არ დავდიოდი. მთელი ღამე ვტიროდი.

დასაფლავების მეორე დღეს მე და ბებია ავურის კიბეზე ვისხედით...

უცებ რკინიგზის გადმიდან პამპარა და პარმენას ცხენი გადმოვიდნენ. ძალიან ჭიშკარს მოადგა და სამჯერ დაიყვია. გავიქეცი და პამპარა გულში ჩავიხუტე... ღია ჭიშკარში ცხენი მშვიდად შემოვიდა და ღვინჯა მსხლის ძირში გაჩერდა...



მთა

რა მნიშვნელობა აქვს,
ვის გამოვბმები თოკით,
თუნდაც მთას, რომელიც ყველასია,
ახვალ, ჩამოხვალ,
მაგრამ თუ ზედა ბრწყვიალს
თვალებით მიებეჭდე,
თოკს კბილები შეატოვე,
ამ მძივით ივლი...
მთამ რომ გილაღატოს
ახალი თოკის მოლოდინში?
ალპინისტთან, მოყვარულთან,
ათას ვინმესთან,
ათასმეერთობას როგორ აიტან,
თუ ერთხელ მაინც
ბრწყვიალზე ფეხი დაგადგმევინა?
მწარეა, ოლონდ, თვალსაჩინოდ
ნუ გეტკინება,
რამდენი ხანიც იკითხე
სინათლის პარტიტურა, იმდენ დროს
ითხოვენ თოკზე გამობმული ბავშვები,
საკეისროთი ამოყვანილები
ნორმალური მუცლიდან.
ისინი დაიმახსოვრე, იმათთვის იყავი,
როგორც მთა თავისთვისაა,
მაგრამ როცა წერაყინი თავში?!

კიდევ რამდენ ხანს უნდა მხარშონ
საერთო ქვაბში? ორგანიზმების თანასწორობამდე?
შუბლების გათანაბრება არ გამოდის,
გადატანითი მნიშვნელობითაც კი,
ამიტომ კუჭის თავზე წითელი ალაში!
სწორეა, გტკივა.
ციროზიან ღვიძლში რომელიმე
ბიძაშვილის ჩანერგვა, შუბლზე
სისხლის ფორმულა, რითაც გცნობენ,
გვარები და სახელები სასაფლაოზე!
ჩემისთანები რომ ასე იოლად არ იხარებინან?
წვის ხარისხი აქვთ სხვა
და ჟანგისფერი ტოტები ტანში,
სასწრაფოდ ამოსაჭრელი, სანამ
პირიდან ხე ამოსვლიათ...
ფორმა ნომერი ასი
შემიძლია გაჩვენო, ღმერთო!
როდის ამომაჭრეს, რამდენი,
როგორი მაკრატლით. არ გადავყრევინე,
ერთმანეთზე დავანებე და ისევ ხე გამომივიდა,
სევედიანი, შემოდგომის.
ასეთი დამაყენე სადმე,
შეშინებულეხს ჰორიზონტი გავუადვილო!
რა ვქნა, აბრეშუმის მანერები
გზიდან გადახვევის და რბილად მოკეცვის,
ვერ ვისწავლე...

გაუცხოება

უხვად დაშაქრულ ჩაის
ლიმონის ჟრუანტელი დაუვლის —
ასაკი მშვიდი ფუფუნებით
ცვლის ფათერაკებს.
გავდივართ ქუჩაში,
ვადგებით ჩვენ-ჩვენს გზას,
ყოველდღე ერთსა და იმავეს,
ერთმანეთის საპირისპიროდ გამავალს
რკინა-ბეტონის კალაპოტში.
ისეთი უცხო ვარ ჩემი ბავშვობის ქალაქში,
რომ ვერცერთი ძალი ვერ მცნობს,
ნაცნობებს თვალს ვარიდებ:
უნდა გაუღიმიო, მოიკითხო,
მოისმინო არაფრისმთქმელი სიტყვები
ამინდზე და ჯანმრთელობაზე,
დამახინჯებული ლათინურით ყურები გაიკანრო.
მუსიკასთან როდის მიიტან?
კონსერვატორია ზამთარში დგას,
ვოკალით გაპრიალებულ ყელს
შორიდან უჩვენებს აქოშინებულ ჩემისთანებს,
ისეთი დახვეწილი ნიუანსები კი,
როგორც გაზაფხული და შემოდგომაა,
გაცვეთილი მანქანების ბიზნესს შემოეჭამა...
სანამ ის კაცი, ლიმონის მთვარე რომ მასწავლა,
უკონტროლო ემოციებს მიხატავდა
შესაბამისი სისხლით,
დღეები ხან ძნელი იყო, ხან ტკბილი,
ჟრუანტელი მუდმივი, კარგად ვიყავი...

გაკვირვება

ზაფხულში სხვა სინათლეა,
დარწმუნებული თავის თავში.
მიწა — ისეთი ყავისფერი,
დამპალ ხილს რომ ნეგატივი ამოაცალო,
სიტკბოსკენ წასული...



წყლის ჭიქაში — ცინულის ანგელოზი,
ის მამკვეთრებს,
თორემ გავიღაბნებოდი მედუზასავით.
სანამ კონტური მოძრავი და ნიჭიერია,
ანუ იცის, სად დამრგვალდეს,
სად პარალელური ხაზები დაუშვას
ნიკაპიდან მინამდე, როდის
არითმია ააციმციმოს, მანამდე ხომ ვარ
და კიდევ 17 წლის მოზარდი მიზის
დაბერებულ საშვილოსნოში,
როგორც კლასიკურ მომღერალს ყელში
ეკალივით ამოსული როკ-ბავშვები.
მოვდივარ ქუჩაში, მეფშვნება ხერხემალი,
მექცევა ნალველი, მისკდება თავი,
მაგრამ, მაინც, ჩვიდმეტი წლის ვარ
და მარჯნის მძივი მიკეთია,
რომ ვილაცას მოვენონო,
ან გაუკვირდეს
და კაცს რომ რამე გაუკვირდება,
იმასაც შეძლებს,
რეალურ გეოგრაფიაზე იდგეს,
და გაფრენილ მატერიკებს უყურებდეს
ან მრუდე ხერხემალზე ჩამოცმული
მძივი ქალი ეგონოს...

ახალი წელი

ახალი წელი.
ლაპარაკით გახურებულ ენაზე
შაქრის ნატეხი...
რა მონუმენტური იყო!
როგორ დაწვრილმანდა,
როგორ აჩურჩულდა ორატორების
აშენებულ ხმამალალ სამყაროში!
ცაში ფრენას და ბუღბუღლის ენას
ალარ მოითხოვს, ამათთან
ისე მსუბუქად გარითმული ზენასგან,
რომ დარბაისელი წინაპარი გაგახსენოს
და არა რალაც ანომალიური ლექსები,
სადაც გოზინაყის მდულარე ოქრო
ჯოჯოხეთურ ბედნიერებას გაახლოვებს,
როცა ჩაის ჭიქაში ჩაგდებული ვერცხლის კოვზი
უფრო ზამთარია, ვიდრე
თოვლით დაფარული მთელი ქალაქი...
ახალი წელი მოდის,
ბავშვები ფორთოხლების კოცონებს ახტებიან...

გაოგნებული

ეს წვრილმანი სიხარულები
რამდენ ხანს კიდევ:
მზე რომ ცივია, სახლი თბილი,
ლოგინი მარტოხელა, მაგრამ
ლურჯად გახამებული, გაყინული ქათამივით...
როცა ქუჩა მართალი იყო,
სახლი ტყუილა, დიდაქტიკური გულმოდგინებით,

ახლა, პირიქით, ქუჩა ტყუის
ამიტომ ერთი სახლში ვრჩები,
ერთი გავდივარ და საკუთარ თავს
ქვას ვესვრი, საგარეო შუბლს ვუტეხავ,
ნამდვილი სანერ მაგიდაზე მიდევს
და თვალების დაელმებამდე მტკიცია,
წნევის საზომიდან ვერცხლის სვეტები
ამომაქვს — მთელი პარტენონი,
მეტაფიზიკური ძარცვა სეზონურად დაშვებულია,
მაგ., სავეს მთვარის დროს...
რა წვალეებით ვიკეთებდი ამ შუბლს!
ფართეს, ქალაქურს, ნაკეცებიანს,
საფეთქლებთან მოჭერილს,
ამ საგარეოს ვესროდი ქვას
და გატეხილი ადგილებიდან
ცნობიერების ნაკადი მდიოდა,
შინაური შუბლიდან — სისხლი,
აორტაზე დაყრდნობით ვწერდი
და არა ასოების დახრილობაზე,
სისხლით, თუ წითელი პასტით,
ვინ მიხვდებოდა,
ისე ფართედ მტკიოდა შუბლი...

სიმეტრია

ლექსის მასალა — მდულარე
სასწრაფოდ მოითხოვს
ყურის შუბლზე ატანას,
ცხვირის გაშვებას ქარის მიმართულებით —
ესენი იჭერენ არც თუ ისე
აშკარა მუსიკას და სანამ
ძველებურად დალაგდებიან,
თაფლივით დღე გაქვს...
მერე ისევ სიმეტრიის ციხე,
კანონიერი მავთულხლართები,
სისხლით მოეჭიდე,
დაარღვიე ყველაფერი, რაც დასარღვევია!
გადაბრუნებული სახით იყავი!
სიმეტრია მოსაწყენია.

და ველარ ხვდები...

აქ ისეთი მაღალი ბალახია,
სადღაც ახლოს მდინარე უნდა იყოს,
მაგრამ არ ჩანს, როგორც ეკლესია,
რომლის ვიტრაჟები წყალს ადასტურებენ,
ფრესკებს მხატვრის ცოლის,
ან კახაა მეზობლის სახეები აქვთ,
რეპრესირებული ბაბუა იყურება
ბოლო სიმალლიდან...
თუ ცოცხალი ხარ, საიდან
ასეთი თურმეობითი გადახრა?
თუ მკვდარი, ეს ყველაფერი
რატომ გტკივა?
ხიდად რომ იყავი გადებული მდინარეზე,
გახსოვს? და ზედ ხერხემალზე დადიოდნენ,
იქით უფრო მაღალი იყო ბალახი,
აქეთ — უფრო მწვანე, ვერ ხვდებოდნენ
სად ურჩევნიათ და თავს კარგავდნენ...
ხილის მოაჯირობა რომ შეგეთავაზებინა,
მომდევნოების გადასაყვანად, დათანხმდებოდნენ?
საკუთარი თავის პოვნასაც?
იმის დანახვას, როგორ გტკივა
ეს ყველაფერი და ველარ ხვდები,
მოკვდი თუ ცოცხალი ხარ...

დეკადანსი

საათიანად იხსნი მაჯას,
მაგიდაზე დებ. ძილის დროა,
თუ უძილობის?
მოუნებლელ ნარინჯისფერზე ფიქრის
შესაბამისად ცივ ღამეში?
სიზმარი უხორცო,
მარტო ხმები ეხებიან ერთმანეთს.
იმყოფინე ეს ეროტიკა!
ძილში ჩატანებული მარჯვენა ხელიც
ცეცხლზე მიუთითებს, დაუნახავ სიღრმეში
ტკბილად დაწყებულზე, როდის გახდა საშიში?
როცა მარცხენა ხელმა გააჩერა დრო
და მაგიდაზე დადო?
ზედ დამხობილი თავები გააუქმა
ამ ძველ და დაღლილ ქვეყანაში
და კრიზისს მიაბა,
რომელიც სისხლს კი იმიზეზებს,
მაგრამ ბერნია, ამხელა ნარინჯისფერს
მილიგრამობით ჭამს, შენთვის რომ გქონდა,
შემდეგი სპილენძის დღეებისთვის...
დედაშენის ღმერთი ლმობიერი იყო,
შენი — ესთეტი, სიტყვაში ზარი აქვს,
ამიტომ „დეკადანსი“
რეალური ორმოს მაგივრად?
ლიტერატურული გადახრა
არასტანდარტული მათხოვრებისკენ...
იქნებ, ცოტა მიწაც გაგიგრძელოს,
სულ რამდენიმე ხით...



კატო ჯავახიშვილი

ფარდულის ანგალოზები

დიდება ქვეყანასა ამას,
მუცელგაფატრული ბალების
ღმერთებისგან მკვდრადშობილს,
დამარხულს ენით, მინისძვრით და წყალდიდობებით.
ჭრელხალიჩაგადაფარებულს.
დიდება კოკობსა ვარდსა და
ზურგიდან გამცვდარ დარდიან ხმასა,
იავ-ნა-ნოს და ვარდო-ნა-ნოს,
ნაწყალობევს და არც ისე თამამს,
თვალ-ნამწამ-ნასულ მინდვრების ალაგს,
ტიკჭორით ჭას და მის ფსკერზე ფარას,
ცხვრისას.

დიდება ჩვენი კოლმეურნოების თავაჯდომარეებს!

დიდება მგ ზავრს და მორჩენილ საგზალს,
ზურგიდან ტყეს და წინიდან ხანძარს,
ფარდულში ფეხის შესწრებას და გზას,
რომელიც არ სჩანს.
დიდება ძარღვებამომჯდარ ხელებს,
ქვიტკირის ფაფას სიზმრით რომ ზელენ,
შარაზე სოფლის მაყვალს და ასკილს,
ხარაჩოების შეწვედენას ცაში.

წყალმცენარეთა ხიზნების ყვაპილოვით სახელაქანეკილ გმირებს დიდება!

დიდება შიმშილს და ხანგრძლივ ზამთარს
თხელ ფიცრულბუმი მონარჩენი ზღაპრებით მაძლართ,
ფუნთუშებიდან ქიშმიშებივით ამომძვრალ ბავშვებს —
გზის ყაყაჩოებს.
დიდება ხატს და დედასავით საფიცარს
სამშობლოს ჩვენსას,
მინას და ყანას, კოლექტიურ მკასა და თესვას,
მალეგამცვდარი ხერხემლიდან ასიდან ათი
წამოდგება და სახატეში კელაპტარს ანთებს, —
სად არის ახლა „ჩემი ხატია?“

დიდება გმირებს, მჯარათაებს, მაღაროელებს!

დიდება ომს და დიდება ფოლადს,
ტყვიების წვიმას და მზეებს ფონად
და მდინარეებს, რომლებსაც მოაქვს
ზარბაზნის სიმფონია.
დიდება სიკვდილს და ყველა მკვდარსაც,
დამარხულს, ანდა დაკარგულს გზაში
და ყველას, ვისაც სჯერა, რომ მოვლენ
ფარდულის ანგელოზები.

სამომავლო განტოლება

უსმინე, როგორ იზრდება მინა და
სადაც შიგნით როგორ იღვიძებს
ხმაური ფეხის და დედამინის.
ვინც ზურგშექცევით შემოუბრუნდა,

გზას შეციებულ ფერდებში იტევს.
და აიჭრება ქარში სალი რძე,
გაიფოთლება ჭიანი კვირტი.
შეგიძენ ამ წამს, ვერცერთ ბუდეში
რომ ვერ შეგასწროს შენმა ნაბიჯმა.
და ქარი ქროდეს მომწვანო ტბაში, —
გამოტოვებულ, ხანმოკლე ძილში.
ისხდნენ ხეები, თვალბედახრილინი
და არ შეგეძლოს თავის გამიჯვნა იმ ცხოვრებისგან,
შენ რომ თამაშობ.
და თუკი მინას სთხოვ, რომ გაგიძლოს, —
გადაიქცევა უმალ სახლივით.

უსმინე, როგორ ამღერდა მწვანე და
ეს მინდვრები როგორ დამძიმდა
ამ მინისზედა გადასასვლელით.
ტალახის კაცი ყვავილებს ლეჭავს,
მანამ გვირილებს გვირგვინად ჩაწნავს.
ვინ ეტყვის ქარებს ახლა სამძიმარს,
ვინ იცის ახლა მათი სახელი.
რამდენ სიჩუმეს დაიტევს ეს ჭა, —
ჩაიგუებებს რამდენ სიბრმავეს.
გამოატარებს შენს ბავშვობას კაკლის წვერებზე.
შეაერთებს წყალსა და გემბანს.
თუ გემბანიდან გადმოხვედი, სად იხარებენ შენი ყანები,
როცა დალილი ჩაიძინებ?!
ან ამ ყანებში შენი ტანი რომ იწვიმებდეს
და გუბე გერქვას, არ აირჩევენ
მინისქვეშა გზებს ბაყაყები?!

რა ჭრელია კაბა ჩვენი პირიშისა,
რა შავია კაბა ჩვენი პირიშისა,
რა სახადი მოიხადა, იქნებ მზისა,
იქნებ მთვარეს მიაფარეს ფარდა.
სად ქარია, სად კი წვიმა, განა ცისა.
სად მარხია ხევის ტანი, სად კი მთისა.
ნაცვლად ცვარით დანამული ცის კიდისა.
უფრო თეთრი და მზიანი პირიშისა.
რომელ მხარეს გავუბევრო მინა.

უსმინე, როგორ ზრიალებს ქარი და
სადაც შიგნით როგორ მთავრდება
ეს სამომავლო განტოლებები.
ვინც ზურგშექცევით შემოგბრუნდა,
გზა შეციებულ ფერდებში იმწყვედეს.
ეფარებიან თეთრი ფარდები
ყველა მოაჯირს და ყველა კიბეს.
უფრო ქვევით და უფრო დაბლიდან
უფრო და უფრო მკრთალდება სივრცე.
შეგიძენ ამ ქარს, შენმა ნაბიჯმა
რომ ვერ შეგასწროს ამ ხანგრძლივ ძილში.
და ყველა ტბაში დაჰქროდეს ქარი, —
და ქარი იყოს სწრაფი და უცხო.
და არ შეგეძლოს თავი გამიჯნო
იმ ცხოვრებისგან, შენ რომ თამაშობ.

შეხედე, როგორ მოკეცა მუხლი და
უცებ როგორ გადაიხარა, —
სიტყვა ხმოვნების ნატირლად გაყო.
დაემგზავრები რომელ ქვაფენილს,

რომელ სიჩუმეს ამოიხავლებ.
ვისი მკვდარი გყავს ლოდინის მხარეს,
სიჩუმის მხარეს ვისი მკვდარი გყავს.
ვისმა ჩიტებმა გადაიფრინეს
ეს სამომავლო გზები. მინდვრები.
გამოიცვალონ უნდა ხეებმა
სქელი და მყარი ტანი — მერქნები.
გამოიცვალონ შენი თითები.
ძვლები. თვალბედა. და ამინდები.
და თუ ნერგები გაიხარებენ,
თუ რამ დარჩება, თუ რამ იქნება, —
ამოთეთრდება მინა, — თოვლივით.

რა ჭრელია კაბა ჩემი პირიშისა.

კაცი, რომელიც ცოცხლად მოკვდა

მე ის ვნახე.
კაცი, რომელიც მიიცვალა.

— აქ ფეხზე უნდა გაიხადო! — სიბერეს უყვარს
ფაჩუჩებით სახლში ფრატუნის, —
მითხრა ვილაცამ თუ რალაცამ,
და რომ შევედი, არ გავიხადე.

კაცი, რომელიც ცოცხლად მოკვდა, ოთახში იჯდა.

გორებად იდგა ნიგნები და ხელნაწერები,
სატელეფონო ნომრები და გაურკვეველი ნაგლეჯები,
და ფოტოები, კედლის გასწვრივ, სანოლის თავზე,
არ გაცილებდნენ თვალს და თითქოს გაკვირდებოდნენ, —
რომელ მხარეს გაბრუნდებოდი.

— შარდის სუნით ყარს ყველაფერი, —
ამბობდა ქალი არსაიდან
და ოთახიდან კედლის გავლით ქრებოდა.

და მე ვხედავდი შარდის ქილებს სანოლის ირგვლივ,
მაგიდის უკან: მყრალებს და ყვითლებს.
და კაცი, რომელიც უკვე მოკვდა, ჩემ წინ ცოცხლობდა.

ეს სიბრალული იყო ისე ამაზრზენი, ისე უსულლო,
როგორც ამ კაცის ხორციელი ფანტაზიები,
რომელშიც მისი სიყმანვილე ჯერაც სუნთქავდა.

ჯერ სიბერეს არ მოეჩლანა მისი სხეულის კიდევით,
ჯერ კიდევ ჰქონდა ყველაფერი, რაც რამ უნდოდა,
ქალი და ფული, ნარმატება, სულ ყველაფერი,
რასაც ჯერაც არ შეხებოდა
მისი გარყვნილი ღამეების მესასთუმლე,
სიბერე, როგორც გახრწნის უღვთო პირობითობა.

ჯერ კიდევ ჰქონდა მკლავში ძალა, რომ მაგიდისთვის
დაერტყა მუშტი,
გაყვითლებულ ფრჩხილებით შემოელობა
თავის სხეულზე ჯერაც სალი სახნავ-სათესი
და მერე, როცა დროს სიკვდილით გაცვილებდა
თავისი გულის ცარიელი განჯინებიდან,
ამოფერთხავდა ყველა ძვალს და ხორცის ნაგლეჯს,
ამ დროსაც თანვე წაიყვანდა, დიდი ხურჯინით, —
სადმე იქ, სადაც თავად იყო ღმერთიც და მგზავრიც.

კაცმა, რომელიც უკვე მოკვდა,
არ იცოდა, რომ
მისი ღმერთი უკვე გაიხრწნა.

მე ეს ვიცოდი, საყოველთაო უძრაობის კანონებიდან.

ამიტომ როცა იმ ოთახში შევაბიჯე და
კაცი, რომელიც უკვე მოკვდა, მაგიდას უჯდა,
მოკაკულ თითებს იფშენებდა და
დიდ ვარცლში ფშვნიდა
თავისი ტანის მარადიულ ახალგაზრდობას,
და ოცნებობდა, რომ ჩემს ირგვლივ შემოეჯარა
ფულურო ძვლების გალაგანი,
რომ მარტოობას, ასე საშინს, ასე მდუმარეს,
არ დაეკანრა ამ ოთახის ყველა კედელი
და შარდის ქილებს, ასე მყრალებს და ასე ყვითლებს,
ამ ოთახიდან სიცოცხლეში ემოგზაურათ,
მას კი ეყიდა ყველაფერი, რაც რამ უნდოდა
ფულით, გავლენით, მოკაკული თითებით, დღესვე!

ამიტომ როცა იმ ოთახში შევაბიჯე და
შავი მტრედების ორკესტრთან ერთად,
ბოლო რექვიემს ვასრულებდი მისი სულისთვის,
ხოლო სიჩუმეს — ამ ორკესტრის აკომპანემენტს —
საკრავის ნაცვლად, ხელში მისი მაჯა ეჭირა,
დროის ათვლა ქარმა დაიწყო.
და ქარი ქროდა, ისე სწრაფად, ისე უხამსად,
რომ როცა ლულუნს ხროტინის ხმა შეერეოდა
ქარის საკრავებს უკიდონენ შავი მტრედები.

მე ის მოვკალი,
ტკივილის და ოხვრის გარეშე.

კაცი, რომელიც მიიცვალა, ისევ მოვკალი.



ლეილა მასნავლებელი

ჩემს სამივე შვილს ასწავლიდა დაწყებითში.

მთელი თორმეტი წელი ლეილას სახელი ისმოდა ჩვენს ოჯახში.

— ლეილა მასნავლებელს თმა შეუღებავს...

— ლეილა მასნავლებელმა, პროფესორი ხარო...

— ლეილა მასნავლებელმა, მშობელი მოიყვანეო...

ლეილა მასნავლებელი და ლეილა მასნავლებელი...

მოკლედ, ოჯახის წევრებით იყო კაი ხანი გავიდა მას მერე.

შვილებმა სკოლა ცდაამთავრეს და ინსტიტუტიც.

სამოცი წლის გახდა ლეილა.

სკოლაში მისულს სამასწავლებლოში ტორტი და ლიქიორი დახვდა.

დიდი სიყვარულით მიულოცეს. გაკვეთილების შემდეგ მომლოდინე ტორტი მიართვეს.

ბავშვებს აჭამეთო — დაჭრა და იქვე დაარიაგა.

მეორე დღეს დირექტორმა მორიდებულად უთხრა:

— ლეილა, სერტიფიცირებული მასწავლებლები გვყავს, გამოცდა უნდა ჩააბარო, თორემ შეგაგინროვებენ...

ოცდახუთი წლისა იყო ლეილა, ამ სკოლაში მასწავლებლად რომ მოვიდა. აქ დაბერდა. ოჯახი ვერ შექმნა.

ოცდათხუთმეტი წელი ასწავლიდა ბავშვებს. ვინ მოთვლის, რამდენი ჯილდო და მაძლობა მიუღია.

ახლა კი, გამოცდა ჩააბარე, თორემ შეგაგინროვებენო...

ის სერტიფიცირებულები ხომ ჩემი გაზრდილებიაო, გულს ასკდებოდა ლეილა.

მაშინაც ხომ არ მქონდა ეს ოხერი სერტიფიკატი, რა, ცუდად ვასწავლე რამეო?

— ახლა სხვა დროა, ქალბატონო ლეილა, — არ ეშვებოდა დირექტორი, — ახლა სხვანაირი ახალგაზრდები მოდიან...

მეტი მოეთხოვება მასწავლებელს.

— კოლაბორაციონიზმი რა არის, მას? — ჰკითხა ერთ დღეს იმ სერტიფიკაციის შეიღმა.

დაიბნა ლეილა, ასჯერ ჰქონდა ეს სიტყვა გაგონილი და არცერთხელ მისი მნიშვნელობით არ დაინტერესებულა.

— ხვალ ვილაპარაკოთ მაგაზე! — გულმოსულმა უპასუხა მასწავლელს.

— შინ მეც კი დავგულავ, ახლა მაინტერესებს, — არ მოეშვა მოსწავლე.

ახლა ეს „გულვი“ ჩაეჭყადა თავში — „ეს დავგულავ რა ჭირია, ნეტა...“

„არა, არა, მართლა უნდა წავიდე — ფიქრობდა ლეილა — ჩავამთავრებ ამ წელს და მორჩა, არ ავიყვან პირველ კლასს...“

მეყოფა ჩემი პენსია, მოვახერხებ რამეს. რა დროს ჩემი გამოცდა და სუფთა წერაა... უნდა წავიდე!“

მაისის ბოლოს განცხადებდა აახლა დირექტორს, არ მინდა აქაურობა, ვერ გავხედები აბიტურიენტის.

დარჩა ლეილა პენსიის ამარა.

ცოტა დანაზოგი ჰქონდა და ერთხანს ციციქნიდა. ერთი ძროხა ჰყავდა და შიგადამიგ ყველსაც აბარებდა.

ბოსტანშიც მუშაობდა.

ერთ დღეს თავი ცუდად იგრძნო და ექიმთან მივიდა.

ნამლები გამოუწერეს. იანგარიშა და პენსია ნამლებს უნდებოდა.

თან მუდმივად უნდა ესვა. გამოილია დანაზოგი. ძროხაც გამრა. გაუჭირდა ლეილა მასწავლებელს.

იმ დღეს უმცროსმა ბიჭმა ოცლიტრიანი მონწულათი არაყი მოიტანა.

— ბიჭო, სხვისი რაღად გვიწოდოდა, ჩვენი არ ვიცი, სად წავიღო!

— ლეილა მასწავლებელი ყიდის თავის გამოხდილ მსხლის არაყს, სულ ნისიად მიაკეთ თურმე და იმ დღეს პურის ფული არ ჰქონია... გამოვართვი ოცი ლიტრი, ასი ლარის, მეტი არც ჰქონდა, იყოს, ხომ არ გაფუჭდება... არაყი სულ არ მინდოდა, ფულს ისე ვაჩუქებდი, მაგრამ არ გამომართმევდა, ხომ ვიცი...“

— კაი, შეიღო, გადაცალე ჩვენი ჭურჭელში და წაუღე უკან მონწულა. დედაშენს უთხარი, ყველიც გაგატანოს...

ახლა გოგო მიყვება:

— ლეილა მასწავლებელი ავტობუსში ამოვიდა. თან თავმოკრული ვედრო ამოიტანა, კვერცხები მინაქონა ჩასაბარე-

ბლად. ჩასვლისას დაუცდა ფეხი, დაეცა და დაემტვრა კვერცხები, უნდა გენახა, რა დაემართა... შერცხვა, განთლდა... დამტვრეული კვერცხები ისევე ვედროში ჩაყარა და ნაგვის ურნაში ჩაუხახა... უკან დასაბრუნებელი ორმოცდაათი თეთრი ჩუმად მესესხა და იმავე რეისით დაბრუნდა. ისე შემეცოდა, ვიტირე.

გარეზიდაშვილის ცოლი იყო თურქეთში. ლოგინად ჩავარდნილს უვლიდა. სთხოვა ლეილამ, ეგებ მეც მიშოვო ერთი დავარდომილიო. კარგა ხანს ელოდა ზარს.

როგორც იქნა დაურეკა რძალმა. დაურეკა თუ არა, წავიდა. გამოკეტა ოდა. დაადო ბოქლომი ჭიშკარს. წავიდა და ჩვიდმეტი წელი არ ჩამოსულა.

სოფლის გამგებლად ვმუშაობდი. მობილურზე უცხო ნომერი აცემცემდა.

— ლეილა მასწავლებელმა გთხოვათ,

ოვეს, დავრჩენილიყავი ამ სახლში, სანამ ბავშვი დავაყუცებოდა. ჩვიდმეტი წელიწადი მე ვზრდიდი და ვემსახურებოდი. სკოლაში ვატარებდი, გაკვეთილებს ვამზადებინებდი... ჩემი ზღაპრებით გავზარდე, ჩემი საბავშვო და სადილო ლექსებით...

— უჩემოდ არ იძინებდა... აგარაკზეც მე დავეყვებოდი, სხვის გაკეთებულ საქმელს არ ჭამდა... განახათ ერთი, რა ბიჭი გაიზარდა, ბებოს მეძახის, ენაცვალა ბებო, ჩემი მშობლიური ენა ქართულიცააო, ერთხელ სასკოლო დავალებში ჩანერა... მთელი ქართული მწერლობა და კულტურა გაცვაცანი, ქართველ კაცად გავზარდე, რაც შემეძლო, არაფერი დამიკლია! — სული მოითქვა ლეილამ.

— მოდი, დაეჭრათ ეს ტორტი... თეფშები მოიტანა, ახლავე ყავას მოგართმევო.

— მოდი, დაეჭრათ ეს ტორტი... თეფშები მოიტანა, ახლავე ყავას მოგართმევო.



ვასილ ბესელია

თუ შეგიძლიათ, ჩემთან, შინ მობრძანდითო, — მითხრა უცნობმა.

— რასაკვირველია, მივალ. გადაეცით, ერთ საათში გეახლებათ-თქო.

არ გამოვიცა ლეილას ჩამოსვლა, ისევე თურქეთში მეგულებოდა. ვიფიქრე, ხელცარიელი ხომ არ მივალ-მეთქი, ერთი პატარა ტორტი და ყავის ლიქიორი ვიყიდე.

დიდი სითბოთი შემომგებება, ზალაში შემიძღვა და ძველებზე მრგვალ მაგიდასთან სკამი მიმიჩინა. ტორტი და ლიქიორი მაგიდაზე დავდე. გაეცინა, ცუდად მაქვს დაცდილი ამათი კომპინაციაო.

შვილები მომიკითხა. შენთან დიდი გული მაქვს და აქეთ იმიტომ მოგიყვანეო. დაბერებულიყო. ოთხმოცს უკაკუნებდა.

კვირათე მეტია ჩამოვედი, თათქოს უწესრიგობისთვის მომიბოდიშა.

— შენ ხომ იცი, როგორ მიყვარდა ბავშვები, მართლ შენები კი არა, ვისაც ვასწავლიდი, ყველა მიყვარს და მახსოვს.

— ვიცი, ქალბატონო ლეილა, თქვენც უყვარხართ თქვენს აღზრდილებს, ჩემები დღესაც თქვენს ხსენებაში არიან.

— შენი მაინც სხვა ყოფილა, სამი დღეა არ მინახავს და ლამის გავიწყდე! გაოცებულმა შეხედიე. ცოტას ხომ არ ურევს-მეთქი, გავიფიქრე. მიმიხვდა, გავიკვირდა ხომო, ახლავე აგიხსნი ყველაფერსო.

— თურქეთში რომ ჩავედი, მსახიობების ოჯახში მოვეწყვე ძიძად. კირბიკები იყვნენ გვარად. მთელი დღე საქმეებზე დადიოდნენ. ხან სერიალში იღებდნენ, ხან სპექტაკლი ჰქონდათ, ხან ღონისძიებები მიჰყავდათ. მოკლედ, დილიდან შუალამედე ქანცი ჰქონდათ განწყვეტილი. პატარა ბიჭი ჰყავდათ, ჩინარა ერქვა, თერთმეტი თვისა იყო, როცა ჩავიბარე, არც სიარული იყო ჩინარა, როცა მისი მშობლები ავიაკატასტროფაში დაილუნენ. ბავშვი დედის მშობლებმა წაიყვანეს. სხვა ძიძას ავიყვანთო. მითხრეს, თვის ბოლომდე წავსულიყავი. ცუდად გავხდი. მიყვარდა ჩინარა. ვერ ვიქნებოდი უიმისოდ. ბავშვმაც მიატოვა თურმე ჭამა. დღე და ღამე ტირიდა. არ ელაპარაკებოდა ბებიებაბაუას... ისე დაბრუნეს ჩემთან და მთხ-

ტორტის ნაჭერი გადმომიღო. — ცუდად გავხდი და ვიფიქრე, აქ არ მოკვდე-მეთქი, — გააგრძელა ლეილამ, — მთელი ჩვიდმეტი წელი არაფერაფერად ვიცხოვრე, სად წამსვლელი ვარ, მაგრამ აწი იქით ვერ გადავალ, საზღვარზე რაღაც ჩამინერეს... ჩინარა ჩამომყვა, მისი მანქანით ჩამოვედით... ერთი თვე აპირებდა დარჩენას... ეჭვ, ნეტა არ ჩამოვსულიყავი, ლამისაა გული გამისკდეს... — რატომ, ქალბატონო ლეილა?

— ცაქა გეგია ხომ გახსოვს, შენი კლასელი იყო, მგონი.

— კი, — თავი დავეუქნიე.

— ცაქას უმცროსი გოგო, გულიადა, ჩემი მონათლულია. სისხლის გათეთრების დიაგნოზი დაუსვათ, ისრაელშიაო წასაყვანი, სამოცი ათასი დოლარია საჭირო და გადარჩებო... თურქეთში ხუთას დოლარს მიხდიდნენ, თვე არ გამოუტოვებიათ.

ჩინარას ბებია თითქმის ყოველდღე მოდიოდა, საქმელ-სასმელი და ნამალი არ მაკლდა, ტანზეც და ფეხზეც ბევრი მიყიდა, საკმაოდ ახალგაზრდა ქალია, ცოლქმარს მალაზიათა ქსელი აქვს სტამბულში, ჩინარას მეტი არაფერ ჰყავთ, მასზე ლოცულობენ დღე და ღამე... რამი დამეხარებოდა ფული, ვინახავდი სახლის სეიფში, ასი ათასი დოლარი მაქვს იქ, სეიფის კოდი მე და ჩინარამ ვიცით... ახლა იმ ფულის ჩამოსატანად გავგზავნე ბიჭი, ჩამომიტანს და ცაქას მივცემ, მე რა ჯანდაბად მინდა, მინაში ხომ არ წავიღებ... დავიტოვებ ჩემთვისაც, დაგროვილი პენსიაც დამხვდა... დღე-დღეზე დაბრუნდება და ფულს ჩამოიტანს. არ იცის ეს ჯერ ცაქამ, რომ მოვა, თუ გინდა, ერთად მივიდეთ და გავახაროთ!

— რომ არ ჩამოვიდეს ჩინარა? ასი ათასი დოლარი მაცდურია, არაა პატარა ფული, ქალბატონო ლეილა...

— როგორ გეკადრება, რას ჰქვია არ ჩამოვა, ჩემი გაზრდილია ის ბიჭი, არ ვიცი, ვინ გავზარდე?!

ვინანე, არ უნდა მეთქვა. სასწრაფოდ შევცვალე საუბრის თემა:

— მერისთვის დამიბარეთ, ლეილა მასწავლებლო?

— შენ რისთვის, შვილო, და, ანდერძი

მინდა დავნერო, არ ვარ კარგად, რომ მოვკვედ, შეჭამენ ერთმანეთს ამ სახლის სახლისთვის ჩემი ნათესავები, რომელთაც სიცოცხლეში არასოდეს გავხსენებ-ვარ. სახლ-კარიც გულიადას მინდა დავუტოვო... თუ არ გადარჩა, დარჩება მის ოჯახს...

— ისე ამოიხობრა, გული ამოაყოლა.

— კარგი, ქალბატონო, რეგისტრაცია უნდა ანდერძს, მობრძანდით ჩემთან სამსახურში და შევადგინოთ.

— როდის მოვიდე, დედა?

— ხვალ და ზეგ დასვენებაა, ორშაბათს თათბირია ზუგდიდში, სამშაბათს რაიონში ვთათბირობთ, ოთხშაბათს მობრძანდით თერთმეტ საათზე.

— კარგი, ჩემო ბატონო, აგერ მაქვს ანდერძი, ნაილე და თუ მოიცალო, გადახედე, ხელითაა დაწერილი, მაგრამ იკითხება.

— ლეილამ კონვერტი გადმოცა. გამოვემშვიდობე და წამოვედი.

ოთხშაბათ დილით უზნის ექიმმა დამირეკა, ნუხელ ლეილა გარდაიცვალა და გარდაცვალების ოქმია შესადგენო...

— როგორ, რას ამბობ? — შევიცხადე მე.

— ამ დილით რძე მიუტანია მეზობლის გოგოს და მკვდარი დახვედრია საწყალი, ძილში გაპარულა. გულის უკმარისობა ჩაუწერე გარდაცვალების მიზეზის გრაფაში, გინდა — ინსულტი... — ისე გულგრილად მითხრა, მობილური გავ-ლიტე.

უჯრიდან კონვერტი ამოვიღე. ანდერძი ლამაზი კალიგრაფიით იყო დაწერილი. გულიადას პირადი ნომრისთვის ადგილი იყო დატოვებული. ჩვენერე პირადი ნომერი. დავადასტურე ხელმოწერის იდენტურობა და რეგისტრაციაში წინა დღის რიცხვით გავაგზავნე.

ლეილას დასაფლავების კვირისთავზე ცაქასთან მივედი. უხასიათოდ იყო, მაგრამ მაინც ცაქურად დამხვდა. ჯერ ნამლებით მკურნალობენ გულიადას, საოპერაციოდ ამზადებენ. ერთ თვეში ისრაელში წავალ-თო.

გადავეცი ანდერძი. თვალეები ცრემლებით ავესო. ვყიდი ყველაფერსო, მითხრა. ჩემმა ძმამ ბინა გაყიდა დიდუბეშიო. დამ და სიძემაც ბინა გაყიდეს და ზუგდიდში მშობლებთან გადავიდნენო. ეს სახლ-კარიც გაყიდალეილი მაქვსო. ერთ თვეში თბილისში წავალ ბიჭებიანად და მშენებლობაზე ვიმუშავებთო. ოლონდ ბავშვი არ მომიკვდეს და მათხოვრად ვივლიო.

— ცოტა დავლიეთ. გულდამძიმებული წამოვედი. დოლარების ამბავი არ მითქვამს. ჩინარა იგვიანებდა.

ორი წელი გავიდა ამ დღიდან. არ ჩამოვიდა ჩინარა.

უმკურნალეს გულიადას ისრაელში და გადარჩა გოგო.

ლეილას სახლიც გაყიდა.

თბილისში დარჩა ცაქა.

ერთ-ორჯერ დამირეკა. ძმაც ჩემთანაა, ნაქირავებშიო. გულიადა გადამირჩა და ღმერთს მაძლობაო!

იმ დილით თავი მისკდებოდა. ნამთვრალევი ვიყავი და ვერაფრით გამოვკეთდი. თვალს ძლივს ვახდელი. რეზინისჩქმებიანი კაცი დაუკაკუნებლად შემოვარდა.

— დამინყდა ფუტკრები! — ყვირილი მორთო, — რა ნამალი დაასხით ამისთანა, ყოფილიყო ის პეუელა, არ მერჩია? ოცი ბუკი ფუტკარი დამეღუპა, ამის დედა რომ ვატირე! ამინაზლაურეთ ახლა ზარალი, თორემ დახოცავთ სუყველას!

კი მემუქრებოდა, მაგრამ ისე მეძინებოდა, იავნანად ჩამესმოდა მისი ყვირილი.

— მოვა, მოვა კომისია, — ამოვლერდე, როგორც იქნა.

— როდის მოვა, როდის!!!

— გამოგზავნიან და მოვა, რა ვიცი, როდის!

(თან, მეტი არაა შენი მტერი-მეთქი, გავიფიქრე)...

კაი, ბატონო, არ მოვა და შენი აჯობებსო, დამემუქრა და კარი გამოჯახუნა. რავა ამომწყვიტეს ამ ამოსანყვეტებმაო, ღერეფინიანდ მომესმა.

მართალი იყო, რა მეთქმოდა.

ის-ის იყო, თვალის მივლულე და კარზე დააკაკუნეს.

— მობრძანდით.

ოთახში მაღალი, სასიამოვნო გარეგნობის ახალგაზრდა შემოვიდა.

— გამარჯობა, გამგებელი თქვენ ბრ-
დანდებით?
— წამოვდექი და ხელი ჩამოვართვი.
— დიახ, მე გახსოვართ!
— მე თურქი ვარ, ჩინარა კირბიკი...
აზრზე ვერ მოვედი.
— ვინ, ვინ?
— ჩინარა კირბიკი, ლეილა ბებიას
გაზრდილი.
— უცებ გამოვფხიზლდი.
— დიახ, დიახ, გამახსენდით!
— ლეილა არ დამხვდა და თქვენთან
მოვედი...
— გელოდათ ლეილა, სად იყავით...
ორი წელია, გარდაიცვალა!
— ვიჯექი!
— რა თქვით?
— ვიჯექი, აქედან რომ წავედი, საზღ-
ვარზე თქვენმა პოლიციამ დააკავა, ინ-
ფორმაცია შემოსულია...
— რა ინფორმაცია იყო?
— არ ვიცი, მაგრამ საბარგულიდან
წამალი ამომიღეს...
— ჩაგიდეს?
— კი, ჩამიღეს! თან — ბევრი. ორი წელი
მანვალეს. ევროპელი ადვოკატები ჩარია
ბაბუამ... ნარკოტიკი თვალთ არასოდეს
მინახავს... გამამართლეს, მაგრამ ორი
წელი ჯოჯოხეთი გამოვიარე!
პირდალებული მიგჩერებოდი ჩინარას
და წამითაც არ შემპარვია ეჭვი მის გულ-
წრფელობაში!
— რაც მართალი — მართალია, სუფთა
ქართული მეტყველებდა და დახვეწილ
მანერებს ავლენდა.
— გამიშვებს თუ არა, საბუთები მოვაგ-
ვარე და წამოვადი. ბებია გარდაცვლილა.
სასაფლაოზე მიწა მისვლა.
— კარგი, წავიდეთ, მე გაგყვებით.
ჯიშში ჩავსხედით.
ლეილას საფლავზე ზღუქუნით ტირო-
და ჩინარა. ასე ატირებული მამაკაცი არც
მინახავს.
— ამ საფლავს მე მოვუვლი და გავა-
კეთებ, — მითხრა დაწყინებულმა.
— ახლა ერთი მითხარით, გულიადა
გეგია ცოცხალია?
— კი, ცოცხალია და კარგადაა, სამი
სახლი გაიყიდა მაშინ. ძლივს გადაარჩინეს.
თვალეები გაუზრწყინდა ჩინარას.
— კიდევ კარგი, კიდევ კარგი, ესაა მთა-
ვარი, დანარჩენს ეშვება!
— სად ენახავ გულიადას?
— თბილისში არიან, მისამართი არ
ვიცი, მაგრამ მივაგებთ, რატომ ეძებთ,
ყმანელო?
— ლეილას მობარებული ფული უნდა
გადავცე, ასე ათასი დოლარი, ასე უნდო-
და ბებიას!
— გამაჟრჟოლა. ლეილას ნათქვამი გამ-
ახსენდა:
„რას ჰქვია არ ჩამოვა, ჩემი გაზრდილ-
ის ის ბიჭი, არ ვიცი, ვინ გაზრდებ?!“

კოჭლი ჯვება

რძინიზნის სადგურსა და სემაფორს
შუა ერთი პატარა ჯიხური-საგუშაგო
იდგა. ამას ახლა ვარქმევ ჯიხურსა და სა-
გუშაგოს, თორემ მაშინ მთელი სოფელი,
ჩემი ჩათვლით, „პოსტს“ ეძახდა. თუ ვინმე
„პოსტს“ ახსენებდა, სადგურსა და სე-
მაფორს შუა რომ საგუშაგოა, იმას გულისხ-
მოდა. არავითარი გუშაგი და დარაჯი იქ
არ მდგარა. ერთი კოჭლი, ომგამოვლილი
კაცი მუშაობდა. რკინიგზის მისვლელებს
დათ. სადგურში ორი ლიანდაგი შედიოდა.
მეისრე ხან პირველზე შეიყვანდა მა-
ტარებელს, ხან — მეორეზე, ისე, როგორც
სადგურის მორიგე უბრძანებდა.
ჯვებე ერქვა მეისრეს. „კოჭლ ჯვებეს“
ეძახდა მთელი სოფელი. არ სწყინდა. გაც-
ნობისას, კოჭლი ჯვებეო, თვითონაც ასე
წარმოგიდგენდა თავს და ღმილიანი
ჩამოგართმევდა ხელს. ცოლ-შვილი არ
ჰყავდა. ამბობდნენ, ახალგაზრდობაში
უზნელი გოგო უყვარდა და ომიდან ჩამოს-
ვლამდე გაუთხოვდაო. ცოცხებით უღვა-
ში ჰქონდა, ნიკოტინით გაყვითლებული.
მუდამ რკინიგზის ფორმა ეცვა. სხვა
ტანსაცმელში მე ის არ მინახავს.
სემაფორი ზუსტად ჩემი სახლის წინ
იდგა. ყოველ საღამოს, ერთსა და იმავე
დროს, გამოდიოდა პოსტიდან კოჭლი
ჯვებე, გამოჰქონდა ორი ანთებული ლამ-
პა-ფარანი, ქარი რომ ვერ აქრობს, იმნი-

რი, და კოჭლობით მიდიოდა სე-
მაფორისკენ. ჭრიალ-ჭრიალით ჩამოშ-
ვებდა მცოცავ სუპორტებს, დამაგრებდა
ანთებულ ფარნებს და ისევე ჭრიალითა და
რაზარუხით აწედა ზემოთ. ღამით, თუ სე-
მაფორი დაშვებული (დაკეტული) იყო, ფა-
რანი წითლად ანთებდა, თუ ღია — მაშინ
მწვანე შუქს გამოსცემდა. თუ მატარებე-
ლი პირველ ლიანდაგზე შედიოდა, სე-
მაფორის ერთი ფრთა იყო აწეული და
ერთი მწვანე ენთო. თუ მეორეზე — ორივე
ფრთა იწეოდა და ორი მწვანე ციციციბე-
და. ხომ ყოველ საღამოს აჭრილებდა
ჯვებე სახელურს, მაინც არ მბეზრდებო-
და და ფარნების ჩაყენების დრო არასოდეს
გამომპარვია.
— მე დავატრიალებ, ჯვებე, მე! — ვეცე-
მოდი ხელში და აქეთ-იქით ვიხედებოდი,
მიყურეთ რა რთულ და საპატიო საქმეს
ვაკეთებ-მეთქი.
ხან ორივე ლამპას პოსტიდან სე-
მაფორისკენ მიმედ, მაგრამ გახარებული
მივარბენინებდი. მოკლედ, ჯვებეს თა-
ნამშენედ ვმუშაობდი.
— დილით, გათენდებოდა თუ არა, ისევე
ააჭრილებდა ჯვებე სემაფორის ჯალამ-
ბარს, ჩამოწვებდა ნავთგამოღებულ
ფარნებს და პოსტში ნაიღებდა. დღისით
სემაფორს ფარნები არ სჭირდებოდა.
საგუშაგო იმდენად პატარა იყო, ორი
კაცი ძლივს ეტეოდა. საკმაოდ განიერ ფან-
ჯრის რაფაზე ჟურნალი იდო, რომელშიც
ჯვებე დროდადრო რაღაცას წერდა. ერთი
ტაბურეტი იდგა და ერთი მრგვალი ნახ-
შირის ლუმელი. კედელზე პატარა კარადა
ეკიდა, შიგ ყოველთვის იდო მჭადი და ყვე-
ლი. სხვა საქმელი მე იქ არ მინახავს. ტახ-
ტი არ ჰქონდა. წამოწოლა და ძილი არ შეი-
ძლებოდა. ერთი შავი, უდისკო ტელეფონ-
იც ფანჯრის რაფაზე იდო. დაიღმულიბე-
და ტელეფონი. მივარდებოდა ჯვებე:
— ალექო, გისმენ!
— ჯვებე, დაშალე პირველი და გამ-
ომოუშვი მეორეზე. გაიმეორე!
— ჯვებეც გაიმეორებდა.
— გადმოიყვანე ისარი პირველი ლიან-
დაგიდან მეორეზე და აწევა სემაფორის
ორივე ფრთას.
ახლა ჯვებე დაატრიალებდა ტელეფონ-
ის სახელურს.
— ღრუუუუ, ღრუუუუ, ღრუუუუ...
— გისმენ, ჯვებე!
— ალექო, დავშალე პირველი და გამ-
ომოუშვი მეორეში, გავალე ორივე სე-
მაფორი, გესმის, ალექო?
— მესმის, ჯვებე.
და საუბარი მთავრდებოდა.
არაერთხელ მეც გამიღია სემაფორი.
პოსტის გვერდით უზარმაზარ შკივიდან
მათულები სემაფორამდე იყო გაჭიმული.
შკივის სახელურის ნეიტრალურ მდგო-
მარეობაში სემაფორი დაკეტული იყო. ქვე-
მოთ თუ ჩამოწვებდი, ერთი ფრთა აინეოდა,
ზემოთ თუ აწევდი — ორივე. ეს იყო მთე-
ლი ფილოსოფია. ვინ მენდობოდა, თორემ
ზედმინეწვით ზუსტად შემეზარ, მეკეთე-
ბინა ის, რაც ჯვებეს ევალებოდა.
ხო, მატარებლის ყოველ მოახლოება-
ზე საყვარელი უნდა ჩაგებერა და დახვეუ-
ლი, ყვითელი ალამი აგენია. თან ქუდი
უნდა გხურებოდა აუცილებლად.
ყოველ მესამე დღეს მორიგეობდა
ჯვებე.
ხელფასი 60 მანეთი მაქვსო, მითხრა.
ხელფასიც მომწონდა და საქმეც — გადა-
ვიანგაროშე, რამდენი კორუპციის მომივიდო-
და 60 მანეთად. სკოლას დავამთავრებდი
თუ არა, მისირე და ვაპირებდი მუშაობის
დაწყებას. თუ რომელიმე მორიგეობას „გა-
ვუცდენდი“, მოადგებოდა ჯვებე ჭიპკარს
და დამიძახებდა, ხომ არ დაგავინყდა,
დღეს მორიგეები ვართო... ძალიან მიხარ-
ოდა, რომ ვუყვარდი და გჭირდებოდი. ხან-
დახან ბებია კეცის ხაჭაპურს გამატანდა,
ნაუფელ, მარტოკაცია, ვინ ჰყავს ხაჭაპურის
გამომცხობიო.
ჯვებესთვის რომ გეკითხა, ყოველდღე
იმუშავებდა, სახლში მისვლა მეზარება,
ღამე არ მეძინება და აქ გულს მაინც ვაყ-
ოლებო...
— უზრდელო ბავშვი არ ვიყავი, მაგრამ,
რატომღაც, სახელით მივმართავდი.
არ სწყინდა.
მესამე-მეოთხე კლასში ვიქნებოდი მა-
შინ. თვითონ ხუმრობით მამის სახელით
მომმართავდა.
მთელ სოფელში ერთი ჯვებე იყო,
რომელსაც ყოველგვარი „ბიძიასა“ და

„ბაბუას“ გარეშე, სახელს ვეძახდი.
თავიდანვე ასე აეწყო და ბოლომდე ასე
დარჩა.
რამდენჯერ დამაბარა ბაბუამ, ლამპებს
რომ მოიტანს, უთხარი, ჩემთან შემოიარ-
ოს, თითო ჭიქას გადავკრავთო. არაყი უყ-
ვარდა ბაბუას და ამფსონს ეძებდა, მაგრამ
ჯვებე ყოველთვის უარობდა:
— აჰ, არა, არა, ალექომ რომ მომიკითხ-
ოს, დავიღუპები!
— ვინაა ეს ალექო? — ვკითხე ერთხ-
ელ.
— ალექო ჩემი უფროსია, ბორისოვიჩი!
— ასე ახალგაზრდა რაფერაა შენი
უფროსი...
— უმაღლესი აქვს გათავებული და იმ-
ფერაა, ვოოოო!
არ მსიამოვნებდა, ჯვებეს რომ უფრო-
სი ჰყავდა და იმის ჭკუაზე დადიოდა.
ერთ დღი მოულოდნელად მოვარ-
და ჩვენთან.
— დავიღუპე, ბორისოვიჩ, სადაა
ბაბუა?!
— ხომ მშვიდობაა, ჯვებე? — ფოს-
ტლებით გამოფრატუნდა ჩემი მარად
რკინიგზელი ბაბუა.
— რა ვიცი, სისოვიჩი, სემაფორის
აღებას აპირებენ, შუქნიშანი უნდა დაიდ-
გას თურმე და ისრები კნოპკებით უნდა
მართონ... მართალი იქნება ვითომ?
არ იქნება მართალი, ნუ გეშინიაო,
დაამშვიდა ბაბუამ და ჯვებე წავიდა.
არადა, მართალიაო, მე მომიბრუნდა
ბაბუ, გუშინდელ „პრადაში“ ეწერაო...

მთელი ერთი თვე სემაფორიც იდგა და
შუქნიშანიც... ამ ხნის განმავლობაში ალე-
კოს შეეძლო, ისარი პულტითაც გადაეყვანა
და ჯვებესთვისაც დაევალებინა. ავტომა-
ტური მართვის დანერგვისა და გამოცდის
ერთთვიანი პერიოდი სრულდებოდა.
მუშაობის ბოლო დღეებს ითვლიდა ჯვებე.
მორიგე იყო თუ არა, მაინც მოდიოდა
და პოსტის გვერდით დადებულ უზარმაზ-
არ ბეტონის ბლოკზე იჯდა. ყოველ წუთს
ხსნიდა პორტსივას და სემაფორის გაუქმე-
ბას ჯვებეზე უფრო მე განვიცდიდი...
ლრრრ... ლრრრ...
ალექო, რატომ...
— გისმენ, ალექო!
— ჯვებე, დაშალე პირველი და
გამომოუშვი მეორეზე.
პირველზე შემადგენლობა დგას, გად-
ამყვანი არ დაბლოკო, გაიმეორე, ჯვებე!
— ალექო, დავშალე პირველი და გამ-
ომოუშვი მეორეზე, გადმოვნიე ისარი და
გადაამყვანი არ დავბლოკე, გავალე ორივე
სემაფორი, გესმის, ალექო?
— მესმის, ჯვებე.
— მომანოდე, ბორისოვიჩ, მაგი ჟურ-
ნალი, — მთხოვა ჯვებემ და შიგ რაღაც
ჩაწერა, მერე საათზე დაიხედა და,
როგორც მივხვდი, ჩანანერს თარიღი და
დრო დაუხვა.
— ასეა საჭირო, ბორისოვიჩ, უფროსე-
ბი ითხოვენ, სამტრედის დისპეტჩერი ის-
მენს ჩვენს ლაპარაკს... წესია ასეთი, ბრძა-
ნება უნდა ჩაინეროს... ხვალიდან მორჩა,
არაფერს ჩავწერ, დამთავრდა ჩემი
რკინიგზელობა!..
— ალაშა და საყვირს ხელი დაავლო და
გარეთ გავაღე.
„მოსკოვი-ერევანი“ შემოდიოდა.
გარეთ არც გამიხედავს.
დავიბოძე.
ხვალიდან ჩემს რკინიგზელობასაც
ვემშვიდობებოდი.
— უცებ გამაყრუებელი გრუხუნი გაისმა
და პოსტის ლამის გადაყარავდა.
ყვირილით შემოვარდა ჯვებე...
— რა ქნა ეს, რა ქნა ეს, დაიღუპა ალე-
კო, უნდა დამებლოკა გადაამყვანი,
რაფერ დაუფერე ამ ბაღანას... რა ეშ-
ველება იმ შტერს, აუ, დაიღუპა ახალ-
გაზრდა კაცი!..

გაოგნებული მივაჩერდი. ჯვებეს ვე-
რაფერი ვაგიგე.
— ბოლო ვაგონი პირველზე შეიყვანა,
კნოპკით გადაწვია ისარი... დაიღუპა ბიჭი!..
— ყვიროდა ჯვებე და ანგარიშმიუცემ-
ლად დარბოდა პოსტსა და მორყეულ ლი-
ანდაგებს შორის.
ვერაფრით მივხვდი, რა დაღუპავდა
ალექოს...
ვეხვედი, როგორ მოშორდა ბოლო
ვაგონი ძირითად შემადგენლობას,
როგორ დაეჯახა პირველ ლიანდაგზე
„ქუთაისი-ფოთის“ ელექტრომატარებელს
და მისი პირველი, გამწვევი ვაგონი ბაქან-
ზე შეაგდო.
— მოდი აქ, ბორისოვიჩ! — მიყვირა
ჯვებემ, — ნაიღეს ეს ჟურნალი და ახლავე
შინ წავი... არ გამოაჩინო, არავის
უთხრა... წაიღე, საწინა სადგურის მილიცია
მოსულა!
მე ვერაფერს მივხვდი და არც არაფერი
მიკითხავს, ჟურნალს ხელი დავავლე და
გავიქეცი!
მთელი სოფელი მოგროვდა სადგურ-
ში. ირეოდნენ რკინიგზელები და მილ-
ციელები... ვაგონები არ გადაბრუნებუ-
ლა. მსხვერპლი არ იყო. არც არავინ
დაშავებულია. უფროსები ამბობდნენ, სახ-
ელმნიფო დაზარალდაო...

მას მერე ჯვებე არ მინახავს.
ის პოსტიც აიღეს და სემაფორიც მოხ-
სნეს. მესრეს 6 წელი მიუხაჯესო, ასე ამ-
ბობდა ხალხი. ალექო კიდევ კაი ხანი
მუშაობდა სადგურში.
მე სკოლა დავამთავრე და თბილისში
წავედი სასწავლებლად. როგორც ხდება
ხოლმე, თითქმის სიბერემდე შევჩა-
რე დედაქალაქს. ნელ-ნელა მიმავიწყდა ჩემი
რკინიგზელობა. ვიღას ახსოვდა მოცუც-
ქნული საგუშაგო და სემაფორის გვარლ-
ის ღრჭალი...
წინა კვირას უფერების გადაქექისას იმ
ჟურნალს წავაწყდი. გვერდები დანომ-
რილი იყო, ზონარი ჰქონდა გაყრილი და
ლუქი ედო. თვალწინ დამიდგა მამაკაცი
საბედისწერო საღამო და კოჭლი ჯვებე...
მივიკითხე-მოვიკითხე, მაგრამ ჩვენს კუთხ-
ეში ის არავის ახსოვდა.
— ორმოცდაათ წელზე მეტი იყო გასული!
ჯვებეს სამუშაოებში ყველაზე ხან-
დაზმულ კაცს მივაგდექი. ცხოვრების 6
წელი მიუხაჯესო, მითხრა, ციხეში
მოკვდაო.
— ყველამ იცოდა, რომ უდანაშაულო
იყო, სამტრედიამაც იცოდა, მაგრამ დალუ-
ქული ჟურნალი ვერ იპოვეს და ჩასვეს...
ჯვებესაც უღიარებია, მე შევცდილი!
— ალექო, ალექომ რაო?
— ალექო კი ამბობდა თურმე, ჩემი ბრა-
ლიაო, მაგრამ იმ ჟურნალმა გადაწყვიტა
ყველაფერი... ახლა ალექოც აღარაა...
აგერ, ე, კრამიტანი სახლს ხომ ხედავ, იქ
ცხოვრობდა ალექოს დედა, თათუშა, მე
რაც მახსოვს, ვერიანივით ქალი იყო.
ჯვებეს და თათუშას ერთმანეთი უყვარდ-
ათ თურმე. ოცდაცხრამეტში, ჯვებე რომ
ჯარში წაიყვანეს, თათუშა იმ წელს მოიტა-
ცა ვილაც წყემელმა დურგალმა... ერთი
წელი იცხოვრა ქმართან და მშობიარობას
გადაჰყვა, ალექომ გადაიყვანა მაწყალი...
ორმოცდახუთში ჩამოვიდა ჯვებე, მერე
შენც იცი, თქვენკენ მუშაობდა, რკინიგზა-
ში...
— ალექომ იცოდა ჯვებესა და დედამი-
სის ამბავი?
— არა მგონია, ვინ ეტყობა?.. მამამი-
სიც ომში გაიწვიეს ორმოცდასამში და
ალარ დაბრუნებულა. წყემში გაიზარდა
ალექო, ბებია გაზარდა...

წამოვედი.
ტირილს ცოტა მაკლდა.
ავიღე ჟურნალი და ბოლო ჩანანერი
წავიკითხე:
„...დავშალე პირველი და გამომოუშვი
მეორეზე, გადმოვნიე ისარი და სადგურის
მორიგის განკარგულებისამებრ გადაამყ-
ვანი არ დავბლოკე, გავალე ორივე სე-
მაფორი...“
ახლა მე თავისუფლად შემეძლო ჯვებეს
გამართლება, მაგრამ მისი ძვალეც კი
ალარ იყო...
...და იგი მხოლოდ იმიტომ გავაცოცხ-
ლე, რომ თქვენთვის მეთქვა:
კოჭლი ჯვებე არასოდეს შემცდარა!



მკაფიო კაფია

ყველასათვის მკაფიოა,
რა ჰქნა ერთმა კაფიამო.

2009 წლის 26 მაისი

გაფართოვდი, სტადიონო,
მეტი ხალხი დასტიონო!

ურიაშული მასებისა
გუმბათს სწვდება სამებისა.

კოეზია VS არქიტექტურა

რუსთაველი
თუ ვერსალი?

2017 წლის 16 ოქტომბერი

ის წისქვილი ქარისაა, ეს წისქვილი წყლისაა,
65 წლისაა მენსქვილე საწყალი.

დრტინვის ნუთისოფალი

შექსპირია, ტაბიძეა, ქალაქია, სოფელია,
ჰამლეტივით მონასტერში აგზავნიან ოფელიას!

TO WHOM IT MAY CONCERN-15

სიტყვა მოუდის გესლივით,
გველსაც აჭარბებს სიგველით.

მოვარაყავალი დილა

ხუხა არაყი — დილის ვარაყი,
კუდზე გაიდო მერე ყავარი.

მოვარაყავალი სული

სხვა რაა სულის ვარაყი,
თუ არ ხმა სიყვარულისა.

საადგომო ლექსი

მტკვარს ძალუმად ჩაეხუტა არაგვი,
მიჩურჩულე ყურში შენი გვარია,
არ მჭირდება ამ საღამოს ვიავრა,
ამაგდარმა უვიაგროდ ივარგა!

ბოლოსინა დარიგება გამთენიისას

რომ გგონია მარიაჟი,
მარტოოდენ მირაჟია!

უიღბლო ნადირობა

ერთხელ კიდევ სცადა,
მაგრამ ისევ ასცდა!

კაიფი-26

მოდის, ჭადრაკი ვითამაშოთო,
ისე თქვა შოთამ, ვითომ შოთაა!

ველად ხალად

ეს როგორ მარბენინა ტბატბა, ტყეტყე, მთამთა
ერთმა გოგომ პატარამ, ერთმა კოხტა თამთამ!

ცინა-ტაქართა მაშენაგალთათვის


ხუროთმოძღვარო დიადო, ოსტატო სახელიანო,
არანაკლებად საქები, შენც იცი, ხელოსანი!

ღმერთო, მომასნარ უნიდაშურო საქართველოს!

ნეტა ოდესმე ყოფილიყო უნიშამურო
ქვეყანა ესე უჯმაჯური და უნშანური!

ზრინჯაოს მაიაკოვისის თვალით

როცა ვეება მოედანს გასცქერს მაიაკოვისკიო,
მეც მეჩვენება მასავით — მართლა კაია მოსკოვი!



პაატა ნაცვლიშვილი
იარა უპირატესთა
ასერთი პაატაური*

MENS SANA IN CORPORE SANO

გინდა ძე იყოს და გინდა ასული,
ჯანსაღ სხეულში ჯანსაღი სულია.

ჩხრიალ-ჩხრიალი

ბამბის ჩხრიალმა დაფარა თუკი ჩხრიალი კაკლისა,
დაუნახაობისა და სიბრმავის არის კლასიკა.

ტაქტიკა და სტრატეგია
პეტრე ბაგრატიონისა

როცა ვერ გაჭრის ფრანგული,
შეტევა გინდა ფლანგური.

პირადი უსიქონალიტიკოსი

ვიცი რა შენი ყველა ფიორდი,
ვარ და ვიქნები შენი ფროიდი.

დასტური

დიახაც,
ცხადია!

ტრაპეზი ათონელ ბერებთან

მამანო, იგუმანეთ
დუმელი იგუმენტა.

ბრრრრრრ

ბრძენთა დომხალი
— ბრიყვთა ხომალდი.

მიღებაჯა იაკონის სააღმშენებლო

რომელი არის საუკეთესო,
ის კონიაკი თუ ეს საკეო.

სისხლის გადახალისება

ახალი სისხლია
მომტანი ხალისის.

უიგალოვა

სუმთლად განვძარცვეთ ხეობა ლიახვის,
არ დაუტოვეთ იმედიც ხვალისი.

* ასმეორე პაატაურს სათაური და ქვესათაური ჰქმნიან.

ლუქსორი-2007

რას დამაკლებს მთვარე, რას დამაკლებს მზე, რას?
ან მე რას დავაკლებ რა მთვარეს და რა მზეს!
ვცდილობ, მაგრამ ვხედავ, ვერ გისწორებ მზერას,
ნუ მიყურებ ეგრე, ფარაონო რამზეს!

ავტოსადგური

დილაადრიან ოკრიბამ
ასობით მგზავრი მოკრიბა.

ერთი დისკუსიის შთაბეჭდილება

სულ სხვანაირი არი საუბარი,
თანამოსაუბრე როცა სუბარია.

ჩამოჰკარ, სოზარ,
განგაშის ზარსო!

ახალთახალციხეში

არც ღვინო და არც არაყი, მინდა მხოლოდ შარბათი,
იმისთანა სიტკობეა გამოსჭვივის რაბათში.

გამაფრებული სენსიტიურობა

ის, რაც სხვისთვის ჩანს ანარეკლებად,
გულზე მესობა ნარეკლებად.

TO WHOM IT MAY CONCERN-16 ანუ
ლიბერტარიაწული

სულერთია სქესი,
როცა გინდა სექსი!

აზრამ სეფიაშვილის „ალია საქართველოდან“

უკვე თქვენი არსებობა
ნერვებს უშლის არაბებსო!

ბრეკორ ზამზა

როგორ მწარედ დაგვცინა, როგორ მწარედ, მწარედ,
როცა კაფკამ იმ დილით გაიღვიძა მწერად!

დიდ კაცთან პატარა კაცსა...

სხვა არავინ, მხოლოდ მეტრი
სანტიმეტრის არის მტერი!

სამფლინგი

გაფიცრებულან ხეები, გახევებულან ფიცრები,
ციფრული ანალოგები, ანალოგური ციფრები.

ქველი მონოდავის ახალი სიცოცხლა

ვერ დააღწევ სხაგვარად თავს ხევსა და ხრამს,
კოლექტივო, მხარი მხარს და მხარი მხარს და მხარს!

თეთრი და შავი

არ არსებობს მცირე ტანკი, არ არსებობს დიდი ტანკა,
აბანოში გამოჩნდება... დრო მოვიდა არჩვენების,
არ არსებობს კანდიდატზე უკეთესი კანდიდატი!
ჩვენების და იმათების, ჩვენების და არჩვენების!

გადასახლება

მანამდე თავს ნუ მოიკლავ,
სანამდე გერჩის მკლავიო.
ო, შორეულო კოლიმავ,
ზეცას შეერთვის კვამლიო!

პალმეირა (თარგმანი პორტუგალიურიდან)

რაც იქ პალმაა, ჩვენთან ბზა არი,
იქ ჰაშარია, ჩვენთან ბზარია,
იქ მერკადაა, ჩვენთან — ბაზარია,
იქ — ბრაზილია, ჩვენთან ბრაზია!

ჭმუწვა

ვინ მორევი კაემნის მორევის, მითხარ, ლოთობით,
ან ჩვენ რა უნდა დავაკლოთ სევდას ორი ბოთლითო.



27.08.1896: ყველაზე ხანმოკლე ომი

ვერვინ გაიგო, თუ რა ხდებოდა ზანზიბარის თავს. თითქოს იბრძოდნენ იმ ერთადერთი ზარბაზანისთვის.

სითხო სოთხიზა

ვისაც რა უნდა, ის ბალახი თიბოს და თიბოს, აუქციონზე გაიტანოს ცოლ-ქმრული სითხო, თუ დასთანხმდება კრისტი და სოთხი.

პოლიტიკაში ნასვლის წინ

თავს იმგვარად აპირებს, ჩანს, რაღაცას აპირებსა.

არჩევანი-არადანი

ჯემალ ინჯიას

ფლამენკო თუ ტანგო, ჩარდაში თუ ვალსი, ზეფირი და ფლორა, კარმენი და სილვა, დუნაი თუ ვოლგა, რაინი თუ ვისლა, ესპანელი, ფრანგი, გერმანელი, სლავი...

ვალში ყოფნა მუდამ თუ გადახდა ვალის, აირჩიოს იმან, ვისიც არი სელაი!

სხვა ყველაფერი გრამოფონშია

ნოჟნიცა მაკრატელია, ვენტილი გრამოფონია, რას იზამ, თავზე დაგვაჯდა ამდენი გრაფომანიო.

მეღლის ორივე მხარე ანუ სხვა ოქსიმორონი

თუ შეიძლება განათება ყიამეთისა, ალბათ მარტოდენ თავმდაბალთა სიამაყეთი.

ლეონარდოს ცხენი

ხუთას წლის მერე რაო, შეგვენთო? რაგინდ უმხედრო, რაგინდ უბელო, გასნი მერანო, შე გოთვერანო, ასე ხმამაღლა გარინდებულო!

05.07.2019: ღაღის საგაპული (6812).

ჩიტის მოტანილ ამბავში სიხარულია ბლომადა, გამართლებიან ამინდი, ნეპალის ღმერთებს მადლობა, მაგ შენს შთამბეჭდავ სურათებს მეც შევინახავ ალბომად, რამ სიმალლეზე ასულხარ, დაბალო ამა დაბლამო!

აგაოჯა აგაოჯათა

ჭირი იქა, ლხინი აქა, აქ აფზახი, იქა ოსი, აქ გვაქვს ერთი სააქო, იქ ერთი გვაქვს საიქო.

პუნატუაცია

ემოციებით არიან სავსენი ჩვეულებრივი ნიშნები სასვენნი.

სოლომის გუცეფალი ვილა ფარანინაში

არ მოეწონა თურმე მონასტრის მონას კედელი: ცხენი ედიდა ალექსანდრესი, მაკედონელის.

ანაგრაფული ეპიგრამისი 2018 წლის 22 ნომერის

გინდა იყოს ფრანგული და გინდა იყოს დანიური, ყველაფერი დღეს ჩინური, ან ვარესი — ინდურია. ჩვენ დარვინი რომ გვეგონა, ის აღმოჩნდა დარუინი, არც უნარი და არც რიდი, მოკლედ — არ გაქვს უნარიდი.

ვაშინგტონში ტრამპმა თურმე შეინყალა ინდაური.

კომპლიმენტი არაა, ფაქტია!

მოედება ენას სითხო ხოტბად შენის სათნოების.

პორღარიზაცია

გაკლდათა კიდე უბედურობა, სოფლებო, ისეც უდაბურებო?!

ცაბუნია

მაგ მინაბულ თვალთა ფერებს შემონატრის უნაბიცო, რა ლამაზად ანიჰნიპებ, ცაბუნია, ცაბუნია, მაგ წამნამთა ჩრდილში ბინას დაიგულეებს უბინაოც, თუმც ნაცნობი მაგ ღიმილით ვის უღიმი, უცნობია.

გამეორება ცოდნის დედა

აგერ, ექვსი თვეა სრული, თავითი მიდევეს რუსთაველი.

ვინის ტყუილ ანუ TO WHOM IT MAY CONCERN-31

ვინ პოეტი, ვინ მეხაშე, ვინ — მღვდელნი და მეფახშენი, სიტყვა რად ვერ შემინახევე, რად დაკარგა ვენამ ეშხი.

როგორ მოვხვდი მე ვენახში, შენ ვით ჩარჩი აემ ნეხვში?! შენი თავი, — ვახ მე შენი! — გამახსენა ხემ ვენაში.

გაზაფხული-2007

გამოგვიფინა ცამ არტი ცაცრეცილმა და ცრიატმა. აჰა, მოვიდა მარტიცა, ვით გაზაფხულის მატრიცა.

ზამთრის პირი გომგორჯა (ნაქროფილური)

ეს ფოთოლთა ცხედრებია და ფიფქების გვამებია. ამ გვამებზე სიარული, ნეტა რატო გვიამება?!

ღამნა უფლისწულისა

თამარ ერისთავს

რა აგაფრენს ამდენ ცამდე?! ამდენ ცამდე?! ამდენ?! ამდენ?! იქნებ შოთა ხარ რუსთველი და არა ხარ ოდენ დემნა?!

ცარიელია ეს ერთი სკამი...

საფუძველი ამ ლექსისა დანჯღრეული არი სკამი, მესამეს რომ ელოდება, ჩვენ ორისთვის არყის სმა კი, ბარბაროზითა არის სხოდკა: აქეთ კრუჟკა, იქით — მისკა, მხოლოდ რითმამ გამახსენა სენატორი ედმუნდ მასკი, ისე, როგორც ახალგაზრდა მედროვეთა ბანდა — სმაკი!

რთველში ნასვლა

დაგელოცოთ, ჯიგრებო, წლევეანდელი დოვლათი, შემოდგომა მოსავალს თვლიდა — ვერა თვლიდაო, მეგობრებით მოვდივარ — დოლიძით და დვალითო, ვენახს დაგკრეფთ, ცხვარს დავეკლავთ, მერე მაგრა დავლიოთ!



პროსტრაცია

ალარ მალეღვებს, ვინ ბუღბუღია, ვინ ტოროლაა, ვინ — იადონი... ნამომაშველე, თუ ჩემი ძმა ხარ, ის ერთი სტროფი ვიიონიდან!

თბილისზე ფრიალავს დროშა (გამულის დროშას შავხარით)

თუ დროშა არის მენამული, მამული არის ე. წ. მამული.

ეპიკურისა ხევისურითი-1970 ანუ სანაოსნო ოქსიმორონი

აფრებს აუშვეებს შატილი, როცა არღუნში შტილია!

სალვადორ დალის ილუსტრაცია ლოპა დე ვიგას იმ ცნობილი პიენისათვის

ზევითა თივაზე თევზია ავი. ვაი! ავი თევზია თივაზე ზევითა.

ამირანი და ლეონიდასი

ვინ სპარტელია, ვინ სპარსელია, ვინ პრომეთეა, ვინ — პრომეთელი, ყველას თავისი არნივი ჰკოდავს, ყველას თავისი აქვს თერმოპილე.

ინა შვიჩინკოს მონოღება (თარგმანი უკრაინულიდან)

რაკი მთავარ პრობლემად გაიხადე ფარანჯა, გაიხადე ფარანჯა! დაენახე ქვეყანას, დაინახე ქვეყანა, გამოალე ფანჯარა!

ბრიტნი სპირისის პირველი ჰიტი ბრაიტონ ბიჩა

ფონად ადევს იმის ხავერდს სარესტორნო ბარიტონი, მიატოვეს თვალთა ხარბთა საკუთარი ორბიტანი, ისე უმზერს ეკრანს კვამლში გახვეული ბრაიტონი, თითქოს მართლა სპირისა და თითქოს მართლა ბრიტნიო.

ჯოგს გვინა, ვიღრა არასდროს

გვიან ვცხვები, — დაიჩვილა თურმე კვერმა ობლისამო. ეჰ, ვინ იცის, ობლის კვერი იქნებ ჩვენი სიმბოლოა!





კორაულ-უკრაინულ-ალმონაველური ეპიგრამისი

ინს იანი გაეყარა, გადაიქცა იან-იჩრად აქ ვიტალი კოროტიჩი, იქ — პირიქით — ივან დრეჩი!

არც იანი, აღარც ინი აღარ მიღირს არცა ჩირად.

სალაღობო ეპიგრამისი

მისისიპი კია, მაგრამ ბოლო სიტყვა მისურია, სად სტალინის კიტელი და სად ედიკას მისურია,

სხვაა თვალი უფლისა და სხვაა თვალი ურმისაი.

სტრიტის დამა

რისკმა არა, თქვენ დაგლუპათ, მადამ, უსაშველო მადამ, ორ ტუზსა და ორ კაროლში გაიმარჯვა ერთმა დამამ,

და მოურიდო?

რა გია და რა ბიძინა, რა ლაშა და რა ევგენი: დელ ბოსკეა, გვარდიოლა, კონტეა თუ ვენგერია,

სურათი აღდგომიდან მუხვიდა კვირას

ზოგი მარტო გუდაურად, ზოგი მოდის ლომისადაც, ხალხი ფერდობს შეჰყოლია დღეობისა მოსალოცად.

ქურის ბიჭები

შემოკრება ათი ბიჭუნა, იყო ათივე ბრიუს ლი, და გადააფსეს მთელ ქალაქს დასტურ ბრიუსელივითა.

ქილ-პურანი


ხან რა ვაკეთე წუხელის, ხან სად ვიყავი, ხან სად, არ ღირს არცერთი სიზმარი სიზმრის ნახვად და ახსნად!

შუაქანიღვაა ოფიცირთა სახეში

იმ საშინელ სიბნელეში იყო ძებნა შინელების.

დიდმოვლობა

თითქოს სათარეშოა ნადირთა და მხეცთა, თითქოს დავიწყებიათ მზესაც, ქართაც, მეხთაც,



პაატა ნაცვლიშვილი იარა უპირატესთა ასერთი პაატაური*

ანაბრამული ეპიგრამისი 3 კათხა ლუდის შემდეგ

ვერასოდეს მოერევა კეთილ ლექსებს ავი ლექსი, და ფეხმარდი არასოდეს დამარცხდება აქილევსი,

აპრილი, 1989: ოპტიმიზმი

ყური მიაღე, ქალებს მუცელზე, ყური მიაღე! სიცოცხლისამან გა-ცა-იმარჯვოს უნდა იდეამ.

ყური მიაღე, ქალაქს მუცელზე, ყური მიაღე!

მკვანა შიქარბილი

მიხედვა არის საჭირო აჭარისა და რაჭისო, თორე მოელით სარჭო ბელაქნისა და ჭარისო.

TO WHOM IT MAY CONCERN-31

შენი უფალი მხოლოდ ფულია.

ირონია-მირონია

როცა სულში მინორია, ირონია მირონია.

გია მურულულის ექსპრომტი

მართალი ხარ, ჩემო გია, ირონია მირონია, როცა სულში სევდაა და დარდია და მინორია,

პენელოპეს მსგავსად როცა სუდარას ქსოვს მარიონი, როცა ქარაფს შესკდომია მეოცნებე ნიაშორი,

ხუთიანის ნაცვლად თუკი წერა ვინმემ ორიანი, სოდიანი ვისკის ნაცვლად თუ სვი სოდა რომიანი,

წინანი უკან *

ვისაც გინდა ამცნებ, რომ ათივე მცნება ერთმა შეკრა ცნებამ. იყოს ღმერთის ნებამც!

სკოლაში მისვლა დამთავრების მი-10 წლისთავზე

როგორ გაზრდილხარ, ფიკუსო, აბა, ეს არის ფიკუსი!

პოეტური ინვესტიცია ანაკლიის ასაშენებლად

როგორ არ მინდა, ეს ჩვენი პორტი რომ უდღეური აღმოჩნდეს ტროპი.

საით?

აქეთ, ქეთა!

TO WHOM IT MAY CONCERN-33

ვერას დააკლებს სტიქია, თუ ქისტი ნაღდი ქისტია.

ლარი სანაშულის მოლოდინში

შენ კი გეშველა, ლაზარე, შენ შემდეგ ჯერი ლარზეა!

ნარსულის გადმონაშთი

არის მართლა სახლისო ტელეფონი სახლისაო.

პრაგმატიზმი

იმ ათივე მცნების და ათასობით ცნებისო ჯობს დასწავლას ახდენა ერთადერთი ოცნების!

მზრინავ თევზთათვის

შენ რომ ცაში ნავარდობდე, სვიავე, იქნებოდი ძერა ანდა სვავი.

ვის ვაგინო, ვის ვაგინო, ვის ვა... ყველას, ვისაც ჩემი სისხლი ვასვი!

იუმორინა საპარკნეთში

ათენიც აცინეთ?

მთვრალის ფიქრი ქალახში

იქნებ მოხდეს სასწაული — უკან მოსვლა წასულისა!

გამოსავლის ძიებაში

ფანატიზმი პატრისა, სისასტიკე პატარის, დაამშვენებს პარტიას შენისთანა სატრაპი, გელოდება პატრია — ათენი თუ სპარტია.

თაჩისი პოლიტიკური დისკუსიისათვის

შენ მადლობა თქვი, რომ ეს რუსია, და მოლოდინი თქვი უარესის!

იონანე პატრინისა და ლევან ბრეგვაძისათვის

წავიკითხე, თუმც მანამდე ლ. ბრეგვაძემ კი მიამბო, ორგანოზომილებიანმა რა დამართა იამბიკომ.

სადღებრკალო ოქროს ქორნილისთვის

ცოლ-ქმარი ერთად დაბერდებიენ, — სხვა რალა ითქმის ბედნიერებად.

თითრ ფურცელზე შავი ნახშირით

თითქოს და-ცა-უხატავთ ცისარტყელა მურიით, ასეთია ვერლიბრი და ლექსები ურითმო.

* ყოველი სარიტომო სიტყვის პირველი ასო მომდევნო სარიტომო სიტყვის ბოლოში გადადის.



იმ ღამით ორი ამბავი მოხდა. ერთმა სამუდამოდ უამრავი ადამიანის სიცოცხლე შეცვალა. მეორემ — მხოლოდ ერთის. ამიტომ, ეს მეორე ამბავი არც არავის გაუგია.

იმ ღამით, როცა ერთ ძველ ქართულ ქალაქში ოკუპანტებმა ბომბები ჩამოყარეს და საქართველოს ღია ომი გამოუცხადეს, საკუთარი მინური ოთახის ქერში თვალეზბაკრობილ 82 წლის თინა კ.-ს, ბოლოს და ბოლოს, იდეა გაუჩნდა — „თავი უნდა მოვიკლა!“

ამ ყველაფერს ერთმანეთთან, ცხადია, არავითარი კავშირი ჰქონდა. მით უფრო, რომ თინა კ. დაბომბილი ქალაქიდან საკმაოდ შორს, სამხრეთით, პატარა ქალაქში ცხოვრობდა და რაც იმ ღამით ქვეყანაში დატრიალდა, არც გაუგია.

ვერ გაიგებდა, რადგან არც ტელევიზორი ჰქონდა და არც რადიო. რომც ჰქონოდა, ვერ ჩართავდა — გადაუხედლობის გამო უკვე მესამე კვირაა, მთელ სახლში შუქი არ იყო. გვერდითა ოთახში შვილს და რძალს ეძინათ, ვინრო შუშაბანდში — შვილიშვილს, 12 წლის ბიჭს, რომელიც დაბადებიდან კაცივით ხვრინავდა და ალაგ-ალაგ ნებოვანი ქალადდით გამოეღებულ ისედაც მყიფე ფანჯრის მიწებს მსუბუქი მინისძვრის ვიბრაციებით არხედა.

თინა კ.-მ თვალბეზე ხელისგულები წაიფარა და რამდენიმე წამით ახლადმოზილი იდევით ტკობას მიეცა. „თავი უნდა მოვიკლა, თავი უნდა მოვიკლა, თავი უნდა მოვიკლა“ — გულში იმდენჯერ გაიმეორა, ვიდრე საკუთარი ხმა არ მოესმა. წარმოუდგენელი შეება იგრძნო, თხელ საბანში ჩვილივით მოიკუნტა და ბალიში ისე ჩაიხუტა, როგორც ყველაზე სანდო და ძვირფასი მეგობარი. როგორც შვილის თავი, ოდესღაც საკუთარ კალთაში. როგორც დედის მუხლები, უფრო ოდესღაც, უხსოვარ დროს, ან შესაძლოა — უკვე წინა ცხოვრებაში. როგორც...

თინა კ.-ს ფიქრებიც დახვავსებოდა. მათაც ნესტის სუნი ასდიოდა უკვე — საფეთქლებთან ცხვირის ნესტობამდე გრძობდა ამ სუნს — მითკვეულ ხის სახლში რომ დგებოდა: მტვირისა და სოკოს, ლოკოკინების ლორწოს და ხის ქიის ფქვილის მქრქალი, შაბაიმანისფერი სუნი. იშვიათადღა აკითხავდა ამ სახლს თინა კ., საკუთარი ფიქრების ქოხს, რადგან იქ აღარაფერი ეგულებოდა, ყველაფერი გაიტანა და გაასხვისა, ან გაყიდა თავის დროზე.

ყველაფერი. შვილებისთვის. ობლები-სთვის. ფეხისწვერებში სიცივე იგრძნო. ცოტაც და გათენდებოდა. ახლა მთავარი იყო, კარგად დაეგება, ოსტატურად, ისე, რომ არავინ ჩაერია და მალე დაემთავრებინა. ნამლებით თავის მოკვლის იდეა გამორიცხა — არ უნდოდა, ეს სახლში, საწოლში მომხდარიყო. ჩამოხრწობაც რთული იქნებოდა — უკვე ძალია ეცლებოდა, თოკს მყარად ვერსად ჩამოკიდებდა, რომ ჩამომწყდარიყო და გადარჩენილიყო, ვერ აიტანდა.

სადღაც ახლოს მამლებმა იყივეს. ფანერით გადატიხრულ კედელში თავგმა საბოლოოდ გამოხრა გვირაბი და თინა კ.-ს ოთახში შემოაღწია. ან, შესაძლოა, მოეჩვენა, რომ ვიღაცამ თუ რაღაცამ ტკაპატკუპით გადაიხრინა მისი მინური და ფანჯრისკენ გაუჩინარდა.

კედლის მიღმა საწოლი აწრაილდა. კაცის ჩახველების ხმა მოისმა და ხროტივით დაყრილი ნამძინარევი სიტყვები, უსარგებლო ნივთებით მოშორებული. ქალი ზანტად, მოგუდული სიმკაცრით გაეპასუხა. წრიალი გახშირდა, კაცმა ხროტინს უმატა. ქალმა უძალია წყევლა მოაყოლა. საწოლი მონოტონურად აჭრაილდა, კაცის ქმნის რიტმს აყვა. შიგადაშიგ ქალის ყასიდი ამოკვენსა ერთგოდა — „ბებერი გაიგებს...“ კაცმა ისე ჩაიხრიალა, გვეგონება, მთელი სახლის სამყოფი პაერი შთანთქა. გადაბრუნდა და რაღაც გაუგებრად ჩაიბურტყუნა. თინა კ.-ს მოესმა, რომ შვიგინა. ოღონდ, ვისი მისამართით?

თინა კ.-მ ისიც წარმოიდგინა, როგორ გადავადებდა საწოლიდან ცალ ფეხს კაცი და ისე ღრმად შევიდოდა ძილის გვირაბში, ცხრა ზარბაზანი რომ ყურთან დაგეცალა, ვერ შეატოკებდი. პატარა რომ იყო, თინა კ. თვითონ აუწუნედა ხოლმე ამ ფეხს ფრთხილად და შეუდებდა სახნის ქვეშ, ხე-



ნინო სადღობელაშვილი ქუთუთოების სიზმარი

ღისგულით კი პირიდან ბალიშისკენ გაკლაკნილ ჩვილ ნერწყვს მოუბოცავდა. მერე უფროს შვილს გამოართმევდა ლოგინში შეტანილ და ჭუჭყიანი ფრჩხილებით ჩაბღუჯულ კარტის ქალღებებს და ჯიბეში ინახავდა. იცოდა, რომ მეორე დილით ისევე დამარცხდებოდა საკუთარ თავთან და ისევე მისცემდა აბოპქრებულ შვილს, საკუთარი ხელით გაუნვდიდა კარტს, მერე კი ბიჭი წავიდოდა სათამაშოდ, დაბრუნდებოდა ჩასისხლიანებული თვალებით, დედას მოსთხოვდა, ვერცხლის კოვზები გაეყიდათ, რადგან თუ ასე არ მოიქცეოდა, მოკლავდნენ. ან დაჭრდნენ, დაასახინებდნენ. ბიჭი დედას „მადონას სერვიზის“ გაყიდვასაც მოსთხოვდა, საკუთარი მანქანა „ზინგერის“, ძონისთვლიანი ბეჭდისა და ქარვის მძივის გაყიდვას. დედას კი ჯიუტად ლხევოდა, რომ ერთ დღესაც სასწაული მოხდებოდა და ბიჭს თამაში მობეზრდებოდა. ამ დღისთვის

ემზადებოდა, თავს იმშვიდებდა და წინასწარ ზემოხვდა. გამთენიის სიზმრებს ყურადღებით ინახავდა ხოლმე თინა კ. მწირი რწმენის სკივრში. „ქუთუთოებზე დაკიდებული სიზმრები სინამდვილის წვეთებია“ — უთხრა ერთხელ დიდედამ და დაიმახსოვრა. ისე სამუდამოდ დაიმახსოვრა, რომ ახლაც, როცა ყველა სხვა ხსოვნა შარშანდელი თოვლივით გამქრალიყო, ეს „ქუთუთოების სიზმარი“ ანთო გონებაში და იხილა კიდევ ის, რაც ყველაზე მეტად დაეხმარა — ვითომ, გრძელი ჩითვის კაბით შევიდა წყალში, ტბა იყო თუ მდინარე თუ ოკეანე, ვერ გაარჩია, რადგან ახლოხედით გადაღებული კადრით — მხოლოდ საკუთარ მუხლებს და წელის ზედაპირს ხედავდა, მერე ეს წყალი მუხლებს ასცდა და მუცელზე შეეხო. გაფრთხილებამ გააღვიძა. უკვე იცოდა, სადაც უნდა წასულიყო. მუცელზე ისევე სისველეს გრძობდა.



ხელიც კი მოისვა, რა ჯანდაბა მეტაკაო მოეჩვენა, რომ ხელსაც აჰყვავს სისველე მეტიც — ნითელი სისველე. საიდან გამოჟონა, რომელი სადინარიდან? თუ რამე სისხლი ჰქონდა დასაცლები, დიდიხნის წინ დაცალა — პატარა ქალაქის ბინძურ და სარკოფაგის მსგავს საავადმყოფოში, ისეთივე ტანჯვით რომ ჩააბარა ყასბებივით უგრძნობ ექიმებს საკუთარი შიგანი, როგორც ოდესღაც იმ კაცს, ვისაც მისგან მხოლოდ ეს უნდოდა — წვრილ და მყიფე ხვრელში ღამლამობით შეძრომა და საგზლის ჩამოცლა. როგორც სავალდებულო, მისჯილ სადგურში, მისჯილი სიცოცხლის პატიმარს... მაშინ ოპერაციის დროს გაეღვიძა მოულოდნელად და თავისი თვალით დაინახა, როგორ დააგდო ქირურგმა ვერცხლისფერ ლანგარზე მისი სამვილოსნო, თეთრი, მატლებივით აფუთფუთებული ღრმულებით დაცხრილული. დიდხანს ცდილობდა ამ სურათის დაიწყებას და ბოლოს, როგორც იქნა, დაივიწყა...

სამაგიეროდ, ის ველარაფრით დაივიწყა, პალატის გარეთ, მის შვილებს შორის ატეხილი ჩხუბი.

— შენ წაიყვან თუ მე წაიყვანო ბოლობოლო?

— შენ უფრო უყვარხარ და შენზე რო ამაგი აქ, რა პირით მთხოვ მე მაგას!

— არამგონია, ჩემმა ცოლმა და მაგან ერთმანეთს გაუგონ. უნდა ატყედეს ამბავი და მოდი, ჯობია, შენ წაიყვანო.

— რით ვარჩინო მეჩრე? თავი ძლივს გაგვაქ! ამას ეხლა მუშაობა შეეძლება? ამის მოვლის დრო ვის აქვს?

— მე ვერა, ძმაო. ვერა. შენ წაიყვანე... შვილიშვილმა გაიღვიძა და შუშაბანდში აბრაგუნდა.

თინა კ.-მ საბანი გადაიძრო, წამოდგა, შიშველი ფეხისგულები მყარად დააბჯინა იატაკს. კარმონგრეული კომოდიდან „საგარეო“ ზედა და ქვედაბოლო ამოაძვრინა. ბოლოს მეზობლის პანაშვილზე ეცვა. ოღონდ ეს როდის იყო...

მშვიდად გავიდა თავისი მინურიდან და გზაში შვილიშვილს შეეჩეხა. გაზზე შედგმულ ქვაბთან მიმდგარიყო და ბრაზიანი თვალებით ჩაჰყურებდა.

უცვებ რაღაც გაუთბა გულში თინა კ.-ს. წამით ისაც კი დაუშვა, რომ, აი, ახლა, თუ ბიჭი რამეს ეტყოდა, შესაძლოა, რაღაც შეცვლილიყო. რაღაც, გადანყვეტილების უკიდურეს მისხალში.

— მოგვივდა, ბებო? — უაზროდ ჰკითხა, უფრო ამ ცვლილების შესაძლებლობის გადასამოწმებლად.

— გაიარე რა, ქალო, — შეუღრინა ბიჭმა და ქვაბის ფსკერზე კოვზი ააჩხაკუნა. თინა კ.-მ ფეხით გასწია კართან დახვავებული არყის ჩაცლილი ბოთლები და გარეთ გავიდა.

ორას მეტრში მდორედ დიოდა მტკვარი. იმ ნაპირზე, რომელსაც პატარა ქალაქის გარეუბანი ეკვროდა, რამდენიმე ადგილას ხშირი ქალები ეგულებოდა თინა კ.-ს.

„არავინ შემხვდეს, არავინ შემხვდეს“ — დანწყო გულში და ველარ ჩაათავა, რადგან შეცვლილი დახვდა ქალაქი — ადრინი დილის მიუხედავად ყველა გარეთ გამოკრეფილიყო. დაზაფრული სახეები ჰქონდათ, სწრაფად და დაძაბულად მოძრაობდნენ, ერთმანეთში ქაქანებდნენ.

— ომი დაიწყო... ომი... — მოესმა. კარგად ვერც მიხვდა, რას გულისხმობდა ეს სიტყვები.

— ჩემი ბიჭი გაინვიეს... ნუხელ გადაიყვანეს ცხინვალში... მახოც წავიდა... ჩემი ძმა რეზერვისტებში ჩაენერა... თქვენები სად არიან...

შუქნიშნებივით ინთებოდა ხმები. ხან ჩერდებოდა, ხან გზას განაგრძობდა. ასე იარა მტკვრისპირა ქალებამდე. ვიღაცას ნაკვეთად შეეღობა მინის ნაგლეჯი. უკვე ისეთი დალლილი იყო, მეტს ველარ ივლიდა, ღობეს მიადგა და საგულდაგულოდ დაათვალიერა. ერთ ადგილას ჩაშლილი იყო რკინის ბადე, ალბათ ღორებმა ან ძაღლებმა გამოთხარეს გასაძრომად. დაიხარა და შეეჭია. მხოლოდ ქვედაბოლო წამოედო მავთულზე და ნაკუნით მოაფლითა.

მშვიდად შევიდა წყალში. ზედაპირზე ხავსის ყუა მოსდებოდა მდინარეს, ესიამოვნა კიდევ, ეს შმორი რომ გაარღვია.

მუხლამდე რომ შევიდა, გამთენიის სიზმარი გაასხენდა...

ლიტერატორი

მერაბ ლალანიძე

გთავაზობთ ინტერვიუს მერაბ ლალანიძესთან — ლიტერატურისმცოდნესთან, რელიგიისა და კულტურის მკვლევართან, თეოლოგთან.

მერაბ ლალანიძე თბილისის სახელმწიფო უნივერსიტეტის ფილოლოგიის ფაკულტეტის დამთავრების შემდეგ ასწავლიდა ქართული ლიტერატურის ისტორიისა და ზოგადი ლიტერატურისმცოდნეობის საგნებს ჯერ იქვე, შემდგომ კი საქართველოსა და ევროპის სხვადასხვა უნივერსიტეტში. მისი სადისერტაციო ნაშრომი, რომელიც შეეხებოდა დავით გურამიშვილის შემოქმედებას, მოგვიანებით ნიგნდაც გამოცა. გამოქვეყნებული აქვს შვიდი წიგნი და ორასზე მეტი გამოკვლევა და ესეი ქართველთა თუ უცხოელ მწერალთა შესახებ, ასევე, კულტურისა და რელიგიის საკითხებზე. ამჟამად მუშაობს პროფესორად თავისუფალ უნივერსიტეტში, სადაც უძღვება კურსს „რელიგია და პოლიტიკა“, ასევე, კურსის „ღიადი ნიგნების“ ფარგლებში — რუსთველს, ორუელს, დოსტოევსკის.

— ბატონო მერაბ, კონკურსები და პრემიები თანამედროვე მხატვრული ლიტერატურული პროცესის მნიშვნელოვან ნაწილად იქცა. თქვენც გიმუშავიათ ამა თუ იმ კონკურსის ყურის ნევრიად. როგორ ფიქრობთ, არსებობს თუ არა ტექსტის შეფასების კრიტერიუმები და შეიძლება თუ არა მათზე შეთანხმება? და თუ არსებობს, იცვლებოდა თუ არა ისინი სხვადასხვა დროს? ასევე, თუ არსებობს მკაფიო ნიშნები, რომლებიც მხატვრულ ლიტერატურას არამხატვრულისგან განასხვავებს?

— მართალი ბრძანდებით და სიმართლეს ვერ დავემალებით, რომ ლიტერატურული კონკურსების ყურის ნევრი ორსამჯერ ნამდვილად ვყოფილვარ (თუმცა არ ვიცი, რამდენად ერქვა მაგ საქმეს „მუშაობა“, რაკი ჩვენი გარჯა უაღრესად სასიამოვნო ჩარჩოებში რჩებოდა: ეს იყო ნიგნების კითხვა და მათ შესახებ მსჯელობა, რასაც ამ ქვეყნად — დარწმუნებული ვარ, დამეთანხმებით — ცოტა რამე თუ სჯობს!), მაგრამ იმის დიდი იმედი კი მაქვს, რომ მომავალში ეს ალარასოდეს განმეორდება. ამგვარი განწყობა და ამგვარი საქმიანობისაგან ამჟამად თავის შორს დაჭერა სწორედ იმ მიზეზითაა განპირობებული, რაც თქვენ საცხებით მიზანმიმართულ (და, როგორც ჩანს, ორზროვან) კითხვად წამოჭერთ: არსებობს კი ლიტერატურული ნაწარმოების შეფასების იმგვარი მყარი, მტიკიცე კრიტერიუმები, რომლებიც რამდენიმე ადამიანის შეთანხმების საფუძველი გახდებოდა? ყველაზე დიდი ლიტერატურული პრემია რომ ავიღოთ — ვგულისხმობ ნობელის პრემიას ლიტერატურის დარგში — მისი არჩევანიც კი, უმეტესწილად, საჭოჭმანო და გაუგებარია (რბილად რომ ვთქვათ), ან სამარცხვინო და სასაცილოა (უფრო გულახდილად რომ ითქვას), რაკი მისი მინიჭების მოთხოვნები უმეტესად სრულიად მოშორებულია ლიტერატურული შეფასების სივრცეს: ეს პრემია ხომ ენიჭება ქვეყნებისა და ჟანრების რიგითობის, პოლიტიკური აქტუალურობის ან პოლიტიკური ლობირების საფუძველზე (და ენიჭებათ თითქმის ყოველთვის მემარცხენეებს!). შედეგად კი, რომ არაფერი ვთქვათ კომიტეტის მიერ ტოლსტოისა და ბროხის შორეული უარყოფის შესახებ, რამდენიმე ათწლეულის წინათ შეუმჩნეველი დარჩა ბორხესი, შემდგომ — ახლახან გარდაცვე-

ლილი ტურნიე, ხოლო ამჟამად — დღესაც მხნედ მყოფი კურეიმი. მაგრამ ისევ იქ მოვედით, რითაც დავიწყეთ: რაც უნდა ზემოთ ჩამოთვლილი მწერლები, ჩემი ლიტერატურული გემოვნების კვალობაზე, საუკეთესოთა შორის საუკეთესოებად მიმაჩნდეს, ან ვინ, ან როდის, ან როგორ დაამტკიცა, რომ სწორედ ისინი წარმოადგენენ ლიტერატურის იმ უმაღლეს მწვერვალებს, რომლებიც თითქოს უნდა აღინიშნოს თუ მონიშნოს ნობელის პრემიამ? ჩემი უღრმესი რწმენით, ლიტერატურული ნაწარმოების შეფასების ორად ორი კრი-

„ კითხვა შეხვედრის აქტია “

ვთქვით, განა ვინმე წარმოიდგენს, რომ შვიდი, ცხრა თუ თხუთმეტი ადამიანის მოწონება — როგორც მკითხველისა — ერთმანეთს დავემთხვევა? ასე რომ, ძნელად დავიჯერებ, ყური სადმე ან ოდესმე რომელიმე მეტაფიზიკური კრიტერიუმებით აფასებდეს ნაწარმოებს: ყოველთვის არსებობს პირობითი ურთიერთშეთანხმება — როგორც ყველაზე დადებითი, ისე ყველაზე უარყოფითი განზომილებით. რაც შეეხება მხატვრული და არამხატვრული ტექსტების გამიჯვნას, თუ ზოგიერთ დღევანდელ ან თუნდაც გუშინდელ მოღურ თვალსაზრისებს დავუჯერებთ, თვითსამეცნიერო გამოკვლევები ფიზიკაში და ბიოლოგიაშიც კი მხატვრული ტექსტებია, რადგან ისინი არა მარტო აღწერას, არამედ ავტორისეულ თხრობასაც წარმოადგენს, სადაც ამ ავტორთა, მეცნიერ-მკვლევართა მიერ ჯერ დანახული და შემდგომ აღწერილი სამყარო სტრუქტურულ ტექსტადაა ქცეული, და ეს რომ ასეა, ცხადად მიდასტურებს ჩემი ძვირფასი მეგობრების — ზაზა ოსმანოვისა თუ დავით ფრანგიშვილის — მსოფლიოში აღიარებული კვლევები — უფრო ზუსტად, მათ მიერ გადმოცემული საკუთარ კვლევათა შედეგები — ან ერთ დარგში, ან მეო-



ტერიუმში არსებობს: ერთი, რამომხონს მე, როგორც მკითხველს, და, მეორე, რა გავლენა მოახდინა მან ლიტერატურულ-საჯარო გარემოზე, ან რა გამოძახილი ჰქონდა მას საზოგადოად. თუკი მეორე ნამდვილად შეიძლება შეფასდეს ობიექტურად (ანუ რაოდენობრივად დაითვალოს), პირველიც — რაც უნდა სუბიექტურად მოგვეჩვენოს თავდაპირველად — სწორედაც ობიექტურია, რაკი თავად ჩემი მონიშნება ობიექტურად არსებობს და მას ვერაფერი გადაწონის. ლიტერატურული გემოვნება და, შესაბამისად, ცალკეული ადამიანის მიერ შეფასებაც არაერთი პირობის საფუძველზე ყალიბდება: იქნება ეს აღზრდა, გარემო, განათლების თვალსაზრისი, პირადი თუ კულტურული გამოცდილებანი, პოლიტიკური თუ რელიგიური დამოკიდებულებანი. კვლავ ყურის ნევრობას რომ დავუბრუნდეთ: ყოველივე იმის გათვალისწინებით, რაც უკვე

რეში. ასე შორსაც რომ არ წავიდეთ, განა ქართული ესეისტიკის და პუბლიცისტიკის, ისტორიოგრაფიული, ფილოსოფიური თუ სოციოლოგიური დარგის საუკეთესო ნიმუშები რამით ჩამორჩება ევრეთ წოდებულ მხატვრულ ლიტერატურას, თუკი ლიტერატურის განმსაზღვრელ კრიტერიუმად სამყაროს ავტორისეულ წარმოსახვასა და მის ემოციურად შთამბეჭდავად მოცემას მივიჩნევთ, რისგანაც მკითხველი (ანდა მსმენელი — ზეპირი ტექსტების თხრობისას) — შეძენილი ცოდნის მიღმა — არაუტილიტარულ, პრაქტიკულად გამოუყენებელ სიამოვნებას ან, კიდევ მეტი, ბედნიერების განცდას იღებს? მგონია, სასიხარულოა, რომ ქართული კულტურული თუ ინტელექტუალური ისტორია ამგვარი ნიმუშების გახსენებისა და დამონების არცთუ მცირე საშუალებას იძლევა.

— მინდა, ინტერპრეტაციის თეორიის შესახებ გკითხოთ. როგორია თქვენი პოზიცია: შესაძლებელია თუ არა ტექსტის ნებისმიერი ნაკითხვა? თუ ტექსტს აქვს თავისი, თუნდაც ჟანრული, კანონიკა, რომელიც ინტერპრეტაციისას არ უნდა დავარდვიოთ? უმბერტო ეკო ამბობდა, რომ კარგი წიგნი ავტორზე ჭკვიანი უნდა იყოს: ინტერპრეტაცია თქვენთვის წარმოების საზრისის ამოცნობის პროცესია, თუ მასში შინაარსის შეტანისა?

— თეორიულადაც და პრაქტიკულადაც ინტერპრეტაცია შეუზღუდავია და მკითხველმაც, კრიტიკოსმაც, ლიტერატურისმცოდნემაც, იდეათა ისტორიკოსმაც შესაძლოა, ტექსტში ის ამოკითხოს, რასაც იგი იქ დაინახავს ან საჭიროდ მიიჩნევს, დაინახოს, რასაც მას პროფესიულად ვერავინ აუკრძალავს. მგონია, საკითხი მხოლოდ ზნეობრივ განასერში უნდა განვიხილოთ, რაკილა გადაამწყვეტ მნიშვნელობას იქნს ტექსტის ავტორის მიმართ პატიოსანი დამოკიდებულება: ერთი მხრივ, არ ივარგებს, ვიფიქროთ, რომ ტექსტი თავად წერს საკუთარ თავს და თითქოს ავტორს ტექსტთან არაფერი ესაქმება (რაც, ასე მგონია, ყოველთვის ტოტალიტარული ცნობიერების გამოწვლინებაა, თუნდაც მარჯვნიდან და თუნდაც მარცხნიდან), ხოლო, მეორე მხრივ,

რა თქმა უნდა, არავის აუკრძალავს „ღმთავრის დაოიზმის ან სიქსტიუსის გამოვლინება, ვთქვათ, „ოთარანთ ქვრივში“ ან „ბახტიონში“, მაგრამ სწორედ პატივისცემა ავტორის ბიოგრაფიისა და გარემოს, თვალსაზრისისა თუ მისწრაფებათა მიმართ ამგვარ გადაძახილთა ძიების უფლებას არ უნდა გვაძღვრება. როცა თომას მანი წერს, რომ მას „ჯადოსნური მთის“ წერისას ჰანს კასტორპის პროტოტიპად არ უგულისხმია პარციფალი, მაგრამ როცა ერთი ახალგაზრდა მკვლევრის ნაშრომი წაკითხა თავისი რომანის შესახებ, დარწმუნდა, რომ შუასაუკუნებრივი პერსონაჟი ნამდვილად მისი გმირის პროტოტიპია, ეს, რა თქმა უნდა, იმას ნიშნავს, რომ — გაიზრა თუ არა მწერალმა, შეგნებულად აირჩია თუ არა, განფინა თუ არა გრაალის მაძიებელი გმირის მქრქალი სახე თავის რომანში, ყოველივე ამის სრულიადაც მიუხედავად — შეუძლებელია, გერმანულ მწერალს არ სცოდნოდა, არ სსომებოდა, ჩანაფიქრის თანამდევად არ გაჰყოლოდა პარციფალის არსებობას, თუნდაც შეგნებულად არ გეგულისხმა ეს არქეტიპი მისი პერსონაჟის განსახიერებისას, თუნდაც ეპიკურ-რომანტიკული რაინდის თარგზე განზრახულად არ გამოეჭრა მეოცე საუკუნის რიგითი ინჟინრის ხატება. მაგრამ ისიც სათქმელია, რომ მკითხველი — ავტორისაგან დამოუკიდებლად — აფართოებს ნაწარმოების შინაარსს, იგი თავის სულიერ და ინტელექტუალურ გამოცდილებას ჰმატებს ტექსტს, რითაც ტექსტიც ისევე იზრდება და ვითარდება, როგორც თავად მკითხველი — ბუნებრივად — წიგნთან ურთიერთობის შედეგად. მაგრამ განა მწერალიც პიროვნულად არ იზრდება ნაწარმოების შექმნისას? განა ავტორი წერთი არ აღწევს თავის აღმატებულ „მეს“, თავის აღმატებულ გამოვლინებას? მგონია, არავის აეჭვებს, რომ მარსელ პრუსტი სხვა ადამიანი იყო, სანამ საკუთარი რომანის წერას შეუდგებოდა და სხვა ადამიანად იქცა, როცა მისი წერა თითქმის დაასრულა. ქართული ლიტერატურიდან უდავო უეჭველობით შემიძლია, იგივე ვთქვა დავით გურამიშვილზე.

— ერთ საკითხს შევეხოთ, რომელიც, ცხადა, წინა კითხვასთან გარკვეულ კავშირშია. რამდენად მნიშვნელოვანია თქვენთვის ავტორის ბიოგრაფია, მისი პიროვნული ფაქტორების გათვალისწინება ტექსტის კითხვისას? რას იტყვოდი „ავტორის სიკვდილის“ შეტად პოპულარული პარადიგმის შესახებ, შეიძლება, ტექსტმა მართლაც დაკარგოს სუბიექტურობის ყოველგვარი კვალ და ავტორი უბრალოდ ტექსტიდან გაქრეს? რას იტყვოდი იმ შემარცხენე იდეაზე, რომ მკითხველის დაბადების საზღაური ავტორის სიკვდილია?

— უთუოდ გამიჭირდება მოკლე და თან საფუძვლიანი პასუხის გაცემა, რაზეც ასეულობით ვგვრდებ დაწერილა. მაგრამ რაკი მიმაჩნია, რომ პიროვნებაზე უფრო ღირებული და მნიშვნელოვანი არაფერია ამქვეყნად, ნაწარმოებთან ურთიერთობაც ჩემთვის, უპირველესად, მის ავტორთან პიროვნული ურთიერთობის განცხრობაა. ასე მგონია, რომ ყოველი ნაწარმოები კონკრეტული ბიოგრაფიის ავტორის ქმნილებაა, საკუთრივი განვილი ცხოვრების ნაყოფი და შედეგი (თუმცა ამ ნათქვამით უთუოდ გავანანყენებდი არა მარტო ნაკლებად ძვირფას ბარტს, ან სრულიად არაძვირფას ფუქოს, არამედ ნამდვილად ძვირფას ელიოტსაც). საცხებით სწორი ბრძანდებით, „ავტორის სიკვდილის“ იდეა მემარცხენე წრეებში დაიბადა (და აქ ხომ უფრო მნიშვნელოვანი „ავტორი“ იგულისხმება!) — უფრო ზუსტად, იმ ჰუმანიტართა თავებში, რომლებიც მარქსისტული მოძღვრებით იყო გადაჭვდილი. თავისუფალი პიროვნების (როგორც ადამიანური, ისე ღმრთებრივი პიროვნების) უარყოფა ისევე იღანდება ამ თეორიაში, როგორც, სხვათა შორის, ამ ბოლო ხანს გავრცელებულ სრულიად ანტიქრისტიანულ თვალსაზრისში, რომ ადამიანის მიზანი არაა და არ უნდა იყოს ბედნიერება. მარქსიზმი, მოგეხსენებათ, საერთოდ, უგულვებლყოფს პიროვნებას — ასე, ცოტა უხეშად, მაგრამ ზუსტად და მკაფიოდ რომ ვთქვათ — რაკი ადამიანს განიხილავს როგორც ოდენ კოლექტივის (ანუ თავისი სოციალური კლასის) წარმომადგენელს.



მე საბჭოთა ეპოქაში დავიბადე და ჩამოვყალიბდი, ხოლო საბჭოთა-კომუნისტური თეორია სწორედ ამას გვასწავლიდა, რომ ავტორი ყოველთვის გადმოგვცემს არა თავის პირად სათქმელს, არამედ უწინარესად გამოხატავს თავისი კლასის ინტერესებსა და უწყებას. ეს მე არც მაშინ მჯეროდა და არც ახლა ვიჯერებ, მაგრამ ნამდვილად მჯერა, რომ წიგნის კითხვა დამოუკიდებლად თვითმყოფი ორი ადამიანის პიროვნული შეხვედრის აქტია: ბუნებრივია, იგულისხმება მწერალი და მკითხველი — თავთავიანთი ბიოგრაფიითა და გამოცდილებით. ინტერპრეტაცია ორი პიროვნების შეყრისა და გაზიარების შედეგია, სადაც და როცა ორივე სწორედაც მთელი შესაძლო სისავსით წარმოადგენს საკუთარ თავისთავადობას. რაკი ტექსტი ყოველი ახალი წაკითხვისას ახალ უწყებას გახსნიან — დროისა და გარემოს გათვალისწინებით — ხოლო რაკი მკითხველიც მუდმივად იცვლება, ფერს იცვლის, შესაბამისად, ტექსტის ინტერპრეტაციაც მუდამ ამოუნურავია.

— ბატონო მერაბ, მიგაჩნიათ თუ არა, რომ ყველა ლიტერატურული შედეგის აუცილებლად უზუსტესი სიმძაფრით ასახავს ეპოქას, თუ არსებობს მეტაისტორიული ტექსტებიც? და ამასთან, რას იტყვით ეგრეთ წოდებულ „სოციალურ მწერლობაზე“, რამდენად არის დღეს მწერლის გამოწვევა, რომ პირველი გამოცემა უროს საინფორმაციო დაიჯესტში მოხვედრილ მოვლენებს და შეგვიძლია თუ არა, ხელოვნებისგან გარკვეული სოციალური პრობლემების გადაჭრა მოვითხოვოთ მისი არსებობის ლეგიტიმურობისთვის?

— ყველაზე მარტივად რომ ვთქვა, ეპოქა იმდენად ცხადად ასახება ტექსტში, რამდენიმე ათწლეულითაც კი ვერ ხერხდება მისი გადაწვევა-გადმოწვევა, რაც ტექსტის საკუთარი კონტექსტის დაკარგვის მტკივნეულ ფასად არ დაგვიჯდეს. მაგრამ საქმე შეეხება არა მხოლოდ და არა იმდენად მოსათხოვრად თუ გადმოცემად არჩეულ მასალას, რამდენადც სწორედ მონათხრობის გადმოცემის სახეს, რომელიც, თუკი მოსწყდა თავის დროს, არა მარტო უხერხული, არამედ სასაცილოც კი ხდება („ვეფხისტყაოსნის“ ან ბარათაშვილის ლექსით წერა ნებისმიერი შინაარსის ტექსტისათვის დღეს მხოლოდ კომიკური ეფექტის წარმოქმნისათვის შეიძლება გამოდგეს!). სრულიად გულწრფელი მცდელობანიც კი, დარჩეს მწერალი მეტ-ნაკლებად კლასიკური ფორმების ჩარჩოებში, თუნდაც ისეთ ჟანრში, როგორცაა ნოველისტიკა ან რომანისტიკა, უკეთესი შემთხვევისას, გულდანყვეტის გრძნობას იწვევს. ბუნებრივია, მწერალი ვერ მიატოვებს თავის გარემოს, უდავან იგი არც მთვარეზე ცხოვრობს და არც თებამდის უდაბნოში, თუმცა საკითხი, უნდა გამოეხმაუროს თუ არა იგი ეპოქის „სოციალურ გამოწვევებს“, ჩემთვის მთლად ნათელი არაა, დანყებული იმით, რომ მწერალი, ალბათ, პროფესიულადაც კი ერთ-ერთი ყველაზე მარტოხელა არსება ამქვეყნად (შესაძლოა, კომპოზიტორთან და მხატვართან ერთად), და დამთავრებული იმით, რომ გარკვევით არ მესმის, რას ნიშნავს „საზოგადოება“ — მით უმეტეს, „საზოგადოებრივი პრობლემები“. მტკიცედ მჯერა, მწერალი ყოველთვის მხოლოდ იმით და იმის გამო წერს, რაც მას პირადად აღელვებს ან შეაჭირვებს. კიდევ: ჩემი მოგონილი არაა თვალსაზრისი, რომ მწერ ხანაში გვერგო ცხოვრება და ეს თვალსაზრისი არ მგონია, აუტანელი დროითი პროვინციალიზმის გამოხატულება იყოს (ანუ წარმოადგენდეს გოდებას იმის შესახებ, რომ, რაც ახლა ხდება, არასოდეს მომხდარა, თუმცა მცირე ისტორიული ცოდნაც კი იმას მეტყველებს, რომ ასეთი, უარესი ან ნაკლებ უარესი მოვლენები ისტორიის განმავლობაში მრავალგზის დადასტურებულა). უბრალოდ, ცხადად მახსოვს, რომ ჩემს სიყმაწვილისა თუ სიჭაბუკისას ყველა დარგის გამორჩეული გენიოსები ჩემს გვერდით, ჩვენსავე პლანეტაზე ცხოვრობდნენ (ელიოტიდან და ცელანიდან ფოლკნერამდე და კორტასარამდე, პიკასოდან და შაგალიდან შოსტაკოვიჩამდე და ბრიტენამდე, ბერგ-მანიდან და ანტონიონიდან ჰაიდეგერამდე და მარიტენამდე). თუკი მაშინდელი მსოფლიოს იმგვარ პერიფერიაშიც კი, სადაც მე დავიბადე და გავიზარდე, მათი სახელები არათუ კარგად აღწევდა, არამედ ლამის საყოველთაოდ იყო ცნობილი, დღეს, ინფორმაციის შეუზღუდაობისა და პერიფერიათა მოშლის ჟამს, ამ მასშტაბის ერთი ოსტატის დასახელებაც კი შეუძლებელი გამხდარა. შექმნილი მდგომარეობა, რა თქმა უნდა, ბუნებრივად წარმოშვა 1960-1970-იანი წლებიდან აქოჩრილ-მა მემარცხენე ტალღამ, რასაც თანასწორობის სოციალისტური იდეის აღზევა მოჰყვა (ანუ: ყველა თანასწორია და არავინაა გამორჩეული!), ხოლო რაკი ადამიანთა საჯარო ცხოვრების მიზნად დაისახა ნაცრისფერობა, გამოურჩევლობა, განუსაკუთრებლობა, მაშინ გაბატონდა კიდევ ყველგან და ყველგან (ზოგან — ძალიან!) ეს სასურველი ნაცრისფერობა, თუმცა არავინ იცის — არც იმან, ვისაც სამყაროს ტრანსცენდენტური განმგებლობისა სწამს ან არც იმან, ვისაც ამისი არ სწამს — თუ რას მოგვიტანს ხვალისდელი დღე... ამიტომ, რაკი ბერნ ხანაში ახალი დიადი ტექსტები აღარ იბადება, დიადი ტექსტები ინტერპრეტაციაში ინარჩუნებს სიცოცხლეს, მხოლოდ ინტერპრეტაციაში ცხოვრობს; ჩვენ კი, მკითხველები, წამკითხველები, გზატკეცილზე გამოვსულვართ, ანთებული ფარნებით ხელში, რათა ერთმანეთს მივანიშნოთ, რომ კულტურა და მათ შორის, ლიტერატურა, ამჯერად, ამჟამად ამგვარი სახით აგრძელებს არსებობას.

ესაუბრა ლეოსო დორაული



ეკა ქაჯაია

თქვენ — ქალბატონო

თქვენთვის არ უთქვამთ, ქალბატონო, რომ გავხარ აპრილს, რომ გავაფხულმა ღია რძისფერ ნისლში გარნიათ, კარგა ხანია, მყვირალობა დაიწყო მთაში და ამიტომაც შვლებიანი კაბა გაცვიათ...

არც ის არ უთქვამთ? რომ თქვენა ხართ აპრილის ქარი, ნაფერები და ღიმილივით ოდნავ დამთბარი... ჩემს თებერვალში აპრილივით ხართ ჩამომდგარი, თუ ნებას ღამრთავთ, მე ვიქნები თქვენი ზამთარი...

აივანი

აიხვდავ და თითქოს მზის არის, წვიმის და წვიმიან ამინდს ამშვენებს, მაგრამ ცის სახლი, — ის აივანი, ერთ დღეს უეცრად ამოაშენეს.

იყო ზღაპრიდან ამონარიდი, უცებ ქუჩაზე ჩამოწვა ღამე და ყველა დროის ყველა ამინდი მოულოდნელად დატოვეს გარეთ!

დათმეს კამკამა ათინათები — ქარში ერთმანეთს როგორ იჭერენ, ვერც ნაბიჯ-ნაბიჯ, ასკინკილათი იხტუნავენ ნვიმის ბიჭები.

რალაც უსაზღვროც და მისანვლომიც გაუნაწილეს კედლების წყვილად და ფარატიანა თბილი ნიავიც ოთხმა კედელმა გამოამწყვდია.

არავინ გრძნობდა სინანულს მაინც ოთხი კვადრატის მტკიცე საბაბით! და ფეხარეულ ფოთლებსაც ანი მიუხურავენ ცხვირწინ დარაბებს...

როგორც უსულო მკერდზე კარატი ჩაქრა ძვირფასი ქვა და მინავლდა, სახლს მოემატა ოთხი კვადრატი, ქუჩა ათასით დაპატარავდა.

თითქოს განყვიტეს გრძელი ამბავი, — საპნის ბუშტების ცაში გაშვების და დიდობისგან მიუსაფარნი, გაიზრდებიან ჩქარა ბავშვებიც.

ზამთრის სონეტი

ამ დღეებს შენი აკლიათ სუნთქვა (დღე უსულოა გარეშე რომლის) და როგორც ზამთრის ხეივნებს სურდათ, ისეთი თბილი მოვიდა თოვლი...

მდინარესავით ნალექა ხედი, ცა, ჰორიზონტი, მთელი ბუნება, ნაშალა ყველა კვალი და ხიდი, დავტოვე რაც შენს დასაბრუნებლად...

არც შარშანდელი დარჩა ამბიდან, გამოყოლილი სევდა სიცივის და შუალამის შუშაბანდიდან შენს ნაცვლად ახლა თოვლი მიცინის...

გადავიბრენდი ახლა ამ სოფლის სერს უკანასკნელ სამოსახლომდე, მივატოვებდი სულ ერთი წუთით ჩემს წილ სამოთხეს და ზღვას ვნახავდი...

ამ მარტოხელა, ჭირვეულ მოხუცს, ჩემს ტერფებთან რომ წევს მოცელილი, გემები თეთრი და შორი-ახლო უციმციმებენ თვალზე ცრემლივით...

ეუცხოვება ხანაც ნაპირი, თავის თავიდან ნასვლას აპირებს, და მერამდენედ ფარხმალდაყრილი მაინც მიბმული რჩება ნაპირზე...

ვნახავდი თავის სისუსტით ძლეულს — (მისკენ ხელგაშლილს ტბორავს, თავს ესხმის), ბედნიერება არ შეუძლია და გამუდმებით ახრჩობს ტალღებში...

გადავიბრენდი ახლა ამ ეზოს, სერს უკანასკნელ სამოსახლომდე, მივატოვებდი ქალაქს და სოფელს, სულ ერთი წუთით ზღვას რომ ვნახავდე...

აცილებ როგორც გადამფრენ ფრინველს, სანახებისკენ სხვა ცის და მიწის, როგორ უხდება სიყვარულს პირველს გულანთებული წყვილების ფიცი...

რომ მხოლოდ ქოხიც გაცხოვრებს ისლის სულ ცოტა ნისლით და მზის არილით, რომ სიცოცხლესაც გაიღებ მისთვის, რამე წვრილმანი სახსოვარივით...

და ვარსკვლავითან ზიარ ნიშნობას თან ჟრუანტელის ახლავს მხველები და ფიცს იბარებს იმ წამს ბავშვობა ვით საქორწინო საკუთხეველი...

აქვს ყველა სიტყვაც, მოწმეს იდუმალს, სიმართლის ოქროს წყალით ნაფერი, ის ქარაფშუტა მესაიდუმლე ვითომ ბევრის და არც არაფერის...

მას შემდეგ, თითქოს თავად ავსულთა დახლართეს ჩვენი ბედ-იღბლის ნართი, რადგან, ძვირფასო, მერე ასრულდა რაც სიტყვებს შორის დარჩა და არ ვთქვით...

შენი ფიცი და ჩემი უარიც (ვით ორლესული ხმალი ვერსალის), თურმე ორივე იყო ტყუილი, მაშინ რომ ჟღერდა სიმართლესავით...

შემოიკიდეს ყინვებმა ცეცხლი, შეიბა ზეცის კიდემაც კარი, არც მე შემაშრა დიდი ხნით ცრემლი და ვერც შენ თავი ვერ მოიკალი...

თვალეში მაყრის სარკის ნამსხვრევებს კვლავ დედოფალი — ავი ზამთარი — და უძლეული ვარ, ვიყო მას მერე, იმ ტყუილივით ალაღმართალი...



— აჰ, ეს ბავშვები, — თქვა სპენდელმა, — მათი გადამკვირვება...
— და მაინც, ალბათ არაჩვეულებრივია, როცა ბავშვი გყავს, — განაგრძო ბარლემმა სვედიანი ტონით, ისე, როგორც ამ სიტყვებს შეეფერებოდა, — მე ხშირად მიხატობა...

— ბევრად უფრო არაჩვეულებრივი ალბათ ისაა, როცა თვითონ ხარ ბავშვი, — შეაწყვეტინა რემპიონმა, — იმის თქმა მინდა, როცა ადამიანი უკვე მართლა მონიჭულია, — ჩაიტინა მან.

— და თქვენ როგორ ზრდით შვილებს? — ჰკითხა სპენდრელმა.

— ვცდილობ, რაც შეიძლება ნაკლები ყურადღება მივაქციო მათ. სამწუხაროდ, სკოლაში სიარული უნევთ. ჩემი ერთადერთი იმედი ის არის, რომ იქ ბევრს ვერაფერს ისწავლიან. უბრალოდ, საშინელება იქნება, მათგან პატარა პროფესორები რომ გამოვიდნენ, ცოდნით გაჭყობილები, თავიანთი სტრუქტურით აბსტრაქტულ განზოგადებებს რომ შეთხზავენ. მაგრამ ალბათ სწორედ ასეთები გახდებიან. ჩემს ჯიბურზე. ბავშვები ხომ ყველაფერს თავიანთი მშობლების ჯიბურზე აკეთებენ. არა გაგებთ, რა თქმა უნდა, არამედ ქვეცნობიერად. უბრალოდ იმიტომ, რომ სხვაგვარად არ შეუძლიათ. იმიტომ, რომ მშობლებმა მეტისმეტად შორს შეტოპეს ერთი მიმართულებით და ბუნება ბავშვებს უკან ექაჩება, რათა წონასწორობა აღადგინოს. დიას, დიას, ამას მთელი ჩემი არსებით ვგრძობდი. ისინი პროფესორები გახდებიან. პატარა ეშმაკები. საზოგადოებრივი მეცნიერები. თქვენი მეგობრის, ილიჯის, მსგავსები, — მიმართა მან სპენდრელს, რომელიც ამ სახელის გაგონებაზე შესამჩნევად შეკრთა და გულში მამინვე უსაყვედურა საკუთარ თავს ამისათვის, — პატარა, საზოგადოებრივი მეცნიერები, მთელი ძალით რომ ცდილობენ, შიგნულგანს დათრგუნონ.

სპენდრელმა ჩვეული მრავალმნიშვნელოვნებით, ირონიულად და რამდენადმე თეატრალურად გაიღიმა.

— ჭაბუკმა ილიჯმა მთელი ვერ შეძლო, დაეთრგუნა თავისი შიგნულგანობა, — თქვა მან, — ყოველ შემთხვევაში, ბოლომდე ვერ შეძლო.


— რა თქმა უნდა, ვერ შეძლებდა. ამის დათრგუნვა არავის შეუძლია. ერთადერთი, რაც ამ ცოცხალ ორგანიზმს შეიძლება უქნას, ის არის, რომ ლუჯად აქციო. და რისთვისაა ეს საჭირო? უამრავი იდიოტური ცოდნისა და უაზრო განზოგადობისათვის.

— რომლებიც, რა თქმა უნდა, ძალიან სასაცილოა, — თქვა ფილიპმა, რომელიც საუბარში იმიტომ ჩაერთო, რომ ინტელექტი დაეცვა, — განაზოგადო და თანაც შეიძინო ცოდნა, ერთ-ერთი ყველაზე სასიამოვნო გართობაა. ყოველ შემთხვევაში ჩემთვის, — და ფილიპი ინტელექტუალური ცხოვრების მისეული პედონისტური აპოლოგიის განვითარებას შეუდგა, — და რატომ უნდა ვიყოთ ასეთი მკაცრი ჩვენი პატარა-პატარა გართობების მიმართ? ჩვენ ხომ გოლფს თავს არ ვესხებით. მამ, რატომ უნდა დავიარაზოთ ინტელექტუალების სპორტის წინააღმდეგ?

— მაგრამ ის ხომ სრულიად უსარგებლოა, — განაგრძო რემპიონმა, — ხეს მისი ნაყოფით შეიცნობენ. გოლფს საერთოდ არავითარი ნაყოფი არ მოაქვს, და თუ მაინცდამაინც მოაქვს, ის სრულიად უვნებელია ან იქნებ სასარგებლოც კი. ჯანმრთელი ღვიძლი, მაგალითად, შესანიშნავი ნაყოფია. მაშინ, როცა ინტელექტუალიზმის ნაყოფი... ღმერთო ჩემო! — სახე დაემანჯა, — ერთი ამით შეხედეთ. მთელი ჩვენი ინდუსტრიული ცივილიზაცია — აი, მისი ნაყოფი. დილის გაზებები, რადიო, ტანკი — ეს ყველაფერი მისი ნაყოფია. კანკები და ტრინიტროტოლუენი! როკფელერი და მონდი — ასევე ნაყოფია. აი, სანამდე მივიყვანა პროფესიონალური ინტელექტუალიზმის ორგანიზებულმა სისტემამ, რომელიც ბოლო ორასი წლის განმავლობაში გამეფებულია. და თქვენ ჩემგან ელთი, რომ გართობები მოგიწონოთ? იცით, ყურახდობდა რომ გითხრათ, ამას ხარებთან ბრძოლა კი მირჩევნია. შეიძლება, რამდენიმე ცხოველის ტანჯვა და რამდენიმე ასეული მაცურებლის გამხეცვა მთელი სამყაროს წგრევეს, ღვინოს და დაღუპვას შეადარო? არადა, სწორედ აქამდე მივიყვანეთ

თქვენ, ინტელექტუალებმა, იმით, რომ თქვენი გართობა პროფესიად აქციეთ.

— კარგი, კარგი, — თქვა ფილიპმა, — მეტისმეტად პირქუს სურათს ხატავთ. მაშინაც კი, თუ თქვენ მართალი ხართ, არ შეიძლება, ინტელექტუალებს ავკიდოთ მთელი პასუხისმგებლობა იმაზე, თუ რისთვის გამოიყენეს სხვებმა მათი მოღვაწეობის შედეგი. მაგრამ ამაზე პასუხისმგებლობა სწორედ მათ ეკისრებათ. იმიტომ, რომ ყველა დანარჩენს თავიანთი დანაწევლილი ინტელექტუალური ტრადიციებით ზრდიან. ბოლოს და ბოლოს, სხვებიც ხომ ინტელექტუალები არიან, ოღონდ თავიანთ სფეროში. საქმოსანიც ასევე მეცნიერია, ოღონდ ეს არის, რომ ნამდვილ მეცნიერზე ცოტათი უფრო სულელია. მას ისეთივე ინტელექტუალურად ცალმხრივი ცხოვრება აქვს, როგორც მეცნიერს. შედეგი ასეთი ცხოვრებისა შინაგანი ფსიქოლოგიური გადაგვარებაა. ნაყოფი ჩვენი გართობებისა, არა მხოლოდ თანამედროვე ინდუსტრიული ცივილი-



ფრაგმენტი რომანიდან

ზაციის გარე აპარატურაა, ეს შინაგანი ღვინოს არის: ინფანტილურობა, გადაგვარება, ყველა ნაირსახეობა სიცივისა და პირველყოფილ წარსულში დაბრუნებისა. ოჰ არა, არა, არ მინდა ეგ თქვენი ძვირფასი გართობები. გაცილებით ნაკლებად მავნებელი იქნებოდა, გოლფს რომ თამაშობდეთ.

— მაგრამ ჩემი პრეტენზია? — ჩაერია საუბარში ბარლემი, რომელიც მათ დავას აქამდე ხმის ამოუღებლად უსმენდა, — ჩემი პრეტენზიაზე რაღას იტყვი?

— მართლაც, — მხარი აუბა სპენდრელმა, — ნუთუ მისი ძებნა არ ღირს?

— რა თქმა უნდა, ღირს, — უპასუხა რემპიონმა, — მაგრამ არა იქ, სადაც მას ფილიპი და მისი მეგობარი მეცნიერები ეძებენ. ბოლოს და ბოლოს, ერთადერთი ჩემი პრეტენზია, რომელიც ჩვენთვის ფასეულობას წარმოადგენს და რისი შეცნობაც შეგვიძლია, ეს ადამიანური ქმედობაა. და თუ გინდა, მას მიაგნო, უნდა ეძიო ის მთელი არსებით და არა მისი რაღაც ცალკეული ნაწილით. მეცნიერები კი არაადამიანური ქმედობებისკენ ისწრაფვიან. რა თქმა უნდა, ისინი ვერას-ლოდ შეძლებენ მას მიაღწიონ. თვით მეცნიერებსაც ხომ მთლიანად არ შეუძლიათ, ადამიანად ყოფნა შეწყვიტონ. ერთადერთი, რაც მათ გამოხდით, ის არის, რომ რამდენადმე მოწყდნენ რეალობის ადამიანურ სამყაროს. საკუთარი ტვინის ნაწილით ისინი ერთგვარ ბუნდოვან წარმოდგენას იქმნიან სამყაროზე, ისეთზე, როგორსაც მას არაადამიანური თვალის დინახავდა. თავიანთი კვანტური თუ ფარდობითობის თეორიებით, ტალღური მექანიკით და ასე შემდეგ, მათ მართლაც შეძლეს, კაცობრიობას ცოტათი დაშორებოდნენ. მაგრამ მითხარით, რა არის ამამი კარგი?

— გარდა იმისა, რომ ეს გართობაა, — თქვა ფილიპმა, — კარგი ის არის, რომ შეიძლება, რაღაც საოცარი აღმოჩენა გააკეთო, ისეთი, რომელსაც პრაქტიკული მნიშვნელობა ექნება. მაგალითად, ატომის გახლეჩა ან ენერჯის უსაზღვრო მარაგების გამოთვლის შედეგად.

— რის შედეგადაც ადამიანური არსებები საბოლოოდ გადაიქცევიან კრეტინებად და მანქანების მონებად, — დაცინვით დაასრულა რემპიონმა, — ვიცით თქვენი სამოთხე დედამინაზე, მაგრამ ჩვენ ახლა ქმედობების ქედი ვლაპარაკობდით. იმ არაადამიანურ ქმედობებს, რომლის

შეცნობას მეცნიერები თავიანთი ინტელექტით ცდილობენ, არაფერი აქვს საერთო ჩვეულებრივ ადამიანურ ცხოვრებასთან. ჩვენი ქმედობების, ადამიანური ქმედობების მიგნება შეიძლება მხოლოდ თვით ცხოვრების პროცესში — მთლიანი ადამიანის სრულ, მრავალფეროვან ცხოვრებაში. თქვენი გართობების შედეგი, ფილიპ, მთელი ეს ყბადღებული კოსმოსური თეორიები და მათი პრაქტიკული გამოყენება — ამ ყოველივეს არაფერი აქვს საერთო ერთადერთ საჭირო ქმედობასთან. არაადამიანური ქმედობებია კი არა მხოლოდ არავის უნდა, არამედ ის სახეივანოცაა. მას ადამიანების ყურადღება ერთადერთი ღირებულებით ადამიანური ქმედობებიდან გადააქვს. ის აიძულებს მათ, მათივე საკუთარი ცხოვრებისეული გამოცდილების ფაქტორები გაიხეივონ, რათა რეალობა განეყნებულ აბსტრაქტულ თეორიებს მოარგონ. მაგალითად, არსებობს ყველასგან მიღებული არაადამიანური ქმედობები — ყოველ შემთხვევაში, ჩემი ახალგაზრდობის დროს ის ყველასთვის მისაღები იყო, რომ გარეგნული ნიშნები რეალურად არ არსებობს, ხოლო ვინც ამას სერიოზულად აღიქვამს, საკუთარ თავს უარყოფს, თავისი ცხოვრების მთელ ქსოვილს არღვევს. საქმე ის არის, ადამიანური არსებები ისე არიან მოწყობილი, რომ ერთადერთ რეალობას მათთვის გარეგნული ნიშნები წარმოადგენს. მათი უარყოფით ადამიანი თვითმკვლელობას სწავს.

— მაგრამ რეალურად ხომ, — თქვა ფილიპმა, — მათ არავინ უარყოფს.

— ჰო, მთლიანად არავინ უარყოფს, — დაეთანხმა რემპიონი, — იმიტომ, რომ ეს არავის ძალუძს. არავის შეუძლია, მთლიანად გაანადგუროს ყველა თავისი შეგრძნება და გრძნობა ისე, რომ თვითონ ცოცხალი დარჩეს. მაგრამ შეიძლება მათი მნიშვნელობის დამცირება მას შემდეგ, რაც თავის საქმეს გააკეთებენ. და, ფაქტობრივად, ინტელიგენტების და ღრმად განათლებული ადამიანების დიდი უმრავლესობა სწორედ ამითაა დაკავებული: ისინი ამდებობენ ადამიანს არაცნობიერის ინტერესებისათვის. მათი მოტივები ქრისტიანების მოტივებისგან განსხვავდება, მაგრამ შედეგი იგივეა. ერთგვარი თვითგანადგურება. ყოველთვის ერთი და იგივე, — განაგრძო და მოულოდნელად მის ხმაში სიბრაზე გაიჟღერა, — ყველა მცდელობა, იყო რაღაც უფრო მეტი, ვიდრე ადამიანი, ერთი და იგივე შედეგით მთავრდება — სიკვდილით; სულ ერთია როგორი, მაგრამ სიკვდილით. როცა ცდილობ, თავს ზემოთ ახტო, საკუთარ თავში რაღაცას კლავ და ხდები ბევრად უფრო დამცირებული, ვიდრე იყავი. მე ისე მომწყინდა მთელი ეს ბრტყელ-ბრტყელი სიტყვები ამალეხულ სწრაფვებსა და მორალურ და ინტელექტუალურ პროგრესზე, იდეალებისთვის ცხოვრებასა და მსგავს სისულელეებზე. ამ ყველაფერს სიკვდილით მივყავართ, ისევე უქვეყლად, როგორც ფულისთვის ცხოვრებას. ქრისტიანები, მორალისტები, ნატივი ესთეტიები, ბრწყინვალე ახალგაზრდა მეცნიერები და სმაილის ყაიდის ბიზნესმენები — მთელი ეს საცოდავი ადამიანი-ბაყაყები, ცდილობენ, გაიბერონ და იქცნენ ხარად წმინდა სულიერებისა, წმინდა იდეალიზმისა, წმინდა პრაქტიციზმისა, წმინდა რაციონალიზმისა. მაგრამ მეტისმეტი მონდომებისგან სკდებიან და მათგან მხოლოდ პატარა ბაყაყის უბადრუკი ფრაგმენტები რჩება. დამპალი ნარჩენები. ეს ყველაფერი ერთი ძალიან დიდი იდიოტობაა, უზარმაზარი, გულისამრევი სიცრუე. მაგალითად, ის თქვენი მყარალი წმინდა ფრანცისკი რომ ავილით, — მიუბრუნდა ბარლემს, რომელმაც პროტესტის ნიშნად თავი გადააქნია, — ჰო, მყარალი, — დაჟინებით გაიმეორა რემპიონმა, — სულელი, პატივმოყვარე, პატარა კაცი, რომელიც ცდილობდა, ისე გაბერილიყო, რომ იესოდ ქცეულიყო. მიანია კი მხოლოდ იმას, რომ საკუთარ თავში ის ჯანსაღი აზრი და ნუსიერების გრძნობაც ჩაკო, რაც ჰქონდა. მხოლოდ ის შეძლო, რომ ნამდვილი ადამიანური არსების საზიზღარ, მყარ წარჩინად იქცა. სიამოვნებას იღებდა კეთილოვანის ლოკვისაგან.

ფუჰ! საზიზღარი, პატარა გაუკუღმართებული არსება. ის თურმე ზედმეტად ზნეობრივია იმისთვის, რომ ქალს აკოცოს. მას სურს, ისეთ უხემ რამებზე მალა იდგეს, როგორც ბუნებრივი, ჯანსაღი სიამოვნება. და შედეგი? ის საკუთარ თავში კლავს ყოველგვარ წარჩინებულ ნუსიერების გრძნობისა და იქცევა მყარ, პატარა, გადაგვარებულ კაცუნად, რომელსაც სიამოვნებას მხოლოდ კეთილოვანების იარების ლოკვა ანიჭებს. ყურადღება მიაქციეთ, რომ ის კი არ მკურნალობდა მათ, არამედ ლოკავდა და ამას საკუთარი, და არა მათი, სიამოვნებისათვის აკეთებდა. რა საზიზღარობაა!

ფილიპი სკამის საზურგეზე გადაწვა და გაიცინა, მაგრამ განრისხებული რემპიონი მისკენ შებრუნდა.

— თქვენ, რა თქმა უნდა, შეგიძლიათ, იცინოთ, მაგრამ ისე ნუ წარმოიდგენთ, რომ თვითონ უკეთესი ხართ, თქვენ და თქვენი ინტელექტუალი მეცნიერი მეგობრები. თქვენ ისევე იკლავთ თავს, როგორც მანიაკი ქრისტიანები. ნაკითხობთ თქვენი პროგრამა? — აიღო წიგნი, რომელიც მის წინ, მაგიდაზე, იდო და გადაფურცლა, — ამას სწორედ მაშინ ნავანყდი, როცა აქ ავტობუსით მოვდიოდი. აი, ესეც, — და კითხვა დაიწყო. ფრანგულ სიტყვებს გულმოდგინედ და მკაფიოდ წარმოთქვამდა, — „Plus un obstacle materiel, toutes les rapidites gagnées par la science et a richesse. Pas une tare a l'indépendance. Voir un crime de lese-moi dans toute frequentation, home ou pays, qui ne serait pas expressement voulue. L'energie, le recueillement, la tension de la solitude, les transporter dans ses rapports avec de vrais semblables. Pas d'amour, peut-etre, mais des, amities rares, difficiles, exatees, nerveuses, vivre comme on revivrait en esprit de detachment d'inquietude et de ravenche.“¹, — რემპიონმა წიგნი დახურა და აიხედა, — აი, თქვენი კრედო, — უთხრა ფილიპს, — მარი ლანერის მიერ ფორმულირებული ათას ცხრას პირველ წელს. მოკლედ, ნათლად, ამომწურავად. და, ღმერთო ჩემო, ეს რა საშინელებაა! არც სხეული, არც მატერიალურ სამყაროსთან შეხება, არც ადამიანურ არსებებთან შეხება — თუ არ ჩავთვლით მხოლოდ ინტელექტის საშუალებით — არც სიყვარული...

— ეს ჩვენ ცოტათი შევეცვალეთ ათას ცხრას პირველ წელსთან შედარებით, — ღმილით თქვა ფილიპმა.

— მაგრამ არა არსებითად. თქვენ ალიარეთ შემთხვევითი სექსუალური კავშირები, გარყვნილება, და სულ ეს იყო. მაგრამ არა სიყვარული, არა ბუნებრივი შერწყნა სიცოცხლისთვის, არა უარის თქმა მენტალურ თვითნაღიზზე, არა სრული დამორჩილება ინსტინქტებისადმი. არა, არა. თქვენ მაინც ცნობიერ ნებას ებღაუჭებთ. ყველაფერი ყოველთვის *expressement voulu* უნდა იყოს. და ყოველგვარი კავშირი ადამიანებს შორის მხოლოდ წმინდა ინტელექტუალური. და ისე უნდა იცხოვრო, რომ ეს სიცოცხლე კი არ იყოს ცოცხალი ადამიანების სამყაროში, არამედ მარტოობის მოგონებები, ოცნებები და მედიტაციები. დაუსრულებელი ონანიზმი, ისე როგორც პრუსტის ის საშინელი დიდი წიგნი. ამას თქვენ ამალეხულ ცხოვრებას ეძახით, სინამდვილეში კი ევგემიზმებს თავი დავენებოთ და უბრალოდ ნელი კვლობა. ძალიან მნიშვნელოვანია და სიმბოლურია ის, რომ ის ლანერუ ყრუ და ნახევრად ბრმა იყო. გარეგნული ხილული ნიშანი შინაგანი სულიერი ქმედობისა. საწყალი არსება! მისი სულიერება, ასე თუ ისე მაინც, გამართლებული იყო. ამალეხული ცხოვრების სხვა თავყვანისმცემლებისთვის კი, რომლებსაც ფიზიკური დეფექტი არ აქვთ, ეს მიუტევებელი ნიშანი თავი შეგნებულად დაამახინჯეს საკუთარი სიამოვნებისათვის. რა საშინებელია, რომ მათ მატერიალური კუზები არ აქვთ და მეჭეჭები ცხვირზე! ასე რომ იყოს, ის მაინც გვეცოდინებოდა, ვისთან გვაქვს საქმე.

— მართლაც, — მოგონილი მხარულეობით გაიცინა ფილიპმა და თავი დაუქნია. ცდილობდა, დაემაღლა უხერხულობა, რომელიც რემპიონის სიტყვებისა იგრძნო ფიზიკური ნაკლის შესახებ, — მართლაც, — არავის უნდა ეფიქრა, რომ ხელოვნურმა ფეხმა ხელი შეუშალა მას, საკადრისად შეეფასებინა რემპიონის შეხედულებები ფიზიკური დეფექტის შესახებ.

მისი სიცილი იმდენად შეუსაბამოდ ხმამაღალი იყო, რომ რემპიონმა კითხვის გამოუმხატველი მზერით შეხედა. რა მოხდა? მაგრამ ამის გასარკვევად თავი არ შეუნუხებია.

— ეს აღმაშფოთებელი სიკრუეა, — განაგრძობს მან, — და, გარდა ამისა, სულე-
ლური სიკრუე. მთელი ეს იდიოტური აზრე-
ბი იმის შესახებ, რომ ვიღაც უფრო მეტია,
ვიდრე ადამიანი. ჰო, იდიოტური, იმიტომ,
რომ ამას არავითარი საფუძველი არ აქვს.
თქვენ ცდილობთ, ადამიანზე მეტი გახდეთ,
სინამდვილეში კი მასზე უფრო ნაკლები
ხდებით. ყოველთვის...

— მისინეთ, მისინეთ, — თქვა ფილ-
იპმა, — „ჩვენ მინაზე დავდივართ და
ფრთები არ გვჭირდება“, — და უცებ მას
მამამისის მამამალა ნათქვამი სიტყვები
ჩაესმა: „მე მქონდა ფრთები, მე მქონდა
ფრთები“. და მისი ანტილუბული სახე და
ავარგარებულ-ვარდისფერი პიუჟა დაინ-
ახა. სასაცილო და უბადრუკი მოხუცი, —
და იცით ეს საიდან არის? — განაგრძობს მან,
— ეს არის უკანასკნელი სტრიქონი ლექ-
სისა, რომელიც მე დავენერე ნიუდიგის
პრემიისთვის² თქვენი დროში, როცა
ოცდართი წლისა ვიყავი. თემა „მეფე არ-
ტური“ იყო, თუ სწორად მახსოვს. ზედმეტი
იც კია იმის თქმა, რომ პრემია ვერ მივიღე.
მაგრამ ეს კარგი ლექსია.

— ძალიან სამწუხაროა, რომ ცხოვე-
ლში თქვენი სიტყვებით არ ხელმძღვე-
ნებლობს და ამის ნაცვლად აბსტრაქციე-
ბთან ეწევიტ გარყვნილებას. მაგრამ, რა
თქმა უნდა, აბსტრაქციებს ისე არავინ ეს-
ხმის თავს, როგორც მისი თავყვანისმცემე-
ლი: მან ხომ გამოცდილებით იცის, სიც-
ოცხლის როგორ გამანადგურებლები
არაინ ისინი. ჩვეულადვე ადამიანს შეუ-
ძლია, თავს ნება მისცეს, მათგან სარგე-
ბლობა მიიღოს. შეუძლია, თავს ნება
მისცეს, ჰქონდეს ფრთები მანამ, სანამ ახ-
სოვს, რომ აქვს ფეხები. ადამიანებს ცუდ-
ად მისდით საქმე, როცა საკუთარ თავს
აიძულებენ, სულ იფიქრონ. ისინი ოცნე-
ბობენ, ანგელოზებად იქცევენ, ახერხებენ
კი მხოლოდ იმას, რომ გუგულები და ბატე-
ბი ხდებიან, ან საზიზღარი სვავები და შავი
ყორნები.

— მაგრამ ეს ხომ, — თქვა სპენდრელ-
მა, რომელსაც დიდი ხნის განმავლობაში
ხმა არ ამოუღია, — მხეცობის სახარებაა.
თქვენ ჩვენ გვასწავლით, როგორ მოვ-
იქცეთ ცხოველების მსგავსად.

— მე თქვენ გასწავლით, როგორ
მოიქცეთ ადამიანური არსებების მს-
გავსად, — უპასუხა რემპიონმა, — ეს კი
ერთი და იგივე არ არის. გარდა ამისა, გაც-
ილებით უკეთესია, მხეცოვით იქცეოდე —
ნამდვილი, პათიოსანი, არამოშინაურებუ-
ლი ცხოველივით, ვიდრე ეშმაკი გამოი-
გონო და მოიქცე ისე, როგორც შენი გამონ-
აგონი იქცევა.

ხანმოკლე სიჩუმე ჩამოვარდა. „რა იქნე-
ბა, რომ ახლა მას ვუთხრა“ — ფიქრობდა
სპენდრელი — „რომ ცოტა ხნის წინ საფა-
რიდან გამოვხტი, თავს დავეხსი ადამიანს
და კეტით თავი გავუხეთქე“ — და კიდევ
ერთი ყლუპი ბრენდი მოსვა.

— არა, — თქვა ხმამაღლა, — დარწმუნ-
ებული არ ვარ თქვენს სიმართლეში. იქ-
ცოდე ცხოველივით, ეს იმას ნიშნავს, იქ-
ცოდე არსებასავით, რომელიც სიკეთესა
და ბოროტებაზე დაბლა დგას. იმისთვის კი,
რომ ეშმაკივით მოიქცე, ჯერ ის უნდა
იცოდე, სიკეთე რა არის. და მაინც, ეს ყვე-
ლაფერი უბრალოდ ველური, მდაბალი და
საზიზღარი იყო. და, გარდა ამისა, სრული,
უკიდევანო სისულელე. კეთილის და
ბოროტის ხის ნაყოფის შეცნობის საფა-
რველქვეშ მან ცეცხლი და შხამი კი არ იპ-
ოვა, არამედ მხოლოდ გაუმოსამრვეი ყა-
ვისფერი სიდამბლე და რამდენიმე პატარა
ჭია. ყველაფერი, რაც არსებობს, თავისი
საპირისპიროს საშუალებით შეიცნობა, —
განაგრძობს მან. თავისივე ფიქრების გამო
მოღუშული იყო, — ეშმაკის არსებობა ღმ-
ერთის არსებობასაც ფულისხმოობს.

— უდავოდ, — მოუთმინელად ჩაერთო
რემპიონი, — ეშმაკი, როგორც აბსოლუ-
ტური ბოროტების განსახიერება, არსე-
ბობს მხოლოდ იმდენად, რამდენადაც არ-
სებობს ღმერთი, როგორც აბსოლუტური
სიკეთის განსახიერება. და მერე რა
აქედან? რა კავშირი აქვს ამას თქვენთან
ან ჩემთან?

— მე ვფიქრობ, რომ ძალიან დიდი.
— მხოლოდ იმდენივე კავშირი აქვს,
რამდენიც იმას, რომ ეს მაგიდა შედგება
ელექტრონებისაგან ან რევეების დაუს-
რულებელი რიგისაგან უცხო გარემოში, ან
დიდი რაოდენობის მოვლენების-ნერტილი-
დან ოთხგანზომილებიან კონტინუუმში,

ან კიდევ რაიმე ისეთისგან, რისი გამოგ-
ონებაც ფილოსოფიის მეცნიერ მეგობრებს შეუ-
ძლიათ. არა უფრო მეტი რამისგან. ანუ,
ფაქტობრივად, ამას ჩვენთან არავითარი
კავშირი არ აქვს. თქვენი აბსოლუტური
ღმერთი და აბსოლუტური ეშმაკი ადამი-
ანებისთვის სრულიად არარსებულ
ფაქტებს მიეკუთვნებიან. ჩვენ საქმე გვა-
ქვს მხოლოდ სხვადასხვა დროის და ხალხ-
ის ფარდობით ღმერთებთან და ეშმაკებ-
თან, ინდივიდუალური კაზუსისტიკის ფარ-
დობით სიკეთესთან და ბოროტებასთან.
ყველაფერი დანარჩენი არაადამიანურია
და საქმეს არ ეხება. და თუ საკუთარ თავს
ნებას მისცემ, არაადამიანურმა მო-
საზრებებმა გავლენა იქონიონ თქვენზე,
აუცილებლად სულელად იქცევით ან
ბოროტმოქმედად, ან ორივედ ერთად.

— მერე რა, ეს მაინც უკეთესია, ვიდრე
ცხოველად ქცევა, — არ უთმობდა სპენდ-
რელი, — უკეთესია სულელი ან ბოროტ-
მოქმედი ვიყო, ვიდრე ხარი ან ძაღლი.

— არავინ გთხოვთ, ხარი ან ძაღლი
იყავითო, — გაღიზიანებით თქვა რემპი-
ონმა, — თქვენ მხოლოდ იმას გთხოვენ,
რომ ადამიანი იყოთ. ადამიანი, გასაგებია?
არც ანგელოზი და არც ეშმაკი. ადამიანი
ეს არის აკრობატი მაგარად დაჭიმულ
თოკზე. ის ფრთხილად მიდის, ცდილობს,
წონასწორობა შეინარჩუნოს, ხელში
უჭირავს ჭოკი, რომლის ერთ ბოლოზე
ცნობიერება, ინტელექტი და სულია, მეო-
რეზე კი სხეული, ინსტინქტი და ყვე-
ლაფერი, რაც ჩვენში არააციონობიერი, მი-
ნიერი და მისტიკურია. ის ცდილობს,
წონასწორობა შეინარჩუნოს. ეს ჯოჯოხ-
ეთურად ძნელია. და ერთადერთი აბსოლუ-
ტი, რომელიც მას არ შეუძლია, შეიცნოს,
სრულყოფილი წონასწორობის აბსოლუ-
ტია. აბსოლუტურობა სრულყოფილი ფარ-
დობითობისა. გონების თვალსაზრისით, ეს
პარადოქსი და უაზრობაა. მაგრამ ყველა
ნამდვილი, ცოცხალი ჭეშმარიტება ხომ
ლოგიკის თვალსაზრისით უაზრობაა.
ცოცხალი ჭეშმარიტების შექმე კი ლოგი-
კაა სრული უაზრობა. ჰოდა, აირჩიეთ,
რომელი უფრო მოგწონთ — ლოგიკა თუ
ცხოველება. გემოვნების საქმეა. ზოგა ად-
ამიანი ამჯობინებს, მკვდარი იყოს.

„ამჯობინებს, მკვდარი იყოს“. ეს სი-
ტყვები სპენდრელის ცნობიერებაში
ექოსავით აირეკლა. ედვარდ უებლი,
რომელიც იატაკზე ინვა თოკებით შეკრუ-
ლი, წინილასავით, ამჯობინებდა, მკვ-
დარი ყოფილიყო?

— და მაინც, — განელა სათქმელი, —
არის ისეთი რამეები, რაც ყოველთვის აბ-
სოლუტურად ცუდი რჩება. მაგალითად,
მკვლელობა, — სურდა, დაეჯერებინა, რომ
იმ დღეს მომხდარი არა მხოლოდ მდაბა-
ლი, ამაზრზენი და საზიზღარი იყო,
არამედ, გარდა ამისა, საშინელი და
ტრაგიკული, — მკვლელობა — ეს აბსო-
ლუტური ბოროტებაა.

— არა უფრო მეტად აბსოლუტური,
ვიდრე სხვა დანარჩენები, — თქვა რემპი-
ონმა, — გარკვეულ გარემოებათა თანხ-
ვედრისას მკვლელობა შეიძლება იყოს
აუცილებელიც, მართებელიც და საქებიც
კი. ერთადერთი აბსოლუტურად ბოროტი
ქმედება, რომელიც ადამიანმა შეიძლება,
ჩაიდნოს, ის არის, რასაც ის ცხოველების
საზიანოდ აკეთებს, საკუთარი მოტიანიო-
ბის საზიანოდ. ის ცუდად იქცევა, თუ საკ-
უთარ თავს აუკუღმართებს, თავისი ინ-
სტინქტების ფალსიფიკირებას ახდენს.

— აჰა, ესე იგი, ჩვენ ისევე მხეცებს ვუ-
ბრუნებდით, — განაგრძობს სპენდრელმა
სარკასტულად, — იყავით მტაცებლები,
დაიკმაყოფილეთ თქვენი ცხოველური
მოთხოვნილებები, როგორც კი ისინი
გავიჩნდებთ. და ეს არის ადამიანური სი-
ბრძნის ბოლო სიტყვა?

— იცით, რა? ეს სულაც არ არის ისეთი
სისულელი, როგორც თქვენ გეჩვენებთ, —
უპასუხა რემპიონმა, — ადამიანები რომ
თავიანთ ინსტინქტურ მოთხოვნილებებს
იკმაყოფილებდნენ მხოლოდ მაშინ, როცა
ეს მართლა სურთ, მსგავსად ცხოველები-
სა, რომლებიც თქვენ ასე გძულთ, ისინი
ბევრად უკეთ მოიქცეოდნენ, ვიდრე ცივი-
ლიზებული ადამიანური არსებების დიდი
უმრავლესობა იქცევა ჩვენს დროში. ბუნე-
ბრივი მოთხოვნილებები და სპონტანურად
გაჩენილი ინსტინქტური სურვილები არავი-
თარ უმთხვევავში არ აქცევდნენ ადამი-
ანებს ასეთ მხეცებად. არა, სიტყვა „მხეცე-
ბად“ არ ვარგა — რატომ უნდა მივაყენოთ

შეურაცხყოფა საცოდავ ცხოველებს? ასეთ
მეტისმეტად ადამიანურად ცუდ და ბოროტ
არსებებად. ასეთებად აქცევს მათ ნარმო-
სახეა, ინტელექტი, პრინციპები,
ტრადიციები, ალზრდა. დატოვეთ ინსტინ-
ქტივი საკუთარ თავთან და ისინი არავითარ
ზიანს მოგაყენებენ. ადამიანები მხოლოდ
მაშინ რომ ეძლეოდნენ სიყვარულს, როცა
მათ ვნება იქცეოდნენ, მხოლოდ მაშინ რომ
ჩხუბობდნენ, როცა გაბრაზებულები ან
შეშინებულები არიან, მხოლოდ მაშინ რომ
ებლაუჭებოდნენ თავიანთ საკუთრებას,
როცა ეს მათთვის აუცილებელია, ან მათ
თავშეუკავებელი სურვილი იპყრობდეთ
რაიმეს ხელში ჩაგდებასა, გარწმუნებთ, რომ
სამყარო ბევრად უფრო მეტად ემგვანებო-
და ციურ სასუფეველს, ვიდრე ახლა —
ქრისტიანულ-ინტელექტუალურ-სამეცნი-
ერო ლიბერალიზმის ბატონობისას. თქვენ
გგონიათ, რომ ინსტინქტმა შექმნა კახანო-
ვა, ბაირონი, კესლმეინი? არა, ინსტინქტი
არაფერ შუაშია. ეს მათი ავხორციული წარ-
მოსახვა ნააქტუბდა მათ მოთხოვნილებებს,
წარმოშობდა სურვილებს, რომლებიც ბუნე-
ბრივად მათ არასოდეს გაუჩნდებოდათ.
ორივე სქესის დონჟუანები მხოლოდ თავის
სურვილებს რომ ემორჩილებოდნენ, მათ
ბევრად ნაკლები სასიყვარულო კავშირი
ექნებოდათ. მათ ხელოვნურად უწევთ თა-
ვიანთი წარმოსახვის აღზნება, წინააღ-
მდე შემთხვევაში, ვერ შეძლებდნენ დანო-
ლას, ვისთანაც მოუწევდათ დასადაც მოუ-
წევდათ. იგივეა სხვა დანარჩენი ინსტინ-
ქტებთან დაკავშირებით. თუ თანამედროვე
ცივილიზაცია ფულისთვის გაეგვიდა, ფლო-
ბის ინსტინქტი აქ არაფერ შუაშია. ალზრ-
და, ტრადიცია, მორალური პრინციპები მას
ხელოვნურად ალაგზნებენ. ფულის მიმართ
სიხარბე ადამიანებს მხოლოდ იმის გამო
უჩნდებათ, რომ მათ არწმუნებენ, თითქოს
ეს სიხარბე ბუნებრივია და კეთილშობილ-
ური, თითქოს ვაჭრობა და ინდუსტრიაში
საქმიანობა ღირსებაა, თითქოს დაარწმუნ-
ონ ადამიანები, იყიდონ ის, რაც სრულებით
არ სჭირდებათ, ქრისტიანული გულმონყ-
ალების გამოვლენა. ფლობის ინსტინქტი
არასდროს ყოფილა ასე ძლიერი, რომ აე-
ძლებინა ადამიანები, დღე და ღამე, მთე-
ლი ცხოვრების განმავლობაში, რაც შეი-
ძლება მეტი ფულის ხელში ჩაგდებაზე
ეზრუნათ. ამისთვის წარმოსახვას და ინ-
ტელექტს უწევთ განუწყვეტილი მისი აღგ-
ზნება. აბა, ომზე იფიქრეთ. მას არაფერი
აქვს საერთო სპონტანურად გაჩენილ მე-
ბრძოლ სულთან. ადამიანებმა რომ იბრძო-
ლონ, მათ ეს კანონით უნდა აიძულო და
პროპაგანდის საშუალებით ნააქეზო. თქვენ
მსოფლიოსთვის გაცილებით მეტს გაა-
კეთებთ, თუ ადამიანებს ურჩევთ, ბრძოლის
ინსტინქტის სპონტანურ კარნახს დაემორ-
ჩილონ, ვიდრე ერთა ღიგის მსგავსი ორგა-
ნიზაციები შექმნან.

— და კიდევ უფრო მეტს მაშინ გაა-
კეთებთ, — თქვა ბარლემამ, — თუ ადამი-
ანებს ურჩევთ, ქრისტიანული კვალს გაჰყენონ.

— არა, ეს მართალი არ არის. აიძულო
ადამიანები, ქრისტეს კვალს გაჰყენონ, ეს
იმას ნიშნავს, აიძულო ისინი, ზეადამიანე-
ბი გახდნენ. პრაქტიკაში კი ამას სანაწაღმ-
დეგო შედეგი მოაქვს: ისინი ხდებიან უფრო
ნაკლები, ვიდრე ადამიანი. აიძულო ადამი-
ანებს, ზეადამიანეობით მისდინონ ქრისტეს
მოდლებს, ეს იმას ნიშნავს აიძულო მათ,
იდიოტეზივით იქცეოდნენ, საბოლოოდ კი
— ეშმაკის მსგავსად. ამის უაზროვი მაგალ-
ითი არსებობს. თუნდაც, ტოლსტოი რომ
ავიოთ: უდიდესი ადამიანი, რომელმაც
საკუთარი თავი იდიოტად აქცია იმის გამო,
რომ ცდილობდა, უფრო მეტი ყოფილიყო,
ვიდრე უდიდესი ადამიანი. ან ის თქვენი
საშინელი, პატარა წმინდა ფრანცისკი, —
ბარლემისკენ შებრუნდა, — კიდევ ერთი
იდიოტი, მაგრამ უკვე ეშმაკად ქცევის
ზღვარზე. შედევგი ეტაპი — ფიციადის ბე-
რები. მათ ზღვარი გადალახეს. ისინი ეშ-
მაკად სრულად გადაქცევის სტადიამდე
მივიდნენ. საკუთარი თავის ნაშემა. ყვე-
ლაფერი გონივრულის, მშვენიერის და
ცოცხლის განადგურება — ასეთი იყო
მათი პროგრამა. ისინი ცდილობდნენ, იე-
სოს კვალს გაჰყოლოდნენ და უფრო მეტი
ყოფილიყვნენ, ვიდრე ადამიანები, მაგრამ
ყველაფერი, რაც მათ მოახერხეს, ის იყო,
რომ სატანური დამანგრეველი ძალის გან-
სახიერებად იქცნენ. ბუნებრივად ინსტინ-
ქტების შესაბამისად რომ მოქცეულიყვნენ,
ისინი სრულიად წესიერი ადამიანებად დარ-
ჩებოდნენ. მაგრამ არა, აუცილებლად უწ-

დოდათ, უფრო მეტი ყოფილიყვნენ, ვიდრე
ადამიანები. შედეგად კი ეშმაკებად იქ-
ცნენ. ჯერ იდიოტებად, შემდეგ კი — ეშმაკე-
ბად. სულელ ეშმაკებად. ფუ! — რემპიონმა
სახე დამანჭა და თავი ზიზღით გადააქნია,
— და რა საშინელებაა, — აღშფოთებით
განაგრძობს მან, — რომ სამყარო სავსეა ასე-
თი არსებობით! რა თქმა უნდა, ისინი ისე
შორს არ შეტოპავენ, როგორც წმინდა ან-
ტონი და მისი დემონები, ან წმინდა ფრან-
ცისკი თავისი ნახევრად იდიოტებით, მა-
გრამ, არსებითად, ისინიც ისეთები არიან.
განსხვავება მხოლოდ ხარისხშია. ყველა
მათგანის გაუკუღმართება შედეგია იმისა,
რომ ცდილობდნენ, ზეადამიანები ყოფილი-
ყვნენ. ზეადამიანურად რელიგიურები,
ზეადამიანურად ზნეობრივები, ზეადამი-
ანურად ინტელექტუალები და მეცნიერე-
ბი, ზეადამიანურად შრომისუნარიანები,
ზეადამიანურად სპეციალზირებულიები
და ეფექტულები, ზეადამიანურად საქმი-
ანები და ზეადამიანურად ხარბები და გა-
მომძალეველები, ზეადამიანურად გარყვ-
ნილები, დონ-ჟუანები, ზეადამიანურად
ანგარიშიანი ინდივიდები, სიყვარულშიც
კი. ყველა გაუკუღმართებული და გადაგ-
ვარებულია. გადაგვარებული სიკეთისა და
ბოროტების მხარეს, სულის ან ხორცის მხ-
არეს, მაგრამ ყოველთვის შორს ნორმისა-
გან, შორს ადამიანობისაგან. მსოფლიო —
ეს გადაგვარებულ-გაუკუღმართებული
იდიოტების თავშესაფარია. ოთხი მათგანი
ჩვენს მაგადასთან ზის, — მან ჩაიცინა და
ირგვილი მიმოხივდა, — გადაგვარებული
იესოსიკო, — ბარლემამ ყოველისმიტვეე-
ბლურად გაუღიმა, — გადაგვარებული
ინტელექტუალური ესთეტი.

— მაგდლობთ კომპლიმენტისათვის, —
თქვა ფილიპმა.

— გადაგვარებული მორალისტი, — ის
სპენდრელისკენ შებრუნდა, — ზედგამოჭ-
რილი პატარა სტავროგინი. მაპატიეთ,
სპენდრელ, მაგრამ სინამდვილეში თქვენ
ყველაზე დიდი სულელი ხართ, — მის სახ-
ეს ყურადღებით დააკვირდა, — თქვენ ისე
იღიმიებით, როგორც ყველა ტრაგიკული
გმირი ერთად აღებულნი. მაგრამ არაფერი
გამოგდით. მაგ ღიმილს იქით მიამიტი
ზანი³ იმალება.

სპენდრელმა თავი უკან გადააგდო და
უხმოდ გაიცინა. „მაინ რომ იცოდეს“ —
გაიფიქრა მან — „რომ იცოდეს“. მაგრამ
რომ სცოდნოდა ჩოდეცი, განა მას ნაკლე-
ბად სულელად ჩათვლიდა?

— იცინეთ, იცინეთ, ძმაო, დოსტოევს-
კი, მაგრამ ნება მომეცით, გითხრაო, რომ
იდიოტი სტავროგინისთვის უნდა დაერ-
ქმიათ და არა მიშკინისთვის. ის შეუდარე-
ბლად უფრო დიდი სულელია და ბევრად
უფრო მეტად გადაგვარებულიც.


— და აქ მგდომი მეოთხე პირი სულე-
ლების რომელ კატეგორიას ეკუთვნის? —
ჰკითხა ფილიპმა.

— მართლაცადა რომელს? — რემპი-
ონმა თავი გადააქნია. მისი თხელი, აბრე-
შუმისებური თმები შეიწხა, — გადაგვარე-
ბული მოქადაგე. გადაგვარებული იერე-
მია. დანყველილ, ძველ სამყაროზე გადა-
გვარებული მოტირალი. და, რაც მთავარ-
ია, გადაგვარებული ყბედი, — წამოდგა, —
ჰოდა, ამიტომ, ახლა სახლში მივდივარ. არ
შეიძლება დავადგინო ისე ლაპარაკი, როგორც მე
ვილაპარაკე. ასე არაადამიანურად. ეს აღ-
მაშფოთებელია. მრცხენია, მაგრამ მთე-
ლი უბედურება ის არის, რომ როცა ყვე-
ლაფერ არაადამიანურს და პატარა ადამი-
ანებს აშუაობდა, შენ თვითონაც გარდაუე-
ვლად არაადამიანი ხდები. ეს ყველაფერი
თქვენი ბრალია. — დამშვიდობებისას
ჩაიცინა, ხელი დაუქნია მათ და წავიდა.

¹ Plus un obstacle... (ფრანგ) — არაბირი მატერიალური
დაბრკოლება. მოელი სისწრავე მიღწეულია მეცნიერებ-
ის და სიმდიდრის წყალობით. სრული დამოუკიდებლობა.
ხედავდე დანაშაულს შესწინააღმდეგ ნებისმიერ ქვეყ-
ანასთან და ნებისმიერ ადამიანთან ურთიერთობაში, თუ
ეს ურთიერთობა არაა სასურველი. ენერგია, მობილზებ-
ულობა, დაძაბულობა, მარტობა. გადაიტანეთ ესენიანა-
დვილად ახლობლებთან ურთიერთობაზე. იქნებ სიყვარუ-
ლი არც არის საჭირო, მხოლოდ მეგობრობა, იმეათი, ძნე-
ლი, დატვირთული, ნერვიული. იცხოვრო ისე, თითქოს ხე-
ლახლა დაიბადე, ისევე განცალკევების, შფოთვის, სიცარ-
იელის მდგომარეობაში (ფრანგი მწერალი ქალის — მარი
ლენორიუს — დიდიხრიდან).

² ნიუდიგისტიკის პრემია — დააარსა ანტიკვარმა
როჯერ ნიუდიგემ ოქსფორდის უნივერსიტეტში 1806
წელს. ყოველწლიურად ენიჭება საუკეთესო პოემას ინ-
გლისურ ენაზე.

³ მიამიტი ზანი — პროსცენიუმის მომსახურე პერ-
სონალი იტალიურ ნიღბების კომედიისაში.



*
 — აქა მშვიდობაა! ჰე-ჰე-ჰე!
 — მშვიდობა მოგცეთ... მოგცე... იყოს...
 უიჰ...
 — მობრძანდით... აი, აქ დაბრძანდით!
 — სულ ვზივარ ისედაც... აბა, რას შერე-
 ბით, როგორ შეეგუეთ?
 — ამას რა შეგუება უნდა...
 — მშვენიერია!
 — შესანიშნავია!
 — სრული ფანტასტიკა!
 — ნამდვილი სამოთხეა!
 — კაი ერთი! ჰე-ჰე-ჰე! ანუ მხიარულად
 ხართ? ერთობით?
 — კი... დავრბივართ, პეპლებს
 დავდევთ, ვიჭერთ და მერე ისევ ვუშვებთ,
 უვნებლად!
 — სხვადასხვა ფრინველის გალობას,
 ჭიკჭიკს, ჟღურტულს ვუსმენთ!
 — ვაგემოვნებთ წყაროებს, ათასგვარ
 ხილს, ბოსტნეულს, კენკრულსა და ბალ-
 ჩეულს... ნუ, რა თქმა უნდა, თავისით რაც
 მოდის!
 — ანუ არაფერი გაკლიათ, არაფერი
 გინდათ, არაფერი გჭირდებათ!
 — არა, რა თქმა უნდა!
 — მეტი რაღა უნდა გვინდოდეს?
 — რა ვიცი, იმ ხეზე რო გითხარით,
 გულში ისე ხომ არ დავრჩათ, სხვანაირად?
 — რას ბრძანებთ! განა ეგეთი უმა-
 ლურები ვართ!
 — ნეტა, სხვა ნაყოფების დაგემოვნება
 მოვასწროთ!
 — მოასწრებთ, მოასწრებთ... მეტი რა
 საქმე გაქვთ... თუ ვინმე გერეკებათ
 აქედან?
 — ეგეც მართალია!
 — კიდევ ერთხელ — დიდი მადლობა
 ამ მშვენიერი სიურპრიზისთვის!
 — კარგი, შვილო, ყველაფერი
 თქვენთვის არ მინდა?... იმ ხის ნაყოფის
 გარდა, რა თქმა უნდა...
 — იმ ხეს ახლოსაც არ ვეკარებთ!
 — ჰოდა, ჭკვიანდაც იქცევით! თუ
 ასე გააგრძელებთ, სხვა ყველაფერიც
 გაგრძელდება... ნავედი ახლა მე და თქვენ
 იცით!
 — კიდევ გვესტუმრეთ!
 — არ დაგვივინყოთ!
 — დაგვივინყოთ?! სხვა ვინა მყავს
 თქვენს მეტი!.. ნუ, ამათ მეტიც, ჰა!

*
 — აბა, ცუდ დროს ხომ არ მოვედი? ჰე-
 ჰე-ჰე-ჰე!
 — როგორ გეკადრებათ!
 — თქვენი სტუმრობა ყოველთვის
 გაგვახარებს!
 — როგორ ბრძანდებით?
 — ახლა რაღა მიჭირს, შვილო — მო-
 მესწარით, ფეხზე დაგაყენეთ, მამულები
 მოგეცით...
 — ამას არასოდეს დაგივინყებთ!
 — იცი, რა? მაინც ნუ იტყვი ეგრე... მეხ-
 სიერება მნიშვნელოვანია, მაგრამ ყველა
 შემთხვევაში ჯობს, ვინმე იწერდეს.
 — რას შერებოდეს?
 — არაფერი, არაფერი... თქვენ როგორ
 ხართ, რა შეატყვეთ, რამე ხომ არ გაკლი-
 ათ?
 — რას ამბობთ, პირიქით!
 — აქაურობა სასწაულია!
 — აქ თავს გადასარევი ვგრძნობთ!
 — მგონი... მგონი, ბედნიერები ვართ!
 — აბა, თუ იცით, რატომ?
 — ეე... რატომ?
 — იმიტომ, რომ დაიმსახურეთ! კარგად
 იქცევით!
 — ვცდილობთ...
 — სიმართლე გითხრათ, არც კი ვიც-
 ით, ცუდად როგორ უნდა მოვიქცეთ —
 რაც გვინდა, აქ ყველაფერი თავზეხსაყრე-
 ლი და ნებადართულია!
 — იმ ხის ნაყოფის გარდა!
 — რა თქმა უნდა... ის არც გვინდა!
 — არც გვინდა კი არა, არც გვახსოვს!
 — ჰოდა, გაგახარებთ მე! ნავედი!
 — ასე რატომ ჩქარობთ?
 — იყავით, დაისვენეთ!
 — იჰ, სულ არ ვისვენებ... ეს ბოლო ხანები?



ზაზა ბიბლაშვილი

სხვა დღეები

*
 — აბა, დღეს როგორ ხართ? ჰე-ჰე-ხე-
 ხე!
 — ზღაპრულად! თქვენ?
 — ვარ, რა, ძველებურად... ცოტა ხე-
 ლის განძრევა კი მომენატრა... ყველაფერ-
 მა მონყენა იცის, თურმე... უსასრულო ბედ-
 ნიერების ყურებასაც კი... თქვენც ხომ არ
 მოინწყინეთ?
 — ჩვენ რა მოგვანყენს — ყველა ერ-
 თად ვართ!
 — რა ვიცი... მაგალითად, ყოველდღი-
 ურობის ერთფეროვნება...
 — არ ვცხოვრობთ ერთფეროვნად —
 ხან პეპლებს დავდევთ, ვიჭერთ და მერე
 ისევ უვნებლად ვუშვებთ!
 — ხან ჩიტების ხმიანობას ვუსმენთ!
 — ხან წყაროებს, ხილს, ბოსტნეულს,
 კენკრულსა და ბალჩეულს ვაგე-
 მოვნებთ!
 — იმედია, იმ ხის ნაყოფს — არა!
 — იმას — არა, რა თქმა უნდა!
 — როგორ გეკადრებათ!
 — ჰო... თორემ იმ ხის ნაყოფში უამრავი
 ინფორმაციაა კოდირებული! ის რომ გას-
 ინჯოთ, უთვალავ ახალ ამბავს გაიგებთ!
 მერე კიდევ მეტი და მეტი მოგიხდებათ!
 და გინდათ ეგ?
 — არა, რად გვინდა, შარია!
 — ჰოდა, ეგრე...

*
 — აქ დაბრძანდით, მოხერხებულად
 მოენყვეთ... რა შემოგთავაზოთ?
 — კარგი, შვილო, თქვენ რა უნდა შე-
 მომთავაზოთ... ხე-ხე-ხე!
 — ჰე-ჰე, აპატიეთ, დაიბნა...



— რა ვიცი, იქნებ პირი გაგესველები-
 ნათ-მეთქი...
 — ნუ შენუხდები, გენაცვალე, გავის-
 ველე უკვე! იმ ხესთან გამოვიარე... ხო
 იცით, რომელ ხეზეც გეუბნებით... ჰოდა,
 ერთი-ორი ნაყოფი გეახელით... სხვათა
 შორის, ძალიან გემრიელი იყო... აი, ახლაც
 პირში მაქვს იმისი გემო! ნკლაპ-ნკლაპ!
 როგორ აგისხნათ... არა, თვითონ თუ არ
 გასინჯავთ, ვერ გაიგებთ... თქვენ კი გას-
 ინჯვას არ აპირებთ, როგორც ვხვდები...
 — არა, რა თქმა უნდა!
 — გამორიცხულია!
 — თქვენ ხომ გვითხარით!
 — ჩვენ ხომ პირობა მოგეცით!
 — ვაჰ, რა დამჯერები გამოხვედით...
 კარგებო თქვენა...

*
 — შენა, მარტო ხარ? ის მეორე სად
 არის? ოლონდ არ მითხრა ახლა — მე რა
 ვიცი — ჩემი ცოლის მცველი კი არა ვარო!
 ხე-ხე-ხე-ხე!
 — როგორ არ ვიცი... სადღაც იქით
 თამაშობს, იმ... ჭრელასთან...
 — ჭრელასთან?
 — კი, მოიცა... აგერ... ახლავე დავუძა-
 ხებ!
 — არ გინდა, იყოს... ა, ეგ არის ჭრე-
 ლა?..
 — ჰო, ეგრე შეარქვა, რა ვიცი.
 — რაკი სახელი დაარქვა, ძალიან
 გაშინაურებიაა.
 — ალბათ.
 — ალბათ კი არა, შვილო, ეს ისეთი ბა-
 ნალური ჭეშმარიტებაა, რომ შეიძლება,
 მერე და მერე სახელოვნებო დარგებში

კლიშედაც კი დამკვიდრდეს... ჰა?
 არაფერი, ნუ მომაქცევ ყურადღებას!
 — ჰო, რა ვიცი, თავიდანვე დაუმეგო-
 ბრდა. რაღაც მოენონა, ფორმა თუ სი-
 გლუვე... დავუძახებ!
 — მოეშვი-მეთქი, ადამიანო! ითამა-
 შოს... რამდენი ხანია, მარტო მე და შენ
 აღარ გვიჭორავია, კაცურად! ხე-ხე-ხე!
 რა ხდება, აბა, თქვენცენ, მომიყევი!
 — ნუ, პეპლებს...
 — ეგ ვიცი!
 — წყაროებს...
 — ეგეც ვიცი!
 — ხილსაც...
 — ჰო, ეგ უკვე საინტერესოა... ხილს —
 ყველანაირს... ყველას... თუ როგორ?
 — ...
 — ?
 — ერთი წუთით მომისმინეთ... სულ მინ-
 დოდა, მეთქვა...
 — გისმენ ყურადღებით!
 — თქვენ შეიძლება სადღაც, გულის
 კუნჭულში ფიქრობთ, რომ ჩვენ მაინც სუს-
 ტი არსებები ვართ... თანაც — ახალ-
 გაზრდები... ის — განსაკუთრებით... და
 ამიტომ შეიძლება, ერთხელაც, სიფხიზლე
 დავკარგოთ, გონება გავგეფანტოს და
 ხელი წავგიცდეს... მაგრამ...
 — მაგრამ!
 — მე კაცი ვარ და სიტუაციას ვაკონ-
 ტროლებ!
 — ჰჰ...
 — სრულად!
 — აჰ...
 — აბსოლუტურად!
 — გავიგე, კაცო!
 — ახლა... ხომ დამშვიდდით?
 — კი, კი, რა შედარება...
 — ხომ გჯერათ ჩვენი?
 — ძალიან... ძალიან...
 — ...
 — რა ჰქვია იმას? გრძელა?

*
 — დაინახე?
 — იქით უხვევს?
 — ევეიი!
 — შემოგვიარევეთ!
 — გვინახულევეთ!
 — უჰ, მაინც დამინახეთ... ნუ შენუხდებ-
 ით, რაღაც საქმეზე ვარ...
 — ვინმეს ეძებთ?
 — კი... ჰო... არა, ვსეირნობ... როგორ
 ხართ ისე?
 — გადასარევიად!
 — შესანიშნავად!
 — ვიცი, ვიცი... პეპლებს იჭერთ, მერე
 უშვებთ, ჩიტებს უსმენთ, წყალს სვამთ, ნე-
 ბადართულ ხილს ჭამთ და დაკუნტრუშებთ
 ასე თხასავით მხიარულები! იმ ხის ნაყოფი
 კიდევ ცვივა და ლუბა! ცვივა და ლუბა!
 ამხელა პოტენციალი და — სრულიად
 გამოუსადეგარი — გაგონილა?
 — დაიხ... არ ვიცი...
 — ალბათ...
 — ის ხე, დიდი ხანია, არც გვინახავს...
 — როგორც თქვენ გვითხარით...
 — გავიგე! მახსოვს! მე გითხარით! ამო-
 მადინეთ ახლა ყელში! ბჯოს!..
 — უკვე მიდიხართ?
 — ცოტა ხანს დარჩენილიყავით...
 — დაგესვენათ...
 — არ მინდა დასვენება! მომბეზრდა!
 ვაჰ!.. ამის ყურებაც მომბეზრდა!.. თან,
 გითხარით — საქმე მაქვს!.. ანუ
 ვსეირნობ!.. ა, აგე, გასრილდა... ნავედი!
 — შენც იმას ფიქრობ, რასაც მე?
 — თითქოს რაღაც არ გვითხრა ბო-
 ლომდე, ხო?
 — ნაწყენივით მომეჩვენა.
 — რამე ხომ არ დავაშავეთ? შემთხ-
 ვევით.
 — რა უნდა დავაშავებინა — მთელი
 დღე პეპლებს დავდევთ, ვიჭერთ და ისევ
 უვნებლად ვუშვებთ...
 — ჩიტების ჟღურტულს ვუსმენთ...
 — ვაგემოვნებთ წყაროებს, ხილს,
 ბოსტნეულს, კენკრულსა და ბალჩეულს...
 — რომელიც თავისით მოდის, რა თქმა
 უნდა...